



THE FREE INDOLOGICAL COLLECTION

WWW.SANSKRITDOCUMENTS.ORG/TFIC

FAIR USE DECLARATION

This book is sourced from another online repository and provided to you at this site under the TFIC collection. It is provided under commonly held Fair Use guidelines for individual educational or research use. We believe that the book is in the public domain and public dissemination was the intent of the original repository. We applaud and support their work wholeheartedly and only provide this version of this book at this site to make it available to even more readers. We believe that cataloging plays a big part in finding valuable books and try to facilitate that, through our TFIC group efforts. In some cases, the original sources are no longer online or are very hard to access, or marked up in or provided in Indian languages, rather than the more widely used English language. TFIC tries to address these needs too. Our intent is to aid all these repositories and digitization projects and is in no way to undercut them. For more information about our mission and our fair use guidelines, please visit our website.

Note that we provide this book and others because, to the best of our knowledge, they are in the public domain, in our jurisdiction. However, before downloading and using it, you must verify that it is legal for you, in your jurisdiction, to access and use this copy of the book. Please do not download this book in error. We may not be held responsible for any copyright or other legal violations. Placing this notice in the front of every book, serves to both alert you, and to relieve us of any responsibility.

If you are the intellectual property owner of this or any other book in our collection, please email us, if you have any objections to how we present or provide this book here, or to our providing this book at all. We shall work with you immediately.

-The TFIC Team.

महावीर री ओळखाण

[भगवान् महावीर रै जीवन अर उपदेसां पर
राजस्थानी भाषा में लिख्योड़ी पैली पोथी]

श्री हंसराज बच्छराज नाहटा
सरदारशहर निवासी

द्वारा

जैन विश्व भारती, लाडनूं
को सप्रेम भेट -



अनुपम प्रकाशन
बौद्धा रास्ता, जयपुर-३

समर्पण

भगवान् महावीर

रे

धरम तीरथ रूप

चतुरविधि

संघ

साधु, साध्वी, श्रावक, श्राविका

नै

घरणे आदर अर सरधाभाव

सूँ

समर्पित

—शान्ता भानावत

आपणी आर सूं

भगवान महावीर रे २५००वे परिनिर्वाण वरस रे सुभ
अवसर पर उणां रे जीवन अर उपदेसां पर राजस्थानी भाषा में
लिखोड़ी आ पोथी पाठकां रे सामें प्रस्तुत करनां म्हनै घणो हरख
अर उमाव है । प्रभु महावीर लोक घरम रा नायक हा । वांरो धरम
किणी जाति या वर्ग विशेष खातर नीं हो । वां सगळा लोगां नै
आपणो जीवन नैतिक अर पवित्र वणावण खातर उणा वगत री
लोक भाषा अर्ध मागधी (प्राकृत) में आपणा उपदेस दिया ।

हर मिनख आपणी वोली में कह्योड़ी बात वेगो समझ जावै ।
उणरो असर भी वी पर घणो टिकाऊ हुवै । ओ इज कारण हो कै
प्रभु महावीर रे सम्पर्क में जै भी आया वै उणां रे उपदेसां सूं आपणो
जनम-मरण सुधारण खातर भोग मारण सूं त्याग मारण कांनी
बढ्या ।

राजस्थानी भाषा रे प्रति सरु सूं ई म्हारो लगाव रह्यो । म्हारै
मन में विचार आयो कै जै प्रभु महावीर री जीवन-गाथा अर इमरत
वाणी कदास राजस्थानी भाषा में प्रस्तुत की जावै तो अठारा लोगां
पर उणरो गेहरो असर पड़ेला । इणीज भावना सूं प्रेरित होय'र
म्हैं आ पोथी लिखी ।

इण पोथी में बारा अध्याय है। सहश्रात रा तीन अध्याय काळचक्र, चवदह कुलकर और महावीर सूं पैली हुयोड़ा तैवीस तीर्थकरां सूं सम्बन्ध राखे। बाद रा छह अध्यायां मांय महावीर रै जनम काळ री स्थिति, उणारै जनम, टाबरपण, वैराग, साधक जीवन, केवलीचर्या और परिनिर्वाण रो विवरण है। आखरी तीन अध्याय महावीर रै सिद्धान्त, महावीर री परम्परा और महावीर-वाणी सूं सम्बन्धित है। महावीर-वाणी में भगवान् महावीर रा जीवनस्पर्शी उपदेस मूल प्राकृत भाषा में राजस्थानी अनुवाद रै साँगै संकलित किया गया है।

इण पोथी रै लिखण में म्हारा पति डा० नरेन्द्र भानावत सह सूं ई म्हारो मार्गदर्शन करियो। आचार्य श्री हस्तीमलजी म० सा० द्वारा लिख्योड़ी 'जैन धर्म का मौलिक इतिहास' प्रथम भाग (तीर्थङ्कर खण्ड) और श्री मधुकर मुनि, श्री रतन मुनि, श्री श्रीचन्द सुराना 'सरस' द्वारा लिख्योड़ी 'तीर्थङ्कर महावीर' पोथियां सूं म्हनै विशेष मदद मिली। इणांरै प्रति ओभार प्रगट करणो म्हूं आपणो परम कर्तव्य मानूं।

अनुपम प्रकाशन रा संचालक श्री मोहनलाल जैन इण पोथी रै छपावण रो जिम्मो ले'र जिण साहस रो परिचय दियो वो प्रशंसा जोग है। पोथी जलदी में त्यार करीजगी है। इण कारण जै कोई अशुद्धियां रैयगी है, उण खातर म्हूं पाठकां सूं माफी चाऊ।

म्हनै पूरो भरोसो है के आ पोथी जन साधारण नै भगवान
 महावीर रे जीवन श्रर उपदेसां री ओळखाण करावण में सहयक
 हुती । जै लोग इणनै पढ'र आपणो जीवन संयमित श्रर पवित्र
 वणावण री दिसा में थोड़ा भी आगे बढ़ा तो म्हूं आपणो ओ
 प्रयास सार्थक समझूंली ।

सी-२३५ ए, तिलकनगर
 जयपुर-४.

—शान्ता भान्तावत

अनुक्रमाणिका

१. काल् रो पहियो	१
२. चबदह कुलकर	३
३. चौबीस तीर्थकर	६
४. महावीर रे जनमकाल री स्थिति	२१
५. जनम अर टावरपण	२४
६. विवाह अर वैराग	३०
७. साधक जीवन	३४
८. केवलीचर्या	५६
९. परिनिर्वाण	१०३
१०. महावीर रा सिद्धान्त	१०५
११. महावीर री परम्परा	१३८
१२. महावीर-वाणी	१४५

१ | काल् रो पहियो

जैन सास्त्रां रे माफिक काळ रो प्रवाह अनादि-अनन्त है। काळ री मवनूं छोटी अविभाज्य इकाई 'समय' अर सबसूं बड़ी 'कल्पकाळ' कहीजै। एक कल्पकाळ रो परिमाण वीस कोड़ाकोड़ि 'सागर' मानोजै जो मोटे तीर सूं संख्यातीत वरसां रो वहै। हरेक कल्पकाळ रा दो विभाग वहै—एक 'अवसर्पिणीकाळ' अर दूजो उत्सर्पिणीकाळ। जिण भाँत दिन पूरो हुयां पछै रात आवै अर रात पूरी हुयां पछै दिन आवै, उणीज भाँत अवसर्पिणीकाळ अर उत्सर्पिणीकाळ एक दूसरां रे लारै आवता रैवै। अवसर्पिणी लगोलग हास अर अवनति रो काळ वहै अर उत्सर्पिणी उत्तरोत्तर विकास अर बढ़ोतरी रो काळ कहीजै। अवसर्पिणीकाळ नीचे लिखोड़ा छह भागा मैं बांट्यो जा सकै—

- | | |
|--------------|--------------|
| 1. सुखमासुखम | 2. सुखम |
| 3. सुखमादुखम | 4. दुखमासुखम |
| 5. दुखम | 6. दुखमादुखम |

पैलड़े सुखमासुखम काळ में जीव नै किणी भाँत री कोई तकलीफ नी वहै। इण काळ मैं मिनख री काया रो वल, उमर, हीलडील वत्तो वहै। मिनख नै गुजारा खातर सगळी चीजां विगर मैनत-मजूरी कर्यां कल्पव्रक्षां सूं सहज रूप में मिल जावै। कुदरत रै चोखै, शांत वातावरण में मिनख रो मन हर वगत आनन्द सूं हिलोरां लेवतो रैवै। दूजै सुखम काळ में पैलड़े काळ री सुख-सांति में थोड़ी कमी आवै अर तीजै सुखमादुखम काळ ताईं आवतो—आवतां मिनख नै सुख रे सागै दुखां रो अनुभव पण होवण लागै। अं तीन्यूं काळ सुख अर भोग प्रधान हुवै। मिनखां रो पूरो जीवण

कुदरत रै भरसे रैवै । अै काळ भोगयुग या भोगभूमिकाळ रै नाम सूं जाणीजै ।

चौथै काळ दुखमासुखम में धरती रै रंग, रूप, रस, गंध स्पर्श अर उपजाऊपण में कमी होणी सरू व्है । खावण-पीवण री चीजां री कमी पड़ जावै । कल्पव्रक्षां सूं सगळो काम नी सरै । मिनखां रा डीलडौल, बळ, उमर सैं घट जावै अर जीवण में दुखां री प्रधानता रैवण लागै । पांचवै काळ दुखम ताईं आवतां-आवतां मिनखां रै जीवण में संघर्ष री ओरुं बढ़ोतरी व्है अर सुख नाम मातर रो रै जावै । छठै काळ दुखमादुखम में दुख आपणी सीमा लांघ जावै । सुख नाममातर ईं नी रैवै । इण काळ में मिनख असान्ति री आग में बळवा लागै ।

पण आ स्थिति भी पळटौ खावै । काळ रो पहियो घूमै । छठै दुखमादुखम काळ सूं सरू होय नै पांचवौ (दुखम) चौथो, (दुखम-सुखम) काळ आवै । ओ काळ उत्तरोत्तर विकास अर बढ़ोतरी रो हुवै । इणां रै सरुपोत रा तीन काळां में करमभूमि री अर लारला तीन काळां में भोगभूमि री व्यवस्था रैवै । अबार अवसर्पिणीकाळ रो पांचवो आरो दुखम चालै ।

२ | चबदह कुलकर

अदस्पिणी काल रे इण पहिये रे तीजे काल सुखमादुखम रो जद आधे सूं वत्तो वगत वीतग्यो, तठ मिनखां नै दुख रो अहसास हुयी। बळपव्रक्षां सूं सै चीजां मिलणी वन्द होवा लागी। गुजारा खातर लोग आपस में लड़ा लाग्या। से मिनख ससकित अर भयभीत हुया, वां में कोध, लोभ, छल, प्रपञ्च, धमंड, जिसी राक्षसी वृत्तियां पनपवा लागी, जिसूं मानव समाज असांति री आग में बलवा लागो। तद उणांरी ज़ंका मिटावण अर समस्यावां रो ममाधान करण खातर एक नूँईं व्यवस्था रो जनम ढुयो। आ नूँईं व्यवस्था कुलकर व्यवस्था कहीजै। सग़ला मिनख मिल'र छोटा-छोटा कुल वणाया अर प्रतिभावान चोखै मिनख नै आपणे कुल रो नेता मजूर करियो। कुल री व्यवस्था अर उणारो नेतृत्व करण खातर श्री कुलनायक 'कुलकर' नाम सूं प्रसिद्ध हुया। मननसील हुवण रे कारण श्री 'मनु' पण कहावा लाग्या। इणा री संतान मानव कहीजै।

कुलकरां री सद्या चांदह मानीजै। पैला कुलकर मनु या प्रतिश्रुत हा। अणां लोगां नै मूरज अर चांद रे उदय अर अस्त जिसी कुदरती घटनावा रो भेद वतायो। दृजा कुलकर सन्मति लोगां नै नखत अर तारा रो जान कागयो। तीजा कुलकर क्षेमंकर लोगां नै जगली जिनावरां सूं निरभं रैय उणानै पाठ्नू वणावण री तर्कीव वताई। चाँथा कुलकर क्षेमधर ना'र जिसा हिंसक जिनावरां सूं आपणी रक्षा खातर लकडी ग्र भाटा आदि नै काम मे लेवण री कटा सिखाई। पाँचवां कुलकर सीमकर लोगां में कळपव्रक्षां खातर हुवण आळा आपसी झगडा मेट'र हरेक कुल रे अधिकार क्षेत्र री सीमा तै करी अर लोगां नै झगडा-फिसाद् सूं बचाया। इण काल

मैं अपराधी नै सजा देवण खातर 'हाकार' दण्डनीति री व्यवस्था ही। जो आदमी मर्यादा नै उलांघतो उणानै इतरो सो'क केवणौ कै 'हा' थैं ओ काँई कर्यो, बड़ो जबरो डड हो। एक दफा इतरो कड़ो ढंड देण रै बाद वो मिनख कदैइ दुबारा वा गलती नी करतो।

छठा कुळकर सीमंधर बचियोड़ा कळपव्रक्षां पर वैयक्तिक मालकियत अर सीमा तै करी। आ बात कहीजै कै जद सूं ही मिनखां में निजी सम्पत्ति री भावना पैदा हुई। सातमा कुळकर विमलवाहन हाथी अर पालतू जिनावरां नै बांध राखण अर उणारो सवारी आदि कामां में उपयोग करण री सीख दीवी। आठमा कुळकर चक्षुष्मान जुगलिया स्त्री, पुरुसां नै संतान रो सुख देखणो बतायो। इणांसूं पैलां जुगलिया संतान नै जनम देयर खुद मर जावता। नवमा कुळकर यसस्वन लोगां नै संतान सूं नेह करणो अर उणारो नामकरण करण री सीख दीवी। दसवे कुळकर अभिचन्द्र बाल्क रै रौणै, चुप कराणै बुलवाणै अर लालण-पालण करण री लोगां नै सीख दीवी। छठा सूं दसवां कुळकर ताईं दण्डनीति में 'हा' री जगां 'मा' (नीं, मती करो) सबद रो प्रयोग हुवण लागो।

ग्यारवे कुळकर चन्द्राभ सरदी, गरमी अर वायरे रै प्रकोप सूं दुखी अर भयभीन हुयोड़ा लोगां नै बचावण री तरकीब बताई अर बाल्कां रै पालण पोसण जैड़ी उपयोगी बातां सिखाई। बारहवा कुळकर मरुदेव लोगां नै नदी-नाला पार करण अर पहाड़ां पर चढ़ण री कळा सिखाई। तेरहवे कुळकर प्रसेनजित बाल्कां रै भली-भांत पालण-पोषण री राय दीवी। चौदहवे कुळकर नाभिराय नवजात टाबर री नाभिनाल काटण री विधि बताई। इण समय ताईं सगळा कळपव्रक्ष खतम हुयग्या हा। नाभिराय गुजारा खातर लोगां नै धरती पर उग्योड़ा जौ, सालि, तुवर, उड़द, तिल आदि चीजां खावण रो तरीको बतायो। आखरी चार कुळकरां रै समै दण्डनीति में 'धिक्कार' सबद रो प्रयोग हुवण लागो।

भोगभूमि अर कुलकर काळ रे सागे एक तरे सू' प्रागैतिहासिक
जुग समाप्त हुवै । मिनख करम अर पुरुषार्थ रे जुग मे प्रवेस कर'र
नू' ई सम्यता अर संस्कृति रो इतिहास मांडणो सरु करै । इण नू'वै
जुग रा प्रमुख धरम नेता चौबीस तीर्थ्यकर तथा वीजा उनतालीस'
महापुरुष हुया । से भिला'र अै 'विष्णुशलाका पुरुष' कहीजै ।

- | | |
|-----------------------|--|
| १. क-बारा चक्रतीर्ती— | (१) भरत (२) सगर (३) मघवा (४) सनत
कृष्ण (५) शान्तिनाथ (६) कुन्त्यनाथ (७)
प्ररनाथ (८) सुधूम (९) पद्म (१०) हरिवेण
(११) जयसेन (१२) ब्रह्मदत्त । |
| २-सोबलदेव— | (१३) विजय (१४) भ्रचल (१५) सुघर्म (१६)
सुप्रम (१७) मुद्दमंत (१८) नन्दी (१९) नन्दि-
मित्र (२०) राम (२१) पद्म (बळराम) । |
| ३-नी धासुदेव— | (२२) श्रिपृष्ठ (२३) द्विपृष्ठ (२४) स्वयम्भू
(२५) पुरुषोत्तम (२६) पुरुषर्तिह (२७) पुरुष-
पुण्डरीक (२८) दत्त (२९) नारायण (लक्ष्मण)
(३०) कृष्ण । |
| ४-नी प्रतिवासुदेव— | (३१) अश्वमीव (३२) तारक (३३) मेरक
(३४) मधुकंटभ (३५) निशुम्भ (३६) वल्लि
(३७) प्रह्लाद (३८) रावण (३९) जरासंघ । |
-

'तीर्थ' नाम धरमणासन रो है। जै महापुरुष सजनम-मरण रुपी संसार समन्दर सूं पार करण खातर धरमतीरथ री थरपणा करै, वै 'तीर्थंकर' कहीजै। जैन परम्परा में तीर्थंकरां री संख्या चौबीस मानीजै। इणां तीर्थंकरां में पैला तीर्थंकर भगवान ऋषभदेव अर आखरी तीर्थंकर भगवान महावीर हुया। चौबीस तीर्थङ्करां रा नाम अर ओळखाए इण भांत है—

१. ऋषभदेव :

आखरी कुळकर नाभिराय री पत्नी मरुदेवी री कूंख सूं पैला तीर्थंकर भगवान ऋषभ रो जनम चैत वद आठम (नवमी) रै दिन अयोध्या में हुयौ। बालक ऋषभ जद मां रै गरभ में हा तद मां सुपना में पैलाईं पैल वृषभ देख्यो हो अर बालक रै छाती पै वृषभ रो लांछण पण हो, ईं कारण इणांरो नाम ऋषभदेव (वृषभदेव, वृषभनाथ) प्रसिद्ध हुयौ। बालक ऋषभ वडा हुयनै कुळ-री व्यवस्था आपणे हाथ में लोवी। ईं खातर अै कुळकर अर मनु पण कही जै। मानव सम्यता रै विकास रो श्रेय ऋषभ नैइज दियो जावै। ईं कारण अै आदिनाथ, आदिदेव, आदीश्वर, आदिवहा पण कहीजै। इणां जै काम करिया बिगर किणी री सीख सूं आपो आप मतैइ करिया, ईं खातर अै स्वयंभू पण कही जै।

जद ऋषभ वडा हुया तद आपरौ व्याव सुनन्दा अर सुमंगला सूं हुयो। आ मानी जै कै व्याव री रीत इणीज काळ सूं चाली। व्याव रै पछै ऋषभ रो राजतिळक हुयो। अै मानव सम्यता रै विकास रा सूत्रधार हा। इणासूं पैलां सैं मिनखां रो गुजारो कल्पनक्षां

सूं चालतो हो । होलै-होलै मिनखां री बढ़ोतरी सूं कल्पनवक्ष कम पड़वा लागा तद गुजारा खातर मिनख आपस मे लड़ता-झगड़ता । आ देख ऋषभ लोगां नै खेती करणा, लिखण-पठण अर बीजा काम धन्वा री सीख दीवी । आ मानीजै कै ऋषभ पुरुषां नै बहतर अर लुगार्या नै चाँसठ कलावां पण सिखाई ।

ऋषभ लुगार्या री पढ़ाई-लिखाई रा हामी हा । आपणी बेटो सुन्दरी नै आप अंक ज्ञान अर ब्राह्मी नै लिपि ज्ञान सिखायो । आगे जार आ लिपि ब्राह्मी लिपि रै नाम सूं प्रसिद्ध हुई । इण भांत ऋषभ भ्रजा रो पाळण-पोषण अर मार्गदर्शन धणा वरसां तांई करियो । ऋषभ आ मानता हा कै धरम रै मारग पर चाल्यां विगर आत्मिक सान्ति कोनो मिलै । आ सोच वी आपणे वडे पुत्र भरत नै राज रो भार सूंप'र खुद विरक्त हो'र आतम साधना रै मारग पर आगे बढ़या ।

ऋषभ चैत वद आठम रै दिन मुनि दीक्षा अंगीकार करी । दीक्षा धारण करवासूं पैली आप आपणी सम्पत्ति जहरतमंद लोगां में वांटी अर आ वात समझाई कै सम्पत्ति री महत्ता भोग में नी हो'र त्याग में है ।

मुनि वण'र ऋषभ धणी कठोर तपस्या करणी सह करी । छह माह रो अनसन वरत धारण कर प्रभु ध्यान साधना में लीन चैम्या । छह माह वीतवा पर प्रभु भिक्षा खातर गांव-गांव विहार करता रऱ्या । इण समै में वी मौन रैवता हा । ईं कारण लोग आ नी जाए सक्या कै प्रभु नै किण चीज री चावना है । मिनख इणांनै भेट में कीमती गैरणां=गाभा अर हाथी-घोड़ा देवता पण प्रभु विगर काई चीजवसत लियां, पाढ़ा फिर जावता । यू करतां-करतां छह माह श्रोरुं वीतग्या ।

एकदा प्रभु विचरण करतां-करतां हस्तिनापुर पधारिया । अठारो राजा सोमयश हो । ईं रो छोटो भाई श्रेयांसकुमार धार्मिक

वृत्ति रो हो । परव जनम रा संस्कारां सूँ प्रेरित होयर वीं प्रभु नै
ईख रै रस री भिक्षा दीवी । बो बैसाख सुद तीज रो दिन हो ।
भगवान री लम्बी तपस्या रो पारणो ईं दिन हुयो । इण खातर
ओ दिन आखातीज रै नाम सूँ प्रसिद्ध हुयो । आज पण इण दिन
वरसी तप रा पारणा हुवै ।

तप अर साधना करतां-करतां पुरिमताळ नगर रै बारै बड़
रै रुँख हेठै ध्यानमगन प्रभु नै केवलज्ञान हुयो । वे सर्वज्ञ, जिन,
अहन्त, बणग्या । पछै लोककल्याण खातर उपदेस देवता थका
कैलास परवत पर आप निर्वाण प्राप्त करियो । भगवान कृष्णभदेव
जैन धर्म रा प्रवर्तक अर जैन परम्परा रा पैला तीर्थंकर हा ।

२. अजितनाथ :

भगवान कृष्ण रै निर्वाण रै घणां बरसां पाछै विनीता
नगरी रै महाराजा जितसन्धु री राणी विजयादेवी री कूख सूँ दूजा
तीर्थंकर श्री अजितनाथ रो जनम हुयो । इणारो लांछण हाथी है ।
घणा बरसां ताईं आप राज्य अर गिरस्थ जीवन रो उपभोग
करियो । पछै आप दीक्षा लीवी अर कठोर तपस्या कर'र केवलज्ञानी
बण'र आप लोगां नै धरमदेसना दीवी अर सम्मेदसिखर पर निर्वाण
प्राप्त करियो ।

३. संभवनाथ :

तीजा तीर्थंकर श्री संभवनाथ हुया । इणारो जनम सावस्ती
नगरी में इक्ष्वाकु वंस में हुयो । इणांरै पिता रो नाम जितारी अर
माता रो सोना देवी हो । आपरो लांछण घोड़ो है । लम्बा समय
ताईं गिरस्त जीवन में रैय'र आप दीक्षा लीवी अर तपस्या कर'र
केवलज्ञान प्राप्त करियो । आपरो निर्वाण सम्मेदसिखर पर हुयो ।

४. श्रभिनन्दन :

चौथा तीर्थंकर श्री श्रभिनन्दन हुया । इणां रो जनम श्रयोध्या नगरी में हुयो । आपरै पिता रो नाम महाराजा संवर अर मातारो महाराणी सिद्धार्था हो । इणांरो लांछण वानर है । मुनि धरम अंगीकार कर आप कठोर तपस्या करी अर सम्मेदसिखर पर निर्वाण प्राप्त करियो ।

५. सुमतिनाथ :

पांचवा तीर्थंकर श्री सुमतिनाथ हुया । आपरो जनम श्रयोध्या में हुयो । आपरो लांछण क्रीच है । आपरै पिता रो नाम महाराज मेघ अर माता रो राणी मगलावती हो । आप कठोर तपस्या कर'र केवलज्ञानी बण्या अर सम्मेदसिखर सूँ मुगति प्राप्त करी ।

६. पदमप्रभु :

छठा श्री पदमप्रभु रो जनम कौसाम्बी नगरी में हुयो । इणांरै पिता रो नाम महाराजा धर अर माता रो सुसीमा हो । आपरो लांछण कमळ है । आप दीक्षा लै'य नै कठोर तप करियो अर केवलज्ञान प्राप्त कर संसारी प्राणियाँ नै धरम रो उपदेस दियो । सम्मेदसिखर सूँ आप निर्वाण प्राप्त करियो ।

७. सुपाश्वर्नाथ

सातवां तीर्थंकर श्री सुपाश्वर्नाथ रो लांछण स्वस्तिक है । आपरो जनम वाराणसी में हुयो । आपरै पिता रो नाम महाराज प्रतिष्ठसेन अर माता रो राणी पृथ्वी हो । आप धोर तपस्या कर'र सम्मेदसिखर सूँ निर्वाण प्राप्त करियो ।

८. चन्द्रप्रभ :

आठवां तीर्थङ्कर श्री चन्द्रप्रभ रो लांछण चन्द्रमा है। आपरो जन्म चन्द्रपुरी में हुयो। आपरै पिता रो नाम राजा महासेन अर माता रो राणी सुलक्षणा हो। आप घोर तपस्या कर'र सम्मेद-सिखर सूं निवाण ग्राप्त करियो।

९. सुविधानाथ :

नौवां तीर्थङ्कर श्री सुविधानाथ हुया। आपरो बीजो नाम पुष्पदत्त पण हो। आपरो लांछण मगर है। आपरै पितारो नाम राजा सुग्रीव अर माता रो नाम वामादेवी हो। आपरो जन्म काकंदी नगरी में हुयो अर निवाण सम्मेदसिखर पर। सिन्धुधाटी सभ्यता रो ओ उत्कर्ष काळ हो। उण काळ में मगर प्रतीक री घणी मानता ही। इणीज कारण उण देस रो नाम मकरदेस प्रसिद्ध हुयो। इण सूं ठा पड़ के तीर्थङ्कर पुष्पदत्त री अठै घणी मानता अर प्रसिद्ध ही।

१०. सीतलनाथ :

दसमा तीर्थङ्कर श्री सीतलनाथ हुया। इणांरो लांछण श्रीवत्स है। आपरै पिता रो नाम महाराज वृद्धरथ अर माता रो नन्दादेवी हो। आपरो जन्म भद्रिलपुर में हुयो अर निवाण सम्मेद-सिखर पर।

११. श्रेयांसनाथ :

ग्यारमा तीर्थैकर श्री श्रेयांसनाथ हुया। इणांरो लांछण गैडो अर वंस इक्ष्वाकु हो। इणांरो जन्म सिहपुरी नगरी में हुयो। आपरै पिता रो नाम महाराज विष्णु अर माता रो महाराणो विष्णुदेवी हो। आपरै समै मे पैदनपुर मे राजा त्रिपृष्ठ हुयो जो नौ वासुदेवां में

पैलो हो । त्रिपृष्ठ रो भाई विजय नौ बळदेवां में पैलो गिण्यो जावै । श्री दोन्युं भाई घणा प्रतापी अर तीर्थङ्कर श्रेयांसनाथ रा खास भगत हा । श्री श्रेयांसनाथ धरम री टूटी परम्परा नै फेहं जोड़ी अर तीर्थङ्कर धरम री लोक में पुखती थरपणा करी । आपरो निर्वाण सम्मेदसिखर पर हुयो ।

१२. वासुपूज्य :

वारमा तीर्थङ्कर श्री वासुपूज्य हुया । इणांरो लांछण भैंसो है । आपरो जनम चम्पानगरी में हुयो । आपरे पिता रो नाम वसुपूज्य अर माता रो जयादेवी हो । आपरे समै में दूजो बळदेव अचल, दूजी वासुदेव द्विपृष्ठ अर दूजो प्रतिवासुदेव तारक हुयो । आपरो निर्वाण स्थळ चम्पा मानीजै ।

१३. विमलनाथ :

तेरहवां तीर्थङ्कर श्री विमलनाथ हुया । इणांरो जनम स्थान कम्पिळपुर हो । आपरे पिता रो नाम कृतवर्मा अर माता रो स्यामा हो । आपरो लांछण सुअर अर निर्वाण स्थळ सम्मेदसिखर है । आपरे समै में सुधर्म नाम रो बळदेव, स्वयंभू नाम रो वासुदेव अर मेरक नाम रो प्रतिवासुदेव हुयो ।

१४. ग्रन्तनाथ :

चवदवां तीर्थीकर श्री ग्रन्तनाथ हुया । इणां रो जनमस्थान अयोध्या, वंस इक्ष्वाकु, पिता रो नाम सिंहसेन अर माता रो सुयसा हो । आपरो लांछण वाज अर निर्वाणस्थळ सम्मेदसिखर हो । इणीज काल में सुप्रभ बळदेव, पुरुसोत्तम वासुदेव अर मधुकेटभ प्रतिवासुदेव हुया ।

१५. धरमनाथ :

पन्द्रहवां तीर्थंकर धरमनाथ हुया । इणारो जनमस्थान ऐतनपुर हो । कुछवसी राजा भानु आपरा पिता अर माता सुन्नता ही । आपरो लांछण बज्रदंड अर निर्वाणस्थळ सम्मेदसिखर हो । आपरै समै में सुदरसन बलदेव, पुरुषसिंह वासुदेव अर निसुम्भ प्रति बासुदेव हुया । आपरै निर्वाण पछै आपरै तीरथ में मघवा अर सनत-कुमार नाम रा दो चक्रवर्ती सम्राट हुया ।

१६. शांतिनाथ :

सोलवां तीर्थंकर श्री शांतिनाथ हुया । इणारो जीवन प्रभावशाली अर लोकोपकारी हो । आपरो लांछण, हरिण, जनमस्थान हस्तिनापुर, पितारो नाम महाराज विश्वसेन अर माता रो महाराणी अचिरा हो । शांतिनाथ चक्रवर्ती सम्राट हा । घणा बरसां ताईं ईं धरती पर आप राज करियो । पछै दोक्षा लै'र कठोर तप कर'र केवलज्ञान री प्राप्ति करी । आप सम्मेदसिखर सूं निर्वाण प्राप्त करियो । शांतिनाथ भगवान घणा लोकप्रिय तीर्थंकर हुया । आपरी उपासना रो आज भी घणो महत्व है ।

१७. कुंयुनाथ :

सतरहवां तीर्थंकर श्री कुंयुनाथ हुया । इणारो जनम हस्तिनापुर में हुयो । आपरै पिता रो नाम महाराज वसु अर माता रो श्री देवी हो । आप भी आपणे समै रा चक्रवर्ती सम्राट हा । आपरो लांछण बकरो अर निर्वाण स्थळ सम्मेदशिखर हो ।

१८. अरनाथ :

अठारमां तीर्थंकर भगवान अरनाथ हुया । आपरी जनमस्थान हस्तिनापुर, लांछण नन्दावर्त, पिता रो नाम महाराज

सुदर्शन, माता रो राणी महादेवी अर निर्वाण स्थल सम्मेदसिखर हो । आप पण आपणे समे रा चक्रवर्ती सम्राट हा । इणीज काळ में नंदिपेण वल्लदेव, पुण्डरीक वासुदेव अर वल्ल प्रतिवासुदेव हुया । आपरे निर्वाण पच्छे आपरे घरमतीरथ में सुभूम नाम रा चक्रवर्ती हुया । परमुराम अर सहस्रवाहु रे संधर्षे रो ओइज काळ है ।

१६. मल्लिनाथ :

उन्नीसमा तीर्थंकर श्री मल्लिनाथ हुया । इणांरो जनम मिथिला नगरी में हुयो । आपरे पिता रो नाम महाराज कुंभ अर माता रो प्रभावती हो । आपरो लांश्चण कल्स अर निर्वाण स्थल सम्मेदसिखर है । आपरे तीरथ काळ में पदम नाम रा चक्रवर्ती सम्राट, नन्दिमित्र वल्लदेव, दत्त वासुदेव अर प्रहलाद प्रतिवासुदेव हुया ।

श्वेताम्बर परम्परा मानै है के तीर्थंकर मल्लिनाथ स्त्री रूप में जन्मिया हा । वाँल्का मल्ली धणी रूपाळी अर गुणवती ही । आपरे रूप अर गुण री चरचा चारूंकानी फैल्योड़ी ही । जद मल्ली कुंवरी वडी हुई तो वाँरे रूप अर गुणां सूं मोहित हो'र छै देसां रा राजावां मल्ली कुंवरी रे पिता रे कर्ने दूता लारे संदेसो मोकल्यो के म्हां मल्ली रे सागे व्याव करणे चावां ।

मल्ली रा पिता कुंभ लाचार हा । छै राजा रे सागे एक राजकंवरी रो व्याव कोंकर हो सकै, आ सोच राजा कुंभ सगळा राजावां रा दूतां नै नां दे दीबी । नां रा समीचार सुणा छङ्ग राजा वेराजी हुयग्या । वाँ राजा कुंभ री नगरी मिथिला पर धावो बोल दियो । कुंभ छङ्ग राजावां सूं मुकावलो करणे में समरथ नी हा । ईं कारण वी दुगध्या में पड़ग्या अर उदास रैबा लाग्या । पिता नै उदास देख राजकंवरी बोली—आप किणी भांत री चिन्ता

मती करो । छऊं राजावां नै दूतां सागे संदेसो दिरा देवी कै कुंवरी मल्ली थां सूं व्याव करणा नै तैयार है ।

बेटी मल्ली री लायकी अर बुद्धबळ सूं राजा कुम्भ वाकब हा । वां सोच्यो—राजकुंवरी मतैइ समस्या रो समाधान करलैला । आ सोच वां छऊं राजावां नै जुदो-जुदो संदेसो भिजवा दियो ।

व्याव री रजामंदी रा समीचार सुण'र साकेतपुरी रा राजा प्रतिबुद्ध, चम्पा रा चन्द्रछाग, कुणाळा रा रुक्मी, वाराणसी रा संख, हस्तिनापुर रा अदीनसन्तु अर कम्पिलपुर रा जितसन्तु मिथिला नगरी पोचिया ।

मल्लीकुंवरी रै रूप पर मोहित हुयोड़ा राजावां नै प्रतिवोध देण खातर मल्ली एक मोहनघर बणवायो हो । वीं घर रै बीचोबीच कुंवरी आपरै सरीर जिसी रूपाळी सोने री एक पोली मूरत बणवाई । बी मूरत मे रोजाना खाणो खावण सूं पैलां वां एकःएक कवौ नाखती ही ।

मल्लीकुमारी व्याव खातर आयोड़ा राजावां नै अशोकवाड़ी में बण्योड़ै मोहनघर मे रुकाया । बी घर में मूरत कनै जावा रा जुदा-जुदा दरवाजा हा । मांयनै बड़ियां पछै कोई एक दूजां नै कोनी देख सकता हा । जुदी-जुदी जगां मे बैठ्योड़ा राजा मल्ली कुंवरी री बणी रूपाळी मूरत नै देखबा लाग्या । मनहरणआळी सुन्दर मूरत नै देख सैं राजा दग रैग्या । वांकै मन में रैय रैय नै रूपवती कुंवरी मल्ली नै पटराणी बणावण री भावना उठ री ही ।

राजावां नै मूरत पै रीझ्योड़ा देख मल्ली कुंवरी मूरत पर सूं ऊपरलो ढांकणो हटा दियो । ढांकणो हटतांईं मूरत में जम्योड़ै

सङ्घियोँ भोजन री दुर्गन्ध सूं राजावां रो माथो फाटवा लाग्यो,
जीव मिचलावा लाग्यो । नाक आडो दस्तीरूमाल लगार वी बारै
भागवा री कोसिस करवा लाग्या । अबै मूरत पर सूं वांको ध्यान
हट्यो । वी समै मल्ली कुंवरी राजावां नै प्रतिवोध दैवता कैवण
लागी—ईं मूरत मे पङ्घियै सङ् यौँडे अन्त री दाईं ओ सरीर
पण सूगळो अर निस्सार है । ज्ञानी पुरुस बाह्य सरीर रै रूप-रंग
सूं प्रीत कोनी करै । आप लोग म्हारै ईं नश्वर सरीर खातर
पिताजी पर हमलो करण नै तैयार हो । जरा सोचो ! ईं जुद्ध
में कितरा निरपराध प्राणियां री हिंसा हुवैली ।

मल्ली कुमारी रो प्रतिवोध सुण छङ् राजा आपणी गलती
पर पछतावो करियो । वी विनय भाव सूं बोलिया—भगवती ! थां
म्हानै अंधारां सूं उजाळा में लै आया हो । अबै म्हां सजम रै मारण
पर चालर आपणां करम काटालां ।

छङ् राजावां नै प्रतिवोध देय'र मल्लकुमारी दीक्षा अंगी-
कार करी । पछै कठोर तपस्या करनै निर्वाण प्राप्त करियो ।

२०. मुनिसुन्नत :

बीसवां तीर्थङ्कर थी मुनिसुन्नत हुया । इणारो जनम राजगृही
में हुयो । आपरै पिता रो नाम महाराज सुमित्र अर माता रो
महाराणी पद्मावती हो । आपरो लाभण काछ्वो अर निर्वाणस्थळ
सम्मेदसिखर हो । आपरै समै मै इज राम-रावण रो सघर्ष हुयो ।
जैन मतानुसार इणीज काळ में राम वल्लदेव, लक्ष्मण वासुदेव अर
रावण प्रतिवासुदेव हुया । महाराणी सीता री गणना जैन परम्परा
माफिक सौळे सतियां में हुवै । मुनि सुन्नत रै तीरथकाळ में हरिषेण
नाम र्य चक्रवर्ती सम्राट हुया ।

२१. नेमिनाथ :

इक्कीसमां तीर्थकर श्री नेमिनाथ हुया । आपरो लांछण नीलकमळ, जनम स्थान मिथिला, पिता रो नाम महाराज विजय श्री माता रो नाम महाराणी वप्रा हो । आपरो निर्वाण स्थल सम्मेदसिखर मानीजै । आपरै तीरथकाळ में इज कौसाम्बी नगरी में जयसेन नाम रा चक्रवर्ती सम्राट हुया ।

२२. अरिष्टनेमि :

बाइसमा तीर्थकर श्री अरिष्टनेमि हुया । अं नेमिनाथ पण कहीजै । आपरो जनम सौरीपुर में हुयो । आपरै पिता रो नाम समुद्रविजय श्री माता रो शिवादेवी हो । नेमिनाथ यदुवंसी हा । श्रीकृष्ण समुद्रविजय रै छोटा भाई वासुदेव रा पुत्र हा । नेमिनाथ रो लांछण शह्वर है । नेमिनाथ ब्याव नीं करणो चावता पण श्रीकृष्ण श्री आपणी भाभी सत्यभामा व रुक्मणी रै घणे आग्रह करण सूं आप ब्याव करण नै राजी हुया । श्रीकृष्ण जूनागढ़ रै राजा उगसेन री रूपाळी कन्या राजुळ सूं आपरी सगाई पक्की करी । सावण सुद छठ रै दिन विवाह रो मोरत आयो । बरात चढी । वींद वेस में राजकुंवर नेमि खूब सजायाग्या । बारात रवाना व्हैय नै उगसेन रै महलां कनै पहुँची कै एकाएक नेमिकुंवर पसुवां रो हाको सुणियो । वां सारथि नै पूछियो—ओ पसुवां रो करुण कन्दन कठा सूं आवै ? सारथि कयो—राजकुंवर आपरै ब्याव री खुसी में बहोत बड़ी जीमणवार हुवैली, वीं में इण पसुवां री बळि दी जावैली ।

पसुवां री बळि देवण री बात सुणा'र नेमिकुमार रो कोमळ काळजो पसीजग्यो । वणा सारथि नै आज्ञा दीवी कै—जा'र सैं पसु-पक्षियां नै बाढ़े सूं वारै काढ दो । मिनख नै जियां आपणो जीव वाल्हो लागै उणीज भांत जिनावरां नै पण आपाणो जीव वाल्हो है । म्हारै ब्याव रै मौकै हजारां-लाखां निरपंराध खोला

जणा एक निजर सूं महावीर कांनी देखरया हा । एकाएक मंगळ गीत अर वाजा वन्द छैग्या । चारुं कांनी एकदम सांति छायगी । महावीर पंचमुष्ठि केसलुं चन करियो । वणाँ रे चेहरा पर घणी खुसी ही, लिलाट अलौकिक तेज सूं चमकर्यौ हो । महावीर हाथ-जोड़ सिढ्ड भगवान नै नमसकार करियो अर प्रतिज्ञा करी कै म्हूं आज सूं समभाव धारण करूं हूँ । मन, वचन अर करम सूं पापपूर्ण (सावद्य) आचरण रो त्याग करूं हूँ । मारे मारग में जै मुसीबतां अर उपसर्गी आवैला म्हूं उणानै समभाव सूं सहन करूंला । अर साधना रै ईं कंटीला मारग पर लगातार चालतोइ रैऊंला । देखता ईं देखता वर्धमान श्रमण बणग्या । अव वां रो घर, परिवार अर राज सूं नातो टूटग्यो । वीं इसा राज में पोंचग्या हा जठै किणी भांत रो दुख नी हो, वी इसा परिवार में मिलग्या हा जठै म्हारै अर थारै रै वीचै कोई भेद नी हो ।

अगणित आंख्यां प्रभु महावीर रे दिव्य सरूप रो दरसण करी ही, अगणित कान वांकी दिव्य साधना रो उद्घोष सुरार्या हा । श्रद्धा अर उमाव सूं हजारुं आंख्यां एकै सागे वरसवा लागी । लोगां रा हाथ आपै आप जुडग्या अर माथा आपै प्रभु रा चरणां में नमग्या । असंख्य कंठा सूं एकै सागे आवाज गूंजी 'श्रमण महावीर री जय ।'

७ | साधक जीवन

श्रमण वर्धनान नै क्षत्रिय कुंडपुर अर अठारा लोगां सूं मोह-
ममता नी र्थी । वरण कथौ-म्है तो अबै श्रमण हैं । गज अर देस री
सीमा सूं ऊपर । थां लोग अबै म्हारै साथै कठातांडि रेवैला । वर्ध-
मान री वारणी सुख सें लोग आप आपरो गैलो पकड़ियो । श्रमण
महावीर भी सबनूं विदा लै'र चालिया एकला वनकांनी ।

महावीर मन मांय निश्चय करियो कै जठा तांई म्हनै जान
री पूरी ओळखाण अर प्राप्ति नी हुवैला म्है सरीर री ममता छोड'र
सनभाव सूं साधना में लीन रैङ्ला । देव, मिनख अर तिर्यच जीवा
सूं जित्ता भी उपसर्ग (कष्ट) मिलैला, वांनै समभाव सूं सहन
करैला ।

महावीर री करुणा :

जातखण्ड वन सूं आगै बढ़ती वखत एक गरीब वामण आय
नै महावीर रै चरणां में पड़यो अर कैवण लाग्यो—हे कुंवर ! थां
साल भर तांई खूब दान-दक्षिणा देय'र गरीबां री गरीबी मेटी,
पण म्है खोटा भाग रो गरीब कोरोइज रेइयो । म्हारा टावर अन्न
रा दाणा-दाणा ताईं तरसर्या है । हे भगवन ! अबै म्हारी
गरीबी मेटो । श्रमण महावीर बोलिया—अबै तो म्है घरबार, धन-
दौलत, राजसी ठाठ-वाठ से त्याग दिया है । वामण कैवण लाग्यो—
आपरै कनै कांई चीज नी हुवै तो आपरै कांधा पर पड़ियो ओ कपड़ो
म्हनै बगस द्वे । महावीर उण कपड़े मांय सूं भी आधो फाड़'र
वामण नै दे दियो अर आतम चिन्तन मे लीन द्वैरया ।

महावीर रो पुरस्तारथ :

कुरमार्गांव पोंहच'र महावीर एक रुँब हेठे ध्यान में लीन हुया। इण समै एक गवालियो बलदां री जोडी लै'र बठीकर निक-लियो। गवालियो नै गायां दुवण खातर बेगोसोक गांव जाएंगो हो, ईं वास्तै वो आपणे बलदां री जोडी नै सागे नी लेजा'र वठे ध्यानमगन उभिओडे महात्मा नै देख'र वो बोल्यो— बावा ! थोडो म्हारै बलदा रो ध्यान रान्वज्यं। हूं अवार गायां रो दूध काढर बेगोसोक आऊं। यूं कै'र गवालियो बीर हयो। घडी दोय केडे जद वो गांव जा'र पाञ्चो आयो तो वठे बलदां नै नी देख गवालियै नै घणी रीस आई। वो महावीर सूं पूछ्यो—बोल ! म्हारा बलद कठे गया।

महावीर आपणे ध्यान में मगन आतम चिन्तर कररहा हा। वणां गवालियै री वात नी तो सुणी अर नी कांई पडूतर दियो। गवालियो बलदां री तलासी में रात भर अठी-उठी घूमतो रैयो। पण कठे बलद नी दिखिया। दिन उगे वो फेहं बलदा री तलासी में महावीर कांनी आयो। वठे अचाणक बलदा नै जुगाळी करतौ देख'र वो दंग रैयरयो। वो महावीर पर आग ववूलो हुयो। वीं तै लाग्यो कै ओ साधू तो कोई ठग है, ढोंगी है। इणीज कपट सूं म्हारा बलद छुपाय राखिया हा। आ सोच गवालियो बलदां नै वांधण री रस्सी सूं महावीर पर वार करवा लाग्यो। पण महावीर सांत हा। इतरा में इन्द्र आय गवालियै नै ललकारियो अर कयो कै—अै मुनि तो सिद्धार्थ रा पुत्र वधंमान है। आतम कल्याण अर लोक-कल्याण खातर साधना में लीन है।

इण घटणा रै पछै इन्द्र प्रभु सूं अरज करी कै आपरी सेवा खातर म्हूं आपरे सरणां में रैवणो चावूं पण प्रभु ना दैवता कयौ— सिद्धि पावा खातर म्हनै किणी री सहायता री जरूरत कोयनी। भाषक आपणे पुरस्तारथ झार आतमबल सूं डज सिद्धि प्राप्त करै।

विदेह भाव :

महावीर जिणा दिन सूँ प्रव्रजित हुया, उण दिन सूँ सरीर री मोह ममता छोड़ दी ही। आपणे साधनाकाळ में वी एकान्त गुफा, निर्जन झूंपड़ी अर धरमसाळा में ध्यानस्थ रैवता। कड़कड़ाती सरदी अर बळतै तावड़ै में वा नै घणी तकलीफां फेलणी पड़ती। सरप, बिच्छू जिसा जहरीला कीड़ा अर कागळा, गिरजड़ा जिसा नुकीली चोच आळा जिनावर वां रै सरीर नै नोंचता पण महावीर कदै वांसूँ दुखी हो'र आपणा ध्यान सूँ विचलित नीं हुया।

साधना काळ में महावीर नै एकला विचरण करतां देख लोग वां नै चोर, ठग समझ'र मारता-पीटता, घणी तकलीफां दैवता पण महावीर देह भाव सूँ मुक्त अचल, अडोल र्या।

साधना काळ में महावीर नींद लैणी छोड़ दिवी। आहार खातर वी घर-घर गोचरी जावता। असीर-गरीब रो उणारै मन में काई भेद-भाव नी हो। मौका पर रुखो-सूखो जिसो सुद्ध निरदोस आहार मिल जावतो वी बी नै निस्पृह भाव सूँ ग्रहण कर लेवता। मांद्हाज में वी काई ग्रोखद नीं लैवता। इण भांत वां रो देह रै प्रति मोह भाव नी हो।

साधना काल रो पैलो बरस :

कोल्लागसन्निवेस सूँ विहार कर महावीर मोराक सन्निवेस पधारिया। बठै दुईज्जतक तापसियां रो एक आश्रम हो। उण आश्रम रा कुल्पति राजा सिद्धार्थ रा भायळा हा। महावीर नै आश्रम कांनी आवता देख आश्रम रा कुल्पति उणा सूँ इण आश्रम में चौमासौ करण री विनती करी। महावार विनता मजूर कर बठै एक झूंपड़ी में ध्यान साधना में लीन हुया।

महावीर रै हिरदै मे जीव मातर रै प्रति दया अर मैत्री री

भावना ही। किणी प्राणी नै किणी भांत रो कष्ट देणो वी ती चाचता। उण बरस पाणी कम बरस्यो हो, चारा री कमी ही। जिनावर भूखा मरता अठी-उठी सूँडौ मारता रैवता। महावीर जिए झूँपड़ी मैं साधना रत हा वा घास फूम री बणियोड़ी ही। भूखी मरती गायां आश्रम री झूँपड़ियां रो चारो खावा लागती। झूँपड़ियां मैं रैणग्राळा दूजा तापसी गायां नै भगा-भगा'र झूँपड़ियां री रक्षा करता। महावीर जिए झूँपड़ी मैं साधनारत हा, वीरी घणकरी घास गायां खायगी पण महावीर निश्चिन्त होय आतमचितन मैं लोन हा।

महावीर री झूँपड़ी रै प्रति इण उदासीनता नै देख तापसी कुल्पति सूँ वांकी सिकायत करी। कुल्पति पण महावीर नै ओळमो दैण खातर आया अर कैवण लागा— कुंवर ! इतरी उदासीनता किण कामरी ? पछी पण आपणे धोंसला री रक्षा करै केर आप तो राजकुंवर हो। काँई झूँपड़ी री रक्षा आप सूँ नी हुय सके ? महावीर कैवण लाया—किणरी झूँपड़ी ? किणर, राजमहल ?

पांच प्रतिज्ञा :

महावीर नै अनुभव हुयो कै इण आश्रम मैं साधना सूँ बत्तो महत्त्व चीजां रो है। अठै म्हारै रैवण सूँ तापसियां रै मन मैं ईर्ष्यां री भावना पेंदा हुए। अबै म्हनै अठै नौ रैवणो चावै। यूँ सोच'र महावीर बठा सूँ विहार कर दियो। इण समै वा पांच प्रतिज्ञावां करी—

(१) इसी जगां नी रेवूँला जढै म्हारै रैवण सूँ लोगां नै किणी भात रो कष्ट, ईर्ष्यादि हुवै।

(२) साधना खातर आच्छो स्थान खोजबा री कोसिस नी करूँला अर सदा ध्यान मैं लोन रेऊँला।

- (३) मौन वरत राखूँला ।
 (४) हाथां में आहार करूँला ।
 (५) जरूरत री चीजां खातर किरणी गिरस्ती नै राजी राखणा
 शी कोसिस नी करूँला ।

यक्ष री बाधा :

वठासूं महावीर अस्थिग्राम पधारिया । वठे एकान्त मे एक पुराणो टूट्योडो मिन्दर हो । इण मिन्दर में ठहरबारी आज्ञा वां वठारा गिरस्ती लोगां सूं लीवी । गामवासी महावीर नै कथौ—अठे मत ठहरो । ओ तो सूल्पाणी यक्ष रो मिन्दर है । अठे भल सूं कोई रेय जाव तो वो जिन्दो नी बचै । पण महावीर बठेइ ठहरेवा रो निसचै कर लियो । वी मौत सूं कद डरबाआळा हा । गामआळां लोगां नै महावीर री इण हिम्मत पर घणो इचरज हुयो ।

यक्षरे मिन्दर में जा'र महावीर ध्यानलीन हुयग्या । रात रा अंधारा में घणी डरावणी आवाजां आवण लागी । इण रो महावीर पर काई प्रभाव नी देख यक्ष नै गुस्सौ आयग्यो । वी विकराल हाथी, ना'र राक्षस, अर नाग जिसा सरूप बणा'र महावीर नै घणी तक-लीफां दीवी, पण महावीर सांत भाव सूं सै परीसह सहन करता रुया । आखर यक्ष हारग्यो । वीं नै आपणी इण हार पर घणी सरम आई । वो मन ही मन सोचबा लाग्यो—ओ पुरुस कोई साधारण मिनख नी हो'र बडो मिनख है । वीं प्रभु रे चरणां में पड़ेर माफी मांगी । उण रो हिरदय पलटग्यो । वीं आपणी हिसावृत्त सदा-सदा खातर छोड़ दी । दिन उगे महावीर नै राजी खुसी ध्यान-मगन देख गांवआळा नै घणो इचरज हुयौ ।

दूजो बरस :

अस्थि ग्राम रो चौमासो पूरो कर'र महावीर वाचला नगरी

काँनी चालिया । वीचे मोराक सन्निवेस पड़तो हो, सूनी ठौड़ देख महावीर थोड़ा दिन बठेह ध्यान करण रो विचार कियो । कड़कड़ाती ठंड में महावीर नै उधाड़े सरीर कठोर साधना करतां देख आखो गांव वणारे दरसण खातर आयो । महावीर री ध्यान साधना सूं प्रभावित हुयर घणा मिनख वांरा भगत वणग्या ।

महावीर दक्षिण वाचाला सूं जाय र्या हा के सुवर्ण बालुका नदी रै किनारं री एक भाङी में उणारे कांधा पर पड़्यी देवदुष्य वस्त्र उलझ'र अटकग्यो । ईं घटना रै पछै वां कर्देह वस्त्र धारण नी करिया ।

चण्डकौसिक नाग नै प्रतिबोध :

महावीर कनखल आश्रम सूं उत्तर वाचाला काँनी जायर्या हो । उण रस्ते मे एक भयङ्कर नाग रैवतो हो । वीरो नाम चडकौसिक हो । महावीर नै इण रस्ता सूं जावतां देख एक गवालियै हाको पाढ़ेर कयो—महात्माजी ! इण रस्तै मती जाओ । अठीनै भयङ्कर काळो नाग रैवै है । वो हजिटविष सरप है । वीकै देखतां पाण मिनख अर जिनावर मर जावै । ओ हरियो-भरियो वनखंड इणीज सरप री विष हस्टि सूं उजड़ग्यो है । पण महावीर पर ईं वात रो कांई असर नी पढ़ियो । वांनै नी तो जिनगाणी री चावना ही अर नी मौत रो डर । वी तो चण्ड नै प्रतिबोध देणी चावता हो । इण कारण लोगां रै विरोध करवा पर भी वां आपणी गैल नी बदली । वै उगीज रस्तै गया अर जा'र सरप री वांवी माथै ध्यान मगन हुयग्या ।

वांवी माथै उभियोडा मिनख नै देख चण्डकौसिक आगबूलो हुयग्यो । वी खूब जोरां सूं फुफकार करी अर किरोध में आय महावीर रै चरण नै डस लियो । पण महावीर इण सूं तनिकं भी नी

घबराया । वी आपणै ध्यान में बराबर लीनरया । महावीर री आ हिम्मत अर मजबूती देख सांप भी कई दफा वांनै 'डसियो पण महावीर तो उणीज भांत अडोल, अकम्प ऊभा रह्या । महावीर री आ असाधारण वीरता देख सरप रो विश्वास डोलग्यो । वीरे डसण री ताकत नष्ट हुयगी ।

सरप नै यूं लाचार देख महावीर सांत भाव सूं कयो—सरप-राज ! जाग, आपणै किरोध नै सांत कर । इण किरोध रै कारण ईंज थनै सरप री जूंण मिली है । अबै थूं आपणै मन में प्रेम अर मित्रता रा भाव ला । जै मन में शुद्धि नी लावैला तो थारी आतमा यूं ईंज अंधारा में भटकती रेवैली ।-

महावीर रा इमरत वचन सुण'र चण्डकौसिक रो किरोध साँत वैर्यग्यो । वो टकटकी लगा'र महावीर कांनी देखतो रह्यो । अबै बीनै ज्ञान रो प्रकास मिलग्यो हो । बीनै आपणा कियोडा खोटा करम एक-एक कर याद आवण लाग्या । आतमगलानि अर पछतावो करता थकां उणारो हिरदय पळटग्यो । उणारी द्रष्ट रो सगळो जहर इमरत में बदलग्यो । महावीर रै डसियोडे चरणां री ठौड़ सूं खून री जगां दूध री धारा बेवण लागी । महावीर रै समभाव अर वत्सलता सूं सारो वातावरण प्रेममय बग्गग्यो ।

चण्डकौसिक नाग रो उद्धार कर महावीर उत्तर वाचाला मांय पधारिया । अठै नागसेन रै घरै पन्द्रह दिन रै उपवास रो पारणो कियो । वठासूं महावीर श्वेताम्बिका नगरी पधारिया । अठै राजा परदेसी आपरा दरसण कर घणा प्रभावित हुया अर पक्का भगत बणारया ।

नाव किनारे लागी :

महावीर श्वेताम्बिका नगरी सूं सुरभिपुर कांनी विहार

कियो । वीचैं गंगा नदी पड़ती ही । महावीर नदी पार करण स्थातर नाविक री आग्या लेय नाव मे बैठिया । नाव में घणाई मिनख बैठा हा । नदी रो पाट घणो चाँड़ो हो । देखतां-देखतां भयंकर आंधी ग्र तूफान चालवा लागो । नाव डगमगावा लागी । नाव में बैठ्या नोग डरग्या । वै रोवा-चिलावा लाग्या पण महावीर तो आपणे ध्यान मे मगन हा । वाने मीत रो डर कोनी हो । आखर उणांगी साधना रे परताप सूं आंधी ग्र तूफान थमग्यो ग्र नाव किनारे लागी ।

धर्म चक्रवर्ती :

श्रमण महावीर गगा रे किनारे रा रेतीला मारग सूं हो'र स्थूगाक सन्तिवैस पवार्या । अठै आ'र आप ध्यान में लीन हुयग्या । डण गाँव में पुज्य नाम रो एक जोतसी हो । वीं रेत मे मड्योडा महावीर रा चरण चिह्न देखण । वीं आपरे ज्ञान सूं सोच्यो कै अै चरण-चिह्न किणी चक्रवर्ती सम्राट रा है । म्हनै लखावै कै कोई नम्राट मृसीवत में पड़ग्यो है । वो अवार उरवांणे पगा ईं रेतीला मैदान सूं हुयर गयो है ग्र एकलोइ दीसै । ईं समे म्हूं जाय'र बीकी नदद कहुं तो सायद उण री किणा सूं म्हागी गरीबी मिट जावै । आ सोच'र पगां रा निसाण-निसाण वो जोतसी प्रभु रे पास पोच्यो । वठे जाय वी देख्यो कै एक महात्मा ध्यान मुद्रा में लीन ऊभो है । वी ध्यान सूं देख्यो तो वी नै श्रमण रे सरीर पर चक्रवर्ती रा सं सैनाण नजर आया । वो अचम्भा में पड़ग्यो ग्र सोचणा लाग्यो कै चक्रवर्ती रा सैनाण आलो पुरस भी कदंई भिक्षु हो सकै ग्र दर-दर, जंगल-जंगल मारो-मारो फिरे ? म्हनै तो लागै कै सास्त्र सव झूठा है, आने गंगा में फेक देणा चाइजै । इनरा में एक दिव्य ध्वनि दीकै कानां में पड़ी पडित ! सास्त्रां नै असरधा रे भाव सूं मत देख । श्रमण महावीर साधारण चक्रवर्ती नी हो'र धरम चक्रवर्ती है । अै बड़ा-बड़ा सम्राटा रा भी सम्राट है । आखा जगत

रा पूजनीक है ।

दिव्य वाणी सुणार पुष्य रा अन्तर्चक्षु खुलग्या । बींरो माथो
सरधा अर विनय भाव सूं प्रभु रै चरणां मे झुकन्मा ।

गोसालक रो प्रसंग :

विहार करतां-करतां चौमासी करण खातर महावीर नाळन्दा
नगर पधारिया । वी एक तन्तुवाय साळ (जुलाहै री दुकान या
कारखानो) में ठहरिया । अठै मंखलीपुत्र गोसालक नाम रो एक
तापमा पैना सूं इंज ठहरियोड़ो हो । गोसालक घणो मुँह फट, जीभ
रो चटोरो अर झगड़ालू सभाव रो हो । बो ईर्ष्याविश भगवान री
कयोड़ी बातां नै भूड़ी पटकणो चावतो हो । एकदा गोसालक भगवान
नै पूछ्यो-हे तपस्वी ! आज म्हनै भिक्षा में काई-काई चीजां मिलेला ।
महावीर सहज भाव सूं कयो-कौदू रो बासी भात, खाटी छाछ अर
खोटो रीपियो ।

महावीर री वाणी नै भूड़ी साबत करण खातर गोसालक
बड़ा-बड़ा सेठां रै घरै भिक्षा सारूं गयो, पण वीं नै खाली हाथ
आवणो पड्यो । आखर में एक लुहार रै घरै वीनै कौदू रो बासी
भात, खाटी छाछ अर खोटो रीपियो मिल्यो । प्रभु रा वचन सांचा
जाण गोसालक नियतिवाद रो समर्थक बणग्यो अर महावीर रै तप
त्याग सूं घणो प्रभावित हुयो ।

महावीर चौमासी पूरो कर नाळन्दा सूं कोल्लाग सन्निवेस
पधारिया । गोसालक उण समै भिक्षा खातर बाहर गयौड़ो हो ।
भिक्षा लेयनै पाढ़ी आयो तो तंतुवायस छ में महावीर नै नी देख वो
घणो दुखी हुयो अर आपणा कपड़ा, कुँडिका, जिसी चीजां ब्राह्मणां-
नै देय'र माथो मु डवाय खुद भगवान री खोज मे निकल पड्यो ।

जावतां-जावतां कोल्लाग सन्निवेस में ध्यानस्य महावीर रा दरमण करिया । वठे वहुल ब्राह्मण रे दान री महिमा सुरणी तो वी को दिल महावीर रे प्रति सरधा सूं भरण्यो । दो सोबण लाग्यो श्रो महावीर रे तप अर साधना री फळ है । वी हाथ जोड़ महावीर सूं ददता नमस्कार करी अर कयो—शाज सूं आप म्हारा धरम गुह हो अर म्हें आप रो चेलो ।

तीजो बरस :

कोल्लाग सन्निवेस, सुवर्णखल, वामगुगांव होता हुया महावीर चपा नगरी पधारिया । अठे चौमासे माय दो-दो मास री कठोर तपस्या करता हुया महावीर आपणी ध्यान साधना में लीन रैया । चौथो बरस :

गांव-गांव विहार करता हुया महावीर चौराक सन्निवेस पवारिया । उणां दिना उठे चौरां रो घणो डर हो । पैरेदार रात-दिन पैरो देवता हा । महावीर नै देव पैरेदाराँ वांको परिचय पूछ्यो पण महावीर मौन हुवण सूं काई नी चोल्या । इण कारण पैरेदारां नै संका हुई । वी वानै चोर अर भेदू समझ घणी तकलीफां दीवी । श्रा वात उत्पल निमितज्ज री वैनां सोमा अर जयन्ती नै भालम पड़ी तो वी पैरेदारां कनै गई अर उणानै महावीर री सांचो श्रोलङ्गारण कराई । महावीर नै ऊँचो महात्मा जाण'र पैरेदारां आपणी गलती पर घणो पछताचो करियो अर महावीर सूं माकी मांगी ।

चौराक सन्निवेस सूं महावीर पृष्ठचंपा पधारिया अर श्रो चौमासो अठैई पूरो करियो । ईं काल मे महावीर चार महिना री लम्बी तपस्या कीवी ।

पांचमो बरस :

पृष्ठचंपा सूं विहार कर श्रमण महावीर कयंगळा होता हुया

सावत्थी नगरी पधारिया । अठै नगर रै बा'रै कड़कड़ाती सर्दी री परबा कियां विगर रात भर ध्यान में लीन रह्या । सावत्थी सूं विहार कर महावीर हेळदुग पधारिया । अठै एक रूंख हेठै महावीर ध्यान मग्न हुया । सरदो सूं बचवा खातर मारग चालणिया लोगां वठै आग जलाई अर परभात व्हैता पांरा बिगर आग बुझायाई वै आगे रवाना व्हैग्या । हवा रै भोखे सूं सूखा धास फूस बलग्या । आग बलती-बलती महावीर रै कनै आयगी जिसूं वांका पग दाझग्या पण फैरूं भी महावीर ध्यान सूं डिगिया कोनी ।

करम खपावण खातर महावीर अनार्य देसां मांय पण विच-रण करियो । एकदा महावीर लाढ देस कांनी आया । वठै उणानै भांत-भांत रा उपसर्ग (कष्ट) मिल्या । रैवण नै ठीक जग्यां नी मिली । खावण नै लूखो-सूखो भोजन भी मुश्किलां सूं मिलियो । अज्ञानी लोग वां परे रेत फेकता, गंडकड़ा पाछै दौड़ाय देवता, हथियारां सूं सरीर पर वार करता पण महावीर सांत भाव सूं सगळा कष्ट सहन करता अर निर्वन्द्व भाव सूं आपणै ध्यान में लीन रैवता ।

अनार्य देसां मांय विचरण करता-करता महावीर आर्य देस री भट्टिला नगरी मांय पधारिया अर अठै चौमासो कियो । इण काळ में महावीर भांत-भांत रा आसना रै सागै ध्यान करता थकां चातु-मासिक तप री आराधना कीवी ।

छठो बरस :

भट्टिला नगरी सूं कदली समागम, जम्बूसंड, तंबाय सन्निवेस जिसा नगरां में विहार करता थकां प्रभु वैसाली नगर पधारिया अर बठा सूं ग्रामक सन्निवेस । बठै विभेलक यक्ष रै रैवण री ठौड़ महावीर ध्यान मग्न हुया । यक्ष प्रभु रै ध्यान अर तपोमय जीवन सूं घणो प्रभावित हुयो ।

ग्रामक सन्निवेस सूं प्रभु महावीर शालिशीर्ष नगर रै बा' रै

एक वगीचे में आयर ध्यान मग्न हुया । माघ महिनो हो । सुनसान जंगल में ठंडी वरफीली हवा चाल री ही । उण समै कटपूतना नामरी देव कन्या रै मन में ध्यान मग्न महावीर नै देख पूरब जनम रो बैर जाययो । वीं महावीर रो ध्यान भंग करण खातर विकराल रूप धारण करियो । विखरियोड़ी जटावां मे वी वरफ जिसो ठंडो पाणी भरर महावीर रै उघाड़े सरीर माथै जोरदार वरसात कीवी ।

महावीर उण उपसर्ग सूं तनिक भी विचलित नी हुया । कस्ट अर तकलीफां सूं वांरी साधना रो तेज और निखरयो । वाँरै धीरज अर हिम्मत रै आगे कटपूतना रो बैर सांत हुयग्यो । वी प्रभु रै चरणा में सिर नवाय माफी मांगी ।

सातमो वरस :

महावीर ओ चौमासो आलंभिया नगरी में बितायो । अठा सूं वी कडाग अर भद्रणा सन्निवेस होता हुआ बहुमाल गांव पधारिया । अठै शालार्य नाम री देवी महावीर नै धणा उपसर्ग दिया पण वी आपणे ध्यान सूं तनिक भी विचलित नी हुया ।

आठमो वरस :

भद्रणा सूं विहार कर महावीर लोहार्गना पधारिया । अठै पड़ीसी राजावां मे आपसी भगड़ा हा । ईं कारण नगर मे प्रवेस करण पर पावंदी ही । विगर ओळखाण करियां किणी नै नगर में प्रवेस नी दियो जावतो ।

महावीर सूं भी उणारो परिचय पूछयो । वांनै मौन देख अधिकारियां उणांनै राजा जितसत्रु रै सामै हाजर किया । बठै निमितज्ज उत्पल आयोड़ो हो । वी राजा नै महावीर री ओळखाण कराय दी । राजा महावीर रै तपत्याग सूं धणो प्रभावित हुयो ।

वीं घण्टे आदर मान सूं महावीर नै नमन करियो । बठा सूं विहार कर प्रभु राजगृह पधारिया । अठै चातुर्मासिक तप कियो ।

नवमो बरस :

राजगृह सूं विहार कर'र महावीर फेरुं अनार्य देसां में विच-रिया । अठारा लोग अज्ञानी अर निरदयी हा । वां महावीर नै घण्टी यातना दीवी । उणां रै उघाड़ी सरीर पर भाला, लाठी, भाटा आदि सुं वार करिया । महावीर लहूलुहान हुयग्या पण समता भाव सूं वां सैं तकलीफां सहन करी । वांनै ठहरण खातर झूंपडी तक नी मिली । वी रुखांरै हेठै ध्यान मगन रैय'र चौमासो पूरो करियो ।

दसमो बरस :

गोसाल्क री रक्षा :

अनार्य देसां सूं विहार कर महावीर कूरमगांव पधारिया । गोसाल्क पण इण समै वांरै साँगे हो । अठै गांव रै बारै वैस्यायन नाम रो एक तापस सूरज रै सामै दीठ कर, दोन्हुं हाथ ऊपर उठा'र आतापना लेर्यो हो । उणरै लाम्बी-लाम्बी जटावां झी । सूरज री गरमी सूं तप'र उणरी जटावां सूं घणकरी जूंवां हेठै गिर री ही । वो उणांनै उठा'र उठा'र पाढी जटावां मे राखरयो हो । तापस री आ हरकत देख गोसाल्क ऊणरै कनै आयो अर बोल्यो—अरे, तू कोई तापस है या जूंवां रो घर ? तापस मौन-रयो । पण जद गोसाल्क बार-बार आ बात दोहराई तद तापस नै किरोध आयग्यो । वी गोसाल्क नै भसम करण खातर आपणै तपोबळ सूं प्राप्त करयोड़ी तेजोलेश्या (आग बरसावण आळी लब्धि) उण पर फेंकी । गोसाल्क इण सूं डर'र भाग्यो अर महावीर रै चरणां मांय छिपग्यो । वीं महावीर सूं अरज करी-प्रभु ! म्हारी रक्षा करो, म्हनै बचाओ । गोसाल्क री करण कातर पुकार सुण महावीर गोसाल्क काँनी देखियो । महावीर रै तप-त्याग अग

साधनामय जीवन रे प्रभाव सूं देखतापांए गोसाळक री जळन सांत हुयगी ।

कूरमगांव सूं सिद्धार्थपुर होता हुया महावीर वैसाली पधारिया अर नगर रे वा'रे ध्यान सगत हुया । आता-जाता लोग महावीर नै भूत-परेत समझ'र धणी तकलीफाँ दीवी । महावीर सें तकलीफाँ सांत भाव सूं सहन करी । संयोग सूं राजा सिद्धार्थ रा दा मित्र संख अर भूपति उण रास्ता सूं निकलिया । वाँ महावीर नै ओळख लिया । वाँ उपसर्ग देवणियाँ लोगाँ नै समझा'र बठा सूं अलगा किया अर प्रभु रे चरणां में बन्दना करी ।

खेवट रो किरोध :

वैसाली सूं महावीर वाणिजगाम कांनी आया । रास्ते में गंडकी नदी पड़ती ही । नदी पार करण खातर प्रभु नाव में बैठिया । जद नाव किनार लागी, खेवट महावीर सूं किरायो मांगयो, पण महावीर काँई देवता ? महावीर नै मौन देख खेवट नै घणो किरोध आयो । वी प्रभु नै खरीखोटी सुराई अर तपती वाळू पर लै जाय वाँनी ऊभा कर दिया । प्रभु महावीर वठै जाय ध्यानलीन हुयग्या । अचारणचक उठी नै राजा संख रो भारेज चित्र आयो । वो महावीर नै जारातो हो । वीं खेवट नै पण महावीर री ओळखाण कराई । वाणिजगाम सूं सावत्थी पधार'र प्रभु चौमासो पूरो करियो ।

र्यारमो बरस :

महावीर सावत्थी सूं विहार करता-करता सानुलटिठ्य सञ्जिवेस पधारिया । अठै तपस्या कर'र ध्यान साधना मे लीन हुया । एक दा पारणी रे दिन भिक्षा खातर महावीर आनन्द गाथापति रे धरै गया । उण समै दासी बहुला बच्योड़ी बासी अब फेकण खातर वा'रे आई । वा'रे साधु नै ऊभो देख 'वीं पूछियो- महाराज ! थाँनै

किण चीज री चावना है? महावीर दासी रै साँईं हाथ फैलाय दिया। दासी घणी भगति अर सरधा भाव सूँ प्रभु नै बासी भोजन बैराय दियो। महावीर उणसूँ पारणो कियो।

संगम रो उपसर्ग :

सानुलट्ठिय सन्धिवेस सूँ महावीर द्रिढभूमि पधारिया। श्रठै पैढाळ बाग रै पोलास नाम रै चैत्य में ध्यानलीन हुया। साधना काळरै इण दस बरसां में महावीर नै घणाई दुख देवणिया अर सरधा राखणिया लोग मिलिया। हरेक रै सागै वणां रै मन में मैत्री भाव हो। वी नतहमेस सगळा री भलाई चावता। महावीर रै इण समभावी आचरण सूँ इन्द्र घणो प्रभावित हुयो। आपणी देवसभा में वीं प्रभु रै इण तपत्याग री घणी बड़ाई करी।

महावीर री बड़ाई सुण सगळा देव राजी हुया पण संगम नाम रो एक ईर्ष्यालु देव महावीर री बड़ाई सहन कोनी कर सक्यो। वो किरोध में आय केवा लाग्यो-हाड़-मांस रो पुतलो कदै इतरा गुणा आळो नी हुय सकै। हूँ अबार जा'र वीनै आपणे साधना रै गैला सूँ डिगाय देऊँला। आ केय'र सगम जठै महावीर ध्यान में लीन ऊभा हा, बठै आयो। आ'र महावीर नै उपसर्ग देवणा सरु कर दिया। वी कुदरत रै सुहावणे सांत वातावरण नै डरावणो बणाय दियो। धूँ भरी आधियां चालण लागी। चारूँ कांनी डरावणी आवाजां आवण लागी। प्रभु रो सरीर माटी सूँ भरयो। हिसक जिनावर वांनै काटबा अर नोचबा लाग्या पण महावीर आपणी साधना सूँ कोनी डिगिया।

संगम महावीर री फैरूँ परीक्षा लेणो चावतो हो। वीं आकस सूँ रूपाळी अपसरावां उतारी, वां रो संगीत अर नाच करायो, भांत भांत रै फूलां री खूँसब सं वातावरण नै सुगंधित

जिनावरां री हत्या हुवै, एडौ व्याव मूँ नी करूँला । यूँ कंयर
नेमिकुमार आपरो रथ तोरण सूँ पाढ्हो मुड़वा लियो ।

अबैं तो नेमिकुंवर मुनि घरम अंगीकर करण रो निश्चय
कर लियो । आपणां कीमती गैणा-गाभा उतार सारथि नै दे दिया
अर खुद संयम मारग पर चालवा खातर पग वढा दिया । सब जणा
वांसूँ व्याव करण खातर घणी विनती करी, पण घरमवीर नेमि-
नाथ किणीरी वात कोनी मुण्ठो । दीक्षा अंगीकार कर प्रभु गिरनार
परवत री ऊँची चोटी पर जाय कठोर तपस्या करी ।

महाराज उग्रसेन री पुत्री राजुल नै जद आ मालूम पडी कै
जिनावरां रो करण क्रन्दन सुणा अहिंसा रा पुजारी प्रभु नेमिनाथ
तोरण पर आया थका पाढ्हा मुडग्या, तो वा मन में संकल्प कर्यो
कै मूँ अबैं किणी दूजा पुरुष रै सागं व्याव नी करूँला । राजकुंवर
नेमि इज म्हारा पति है । वी राजसी सुखां नै छोड़ मुनि घरम
अंगीकार करर्या है तो मूँ भी वणांरे मारग रो इज अनुसरण
करूँला । पछे राजुल पण दीक्षा लेय नै गिरनार परवत पर बोर
तपस्या करी ।

केवळज्ञान पाम्या पछै प्रभु जगां-जगा विचरण कर अहिंसा
घरम रो उपदेस दियो अर गिरनार परवत सूँ निर्वाण पायो ।

यादवकुमार अरिष्टनेमि विशिष्ट व्यक्तित्व रा घणी हा ।
महाभारत, स्कन्दपुराण, श्रीमद्भागवत जिसा पुराणा ग्रंथा ईं
इणांरो उल्लेख मिले । महाभारत रै 'शान्तिपर्व' में प्रभु रा दियोङा
उपदेसां रो वर्णन आवै । अरिष्टनेमि प्रभु राजा सगर नै उपदेश
देतां कयौं कै संसार में सुगति रो सुख इज सांचो सुख है । जो
मिनख धन दीलज्ज अर विषय सुखां में रम्यौ रैवै बो अज्ञानी है, जो
मिनख आसक्ति सूँ अलगो है बोइज इण संसार यें सुखी है । हरेक

प्राणी अकेलो जनम लेवै, बड़ो हुवै अर संसार में सुख-दुख भोग'र मौत री सरण लेवै । सांसारिक सुख-दुख पूरब जनम में कर्योङा करमा रा फळ है ।

तीर्थकर नेमिनाथ रो जनम हुयो जद याज्ञिक अर वैदिक संस्कृति रो प्रभाव बत्तो हो । बीके सामै श्रमण संस्कृति फीकी पढ़गी ही । चाहुं कानी हिसा रो बोलबालो हो । बी समै लोगां नै अर्हिसा धर्म रो उपदेश देय नै प्रभु श्रमण संस्कृति रो पाछ्हो उत्थान करियो ।

कहयो जावै कै छप्पन दिनां री कठोर तपस्या रै उपरांत गिरनार पर्वत पर आसोज वदी एकम रै दिन प्रभु नै केवल ज्ञान हुयो । जैनागयां रै मुताबिक तीर्थकर अरिष्टनेमि श्रीकृष्ण रा आध्यात्मिक गुरु हा । 'ज्ञाता धर्म कथा' मे भगवान अरिष्टनेमि अर श्रीकृष्ण री आपसी चर्चा रा घणाई वर्णन मिलै । श्रीकृष्ण अरिष्ट-नेमि सूं घणाई प्रश्न पूछ्या अर वां सबां रो आच्छो समाधान पायो । कहयौं जावै है कै कृष्णजीरी आदूं राणियां पुत्र अर परिवार रा घणाई लोग भगवान अरिष्टनेमि सूं दीक्षा अंगीकार करी ही । 'यजुर्वेद' में स्पष्ट रूप सूं अरिष्टनेमि रो वर्णन मिलै । सौराष्ट्र अर गुजरात में नेमिनाथ री शिक्षावां रो घणो प्रचार र्थौ । आज पण गिरनार, सत्रुंजय अर पालीताणा जैनियां रा सिद्ध क्षेत्र मानिया जावै ।

२३. पाश्वनाथ :

तेइसवां तीर्थकर पाश्वनाथ भगवान हुया । आपरो जनम वाराणसी में हुयो । आपरै पिता रो नाम राजा अश्वसेन अर माता रो वामादेवी हो आपरो गोत्र कश्यप हो अर लांछण सरप है । इतिहासकारां रै अनुसार भगवान पाश्व ऐतिहासिक महापुरुष है । इणां रो जनम पौष वद दसम रै दिन ईसा पूर्व ८७७ मे हुयो । कठोर तपस्या कर'र अै सम्मेदशिखर सूं निवाण प्राप्त करियो ।

भगवान पाष्वं रो व्यक्तित्व घणो अनोखो हो । आप टावर-
पणां सूं ईं दृढ प्रतिज्ञ, स्वाभिमानो, शांत, दयालु, चिन्तनशील और
मेघावी हो । एकदा पंचान्ति तप करता हुया कमठ नामरे बड़े
तपस्वी रे चारूं कानी बढ़ती धूणीरी लाकड़ियां सूं आप नाग-
नागणी री रक्षा करी । इण घटना सूं आपरे दिल में संसार सूं
विरक्ति हुयगी और आप आत्मकल्याण खातर संत्यास ले लियो ।

धर्म साधना करवा मे भगवान पाष्वं चारित्रिक नैतिकता पर
घणो बढ़ दियो । आप पंचान्ति जिसा तपां में हुवण आळी जीव हत्या
कानी लोगां रो ध्यान लिच्छी और कयो कं धर्म रो मूळ दया है ।
आग जलाएँसूं तो सै भांत रा जीवां रो नास हुवै । जिए तप में
जीवां रो नास हुवै वीं में धर्म कोनी । विना पारणी री नदी री भांत
दया शून्य वरम भी वेकार है । जिए भांत तीर्थकर नेमिनाथ पशु-
हत्या रो बहिप्कार करियो उणीज भांत भगवान पाष्वं धर्म रे नाम
पर हुवण आळी जीव हिसा रे विश्वद्व आवाज उठाई ।

प्रभु पाष्वं आपणे युग मे फैल्योड़ी कुरीतियां नै देख अहिसा,
सत्य, अस्तेय और अपरिग्रह या चार व्रतो रो उपदेश दियो, जो
चातुर्यमि धर्म रे नाम सूं प्रसिद्ध है । प्रभु रे आध्यात्मिक और नैतिक
विचारां नूं प्रभावित होयर वैदिक परम्परा रो एक प्रभावजाली
दल याजिक हिसा रो विरोधी वणण्यो हो । इण भांत दो विरोधी
विचारधारा रो संगम इण काळ में हुयो । आचार और विचार में
जितरा वत्ता परिवर्तन इण काळ में हुया, उत्तरा किणीं युग में नीं
हुया । इणीज कारण जैन तीर्थंकरां में पाश्वनाथ सबसू घणा
लोकप्रिय है । भारतवर्ष रे जुदा-जुदा भागां में जितरा, मिदर,
मूर्तियां, तीर्थस्थान इणां रे नाम रा मिलै उत्तरा दूजा तीर्थंकरां
रा नीं मिलै । गजपुर रे नरेश स्वयंभू, कुशस्थपुर रे राजा रविकीर्ति,
तेरापुर रे स्वामी करकंदु जिसा कैई बड़ा-बड़ा राजा अणांरा

बरम भगत अर अनुयायी हो । उत्तरप्रदेश, बिहार, बंगाल, उड़ीसा,
आंध्रप्रदेश ताँहें पाश्वनाथ रो घणो प्रभाव हो ।

पाश्वनाथ अर महावीर रै समे में लगभग ढाई सौ बरसा
रो आंतरो है । इण बीच पाश्व रा उपदेश अर वांकी श्रमण
परम्परा अविच्छिन्न रूप सूं चालती रेयी । महावीर रो मातृकुल
अर पितृकुल पाश्व परम्परा रोइज अनुयायी हो । केवलज्ञान प्राप्त
करिया पाँछे महावीर जद उपदेश देवण लाभ्या, तद पाश्वनाथ
परम्परा रा मुनि केशि श्रमण मीजूद हो ।

२४. महावीर :

चौबीसवां तीर्थंकर भगवान महावीर हुया । इणां रो लांछण
सिह है । महावीर तीर्थंकर परम्परा रा आखरी तीर्थंकर है । वीर,
श्रतिवीर सन्मति, वर्धमान श्रादि अनेक नामां सूं आप याद करिया
जावै । भगवान महावीर रो जन्म श्राज सूं २५७३ बरसां पैली
इणीज भारत भूमि पै हुयो । आगे रा अध्यायां में महावीर रै
जीवण अर शिक्षवां री ओळिखाए है ।

४ | महावीर रे जनमकाल् री स्थिति

जिण नमै भगवान महावीर रो जनम हुयो उण समै देस अर
समाज री हालत घणो खगत्र ही। धरम रे नाम पर चाहंकानी
दोंग अर पान्वड रो बोलत्रानो हो। यज में धी, सेत जिसी चीजां
नै छाड़र जीवना मिनच अर जिनावरां री बलि दी जावती।
अपण नंचृत्ति नै मानव आला लोग जीव हिंसा रो विरोध करता
तो लोग कैवता कै भगवान जिनावरां नै यज में बलि देवण सूं पाप कोनी लागे,
आ हिंसा कोनी।

उण समै मन्त्र-तंत्रा में लोगा रो घणो विस्वास हो। वी
आत्मशुद्धि मे धर्म नी मान'र सिनान आदि वाहरी सरीर री
गफाई नै इज घणो महत्त्व देता अर कैवता कै सरीर नै कष्ट द्वेण
सूं इज मुर्त्ति मिने। कई तपस्वी पंचाग्नि तप करता हा। वी
आपणी आपण रे चाहंकानी आग जला'र ऊपरसूं सूरज री तेज
गरमी भहण करता। घणखरा तपस्वी नुकीली मुइयां पर सूवता
अर वीमूं होण आली शारीरिक पीढा नै मुगति रो साधन मानता।

चाहंकानी ब्राह्मण लोगा रो वर्चस्व हो। लोग वानै भगवान
दाईं उत्तम समझता हा, भलैंड वे कित्ताइ दुराचार अर पाप करता।
भगवान पार्श्वनाथ तप, संयम अर श्रहिंसा री जा पत्रित्र धारा
बहाई वा २५० वरसां पच्छे सूखण लागी। भगवान महावीर जद
नावना रे क्षेत्र में पधारिया तद समाज में एक नी अबेक विषमतावां
फंन्योड़ी ही।

समाज मे धरम सूं बत्तो धन रो महत्त्व हो। धनवान गरीबां
नै जिनावरां जियां खरीद'र उणांनै आपणा दास बणाय लैवता।

मालिकां नै दास बणायोड़ा लोगां नै कड़ी सजा देवण रो पूरो अधिकार हो । अमीर लोग खुद नै बड़ा ऊंचा आदमी समझेर गरीब मिनखां पर घणा अत्याचार करता हा । जात फांत रो भावना रो बोलबालो हो । मिनख री पूजा गुणां सूं नी हो'र जाति, धन, अर दण्डशक्ति सूं हृवती ।

सेवा करणिया सूद्र लोगां रै प्रति ऊंचा तबका रै लोगां रो रवैयो घणो खराब हो । बां नै पढण-लिखण रो अधिकार नी हो अर नी धरम रा बोल सुणबा रो । सूद्र लोग जद कदई धरम (वेद) रा बोल सुण लैवता तो वणां रै कानां में ऊनौ-ऊनौ सीसो भरबा रो रिवाज हो अर जद कोई धरम रा बोल बोल लैवता तो वांरी जबान काट ली जावती । ऊंचा तबका रा लोग नीचा लोगां नै कैवता कै थां खोटा करम करनै आया हो जि खातर थां नै ओ फळ भुगतणे पड़्यौ है । विचारा सूद्र लोग विवस भाव सूं सैं तकलीफां सहन करता ।

स्त्री जाति री वीं वगत घणी बुरी हालत ही । बां नै धार्मिक पोथियां पढबा रो अधिकार नी हो । नारी सब भाँत उपेक्षित अर अधिकारहीन ही । वी रो मोल गाजर मूळी सूं बत्तो नी हो । गायां भैसा दाँईं लुगायां चौराया पर ऊभी कर'र बेची जांवती । नारी घर री लिछमी नीं होय'र एक मात्र दासी ही ।

उण वगत री राजनीतिक हालत पण घणी बोदी ही । सबल राजा कमजोर राजा सूं जुद्ध करता अर उणांरी सुन्दर स्त्रियां नै गुलाम बणा'र उणारो उपभोग अर शोषण करता । कासी, कौसल, वैसाली, कपिलवस्तु आदि राज्यां में गणतन्त्र शासन व्यवस्था ही पण वा राज-काज रै काम ताईं सीमित ही । साधारण जनता नै कोई लोकतन्त्रीय अधिकार नी मिल्यौड़ा हा । अंग, मगध, सिन्धु-सौवीर, अवंती आदि देसां में राजतन्त्र शासन पद्धति ही । अठा रा

लोग धार्मिक रुद्धियां अर सामाजिक गुलामी री भावना सूं दुखी हा । छोटी-छोटी वातां नै लै'र गणराज्यां में आपसरी लडाइयां हुवती । राजा-महाराजा री दाईं सेठसाहूकार लोग पण दास-दासियां रो लम्बो-चौडो परिवार राखता हा ।

ऊपर लिख्योडी धार्मिक रुद्धियां, अन्धविश्वास अर सामाजिक विसमता सूं मिनख घणा ऊवग्या हा । इण विषम परिस्थितिया में जनमलै'र भगवान सहावीर भूल्या-भटक्या दुखी मिनखां नै सही रास्तो दिखायो ।

भगवान महावीर रो जनम वैसाली गणतंत्र रे क्षत्रिय कुष्मांव नें हुयो । आपरे पितारो नाम राजा सिद्धार्थ अर माता रो नाम महाराणी त्रिसलादेवी हो । आप इक्ष्वाकुवंसीय काष्यप गोत्रीय क्षत्रिय हो । आपरा माइत अर मामा (चेटक) भगवान पाश्वेनाम रे घरमसासन री परम्परा नै मानवाश्राळा हो ।

सुभ सुपना

जद भगवान महावीर माता त्रिसला रे गरभवास में आया तो त्रिसला चबद्दह दिव्य अर उत्तम सुपना देखिया^१ । सुपना देख राणी नै घणो खुसी हुई । वीं रो हं-हं हरख अर उमाव सूं भरन्यो । उणीज दगत वा उठ०'र राजा सिद्धार्थ कनै गई । बाँतै खुत्ती-खुसी आपणै सुपना री बात सुराई । राजा सिद्धार्थ राणी रा सुपना सुख राजी हुया । दिन उगताई राजजोतसी नै बुलार सिद्धार्थ राणी रे देख्योडा सुपनां रो फळ पूछ्यो । राजजोतसी बत्तायो के इणां सुभ सपनां सूं मालम व्है के राणी त्रिसलादेवी भगवाली पुत्र री माता वणगणश्राळी है । इणारे जो पुत्र हुवीला

१. चबद्दह सुपना रा नाम इण भाँत है—

(१) हाथी (२) चलद (३) ना'र (सिह) (४) लिछ्सी (५) फूलारी माँका (६) चन्द्रमा (७) झूर्ज (८) व्वजा (९) कछस (१०) पदम-सरोबर (११) लोर सानर (१२) विमान (१३) रतना रोहेर (१४) निरधूम आग ।

दिग्म्बर परम्परा सोर्ल सुपना मानै ।

वो या तो तीर्थं कर वरणंला या चक्रवर्तीं सम्राट् । ओ बाल्कः आपणे
कुळ, वंस अर राज में सें भांत री सुख समृद्धि में बढोतरी करसी ।

सुपना रो फळ सुण राजा-राणी समेत सगळो राज-परिवार
हरखियो । महावीर गरभ में आया जद सूं ई राजा सिद्धार्थ रे खजाने
में बढोतरी हुवण लागी । चारुं कांती सूं खुमी अर उन्नति रा आछा
सुमाचार आवण लाग्या । त्रिसला अर सिद्धार्थ सोचियो कै ओ सब
पुण्य परताप गरभ में आयोड़े बालक रो इज है । जद बाल्क
जनमेला, आपां वीरो नाम वर्धमान राखांला ।

माता रे प्रति भगति :

महावीर जद माता त्रिसला रे गरभवास में हा, वारै मन में
विचार आयो कै म्हारै हलण चलण सूं माता नै कित्तौ कष्ट हुवै ।
जै म्है आ हलण-चलण री किरिया बन्द करदूं तो माता नै घणो
आराम मिलेला । आ सोच'र महावीर गरभ में आपणो हिलणो-
हुलणो बंद कर दियो । बाल्क रो हालणो-चालणो बंद हुवतो देख
माता त्रिसला घणी घवरायगी । वां नै लाग्यौ के गरभ रो बाल्क
या तो मांदो है या कोई बेजां हरकत होयगी है । वा दुखी हुय'र
भांत-भांत सूं विलाप करण लागी । राजा सिद्धार्थ राणी री व्यथा
समझेया । राजा-राणी रै ईं दुख सूं सगळो राज परिवार उदास-
हुय'र चिन्ता में डूबग्यो ।

महावीर आ हालत जाण'र आपणे हलण-चलण री किरिया
पाछी सरु कर दी, तद जा'र राणी रै जीव में जीव आयो । महावीर
मन माय सोच्यो—म्हारै कुछेक क्षणां रे वियोग सूं मा नै कित्तौ
दुख हुयो । जद म्है संसार छोड'र दीक्षा लू गा तद मा रो कांई हाल
हुवैलो, वां नै कित्ती पीड़ा हुवैली ? यूं सोचता-सोचता माँ रै प्रति
स्नेह भाव सूं भीग्योड़ा महावीर गरभवास में इज आ प्रतिज्ञा करली
कै जठा ताईं माँ-बाप जीवता रेवंला म्हूं वणां री सेवा करूंला,
उणारै आख्यां सामै घरवार छोड'र संजम नी लैऊंला ।

जनभः :

ईसा सूं ५६६ बरसां पैली चेत् सुद तेरस रै दिन राणी त्रिसला एक रूपालै गुणवान् पुत्र नै जनम दियो । पुत्र जनम रा समीचार सुण राजा अर प्रजा सै घणा हरखिया । इण खुसी में राजा सिद्धार्थ जेढ़खाना रा सगळा कैदियाँ नै सजा में छूट दी । गरीबां नै खूब दान-दक्षिणा दीवी । नगर रा मकान, गलियां, चौराया, भांत-भांत सूं सजायाग्या । भांत भंतीला खेल तमासा अर नाच-गाणा हुया । जनम रो मोछब घणे हरख अर उमाव सूं मनायो गयो ।

चामकरणः :

भगवान महावीर रै जनम रै बारह दिन पछै राजा सिद्धार्थ एक बहोत बड़ो जीमण करियो । ईं मांय आपणै सगळा रिसतेदारां, मित्रां अर जाति भाइयाँ नै बुलाया । घणे आदर मान सूं सगळा नै भोजन जिमायो अर पछै एक बड़ी सभा बुलाई । सभा मांय सिद्धार्थ बोलिया—जद सूं ओ बाल्क त्रिसलादेवी रै गरभ में आयो वद सूं धन, धान अर राजकोष में घणी बढोतरी हुई । ईं खातर ईंण भागसाली पुत्र रो नाम वर्धमान राखणो चाइजै । आयोड़ा सै पावणापाई नै 'यथा नाम तथा गुण' होवण सूं ओ नाम घणे दाय आयो ।

परिवारः :

वर्धमान आपणै माइतां री तीजी संतान हा । इणारै नंदिवर्द्धन नाम रो बड़ो भाई अर सुदर्शना नाम री एक बैन ही । वर्द्धमान रा मामा चेटक बैसाली गणराज्य रा, अध्यक्ष हा । इणां रै दस पुत्र अर सात पुत्रियाँ ही । सबसूं बड़ा पुत्र सिंहभद्र हा । वी वज्जीगण रा प्रधान सेनापति हा । इण भांत वर्धमान रो

पारिवारिक गिश्तो अंग, मगध, अनंती सू' लै'र सिन्धु-सौवीर देश
रा घणा राजपरिवारां सू' जुङ्योड़ो हो ।

वर्धमान सू' महावीर :

बालक वर्धमान रो पालण-पोषण घणा ठाटवाट सू' हुयौ ।
अणां रै चारूंकांनी सुख-सुविधा अर आमोद-प्रमोद रा घणा साधन
हा । महाराणी त्रिसला खुद आपणे हाथां सू' इणांरो लालण-
पाळण करती ही । वर्धमान रो सरीर गठ्योडो अर कान्ति सू'
दमकतो हो । इणा रै मुखमण्डल पर घणो तेज हो । ज्यूं-ज्यूं
बालक वर्धमान उमर में वधवा लागा त्यूं-त्यूं धीरता, वीरता अर
ज्ञान री गरिमा पण वधवा लागी । आपणे बुद्धिवल, विनय अर
विवेक सू' आप लोगां रा दिल जीत लिया । आंप कदैई किणी रा
दिल कोनी दुखावता अर सदा सांत भांत सू' रैवता ।

वर्धमान जनम सू'ई अनन्त वळ रा घणी हा । एकदा शकेन्द्र
आपणी देवसभा में वर्धमान री चरचा करतां कह्यौ कै-राजकुंवर
वर्धमान बालक हुवता थकां भी घणो पराक्रमी अर साहसी है । कोई
मिनख, देवता अर राक्षस वीनै नी तो हरा सकै अर नी डरा सकै ।
आठ वरसां रै छोटे से बालक रै बळ अर पराक्रम री इतरी बडाई
सुणा'र एक देवता नै रोस आयग्यो । वो वर्धमान री परीक्षा लेण
खातर त्यार हुयौ । वो सांप रो रूप बणा'र जठे वर्धमान आपणे
गोठीडा सागै रूंख पर चढण-उतरण रो खेल खेलरिया हा, बठे
पौच्यो अर उणीज रूंख सू' लिपटग्यो । वर्धमान रा सगळा साथी सरप
नै देखा'र डरग्या । वे अठी-उठी भागवा लागा । सांप फण ऊंचा'र
फूंकाडा मारवा लाग्यो । वी आपणे गोठीडा नै कैवण लाग्या—
डरपो मती, सान्त रैवो । म्हूँ अबार ई नै पकड़ा'र छैटी छोड दूंला ।
वी सरप नै पकड़ा खातर वीकै नैडे गया । सरप जोर सू' झपटो
मारियो पण बहादुर वर्धमान वीनै रसी दाईं पकड़ा'र छैटी कांकड़

में छोड़ आया। वर्धमान री बहादुरी नै देख सगला साथी घणा राजी हुया।

जद वर्धमान देव रै सरप रूप सूं नीं डर्या तो देवता फेरूं परीक्षा लेवण री सोची। वो बाल्क रो सरूप बणाय नै वर्धमान री टोछी में आय मिल्यो। हार-जीत रै ईं खेल में हार्योड़ो बाल्क जीत्योड़े बाल्क नै आपरै कांधा पर बैठा'र तै करयोड़ी ठौड़ ताईं लैजावतो। देव बाल्क टाबरां सागै खेलण लागो। खेल में वो हारग्यो। नियेम मुताबिक वीरी वर्धमान नै कांधा पर बैठावण री बारी आयी। देव बाल्क वर्धमान नै आपरै कांधा पर बैठावण री चालबा लाग्यो। चालतां-चालतां देव ताड़ जितरो ऊ चो वैरग्यो और विकराल रूप धारण कर'र वर्धमान नै डराबा-धमकावा लाग्यो। देव रो डरावणो सरूप देख'र सैं साथीड़ा डर्या। पण आतमबल्लरा धणी वर्धमान तो नाममातरइ कोनी डर्या। वरणां छद्यवेषधारी देव री पीठ माथै एक मुक्की मारी। मुक्की मारतांईं वो हेठै बैठग्यो।। देव असल रूप में प्रगट हो'र राजकुंवर वर्धमान रै साहस अर बल री धणी बढ़ाई करी। आठ बरसां री उमर में अद्भुत वीरता रै कारण इज वर्धमान महावीर नाम सूं प्रसिद्ध हुया।

चटसाल कानी :

वर्धमान जनम सूं ईं मति, श्रुति अर अवधिज्ञान रा धणी हा। एक दिन सुभ घड़ी देख माइतं वां नै पढ़वा खातर चटसाल मोकलिया। वर्धमान माइतां रो कैणो मानणै अर गुरु रो आदर करणो आपणो फरज समझता हा। वां कदै भी आपणै ज्ञान रो दिखावो नी करियो। चटसाल में गरुजी रे सामै वर्धमान विनीत चेला री दाईं बैठ्या। पैलड़े दिन गरुजी वां नै वरणमाला-रो पैलो पाठ पढ़ायो। कुमार रै जनमजात ज्ञानी हुवण री बात नीं माइत जाणता हा अर नीं गरुजी।

महावीर नै चटसाळ जावता देख इन्द्र तिळकधारी पंडित रो
रूप वणा'र चटसाळ कांनी आयो । पंडित रै सरीर सूँ ब्रह्म तेज
टपक र्यो हों । इसो लखावतो कै ओ तो कोई मोटो क्रृषि है । क्रृषि
आय'र वर्धमान रै पगां पड़ियो । वांसू सास्व अर व्याकरण रा
घणखरा टेढ़ा-मेडा सवाल पूछिया । वर्धमान तुरत-फुरत सगळा
जवाव आच्छो तरेऊं दे दिया । वर्धमान रो ओ ज्ञान देख इन्द्र
गरुजी नै कहर्णी- ओ वाळक घणो बुद्धिमान अर अवधिज्ञान रो
धारक है । ईं नै साधारण ज्ञान देवण रो जरूरत कोनी । आ सुण
गरुजी समेत पूरी चटसाळ रा वाळक वर्धमान रै चरणां में भुकर्ण्या ।
राजा सिद्धार्थ जद आ वात सुणी तो वी पण नेह सूँ गळगळा व्हैग्या ।

६ | विवाह अर वैराग

वर्धमान बालपणा सूँईं गंभीर प्रकृति रा हा । वां नै संसार रा राग-रंग चोखा नी लागता । वी आपणी च्याहे मेर री राज-नीतिक, सामाजिक, धार्मिक समस्यावां रै चिन्तन में लोन रैवता । वी चिन्तन में इत्ता गहरा डूब जावता कै वां नै नी भूख लागती, नी तिस ।

पिता सिद्धार्थ अर माता त्रिसला वर्धमान रै इण गंभीर अर सांत सुभाव नै पळटणौ चावता हा । ईं खातर वणा वर्धमान-रो व्याव करणे री सोची । पण वर्धमान व्याव करणे नीं चावता । वी तो संयम रै मारग पर वढणौ चावता हा । ईं कारण व्याव-रै प्रस्ताव नै वी बार-बार नामंजूर करता र्या । वर्धमान री विरक्ति देख एक दिन माता त्रिसला घणी ढुऱ्ही हुई । मां नै ढुऱ्ही देख वर्धमान व्याव रो प्रस्ताव मंजूर कर लियो । समरवीर महासामन्त री देटी जसोदा रै सांगे वर्धमान रो व्याव हुयो ।^१ उणांरै एक कन्या पण हुई जिरो नाम प्रियदर्शना हो । इणारो व्याव जमालि सांगे हुयो । सांसारिक मोह-माया में महावीर नीं उलझ्या । वी ईं जीवन नै काम, त्रोष अर विषय-वासना रै कीचडू में कनल री दैंडू सुळ अर पवित्र राखणे चावता हा ।

भोग नीं योग :

महावीर रै चारुंकांनी घणाखरी भोग-सामग्री विखरी पडी हो । माझतां री ममता, भाई नन्दिवर्धन रो हेत, अर पत्नी जसोदा

१-दिगम्बर परम्परा मुजब महावीर व्याव नीं करियो ।

रो प्रेम नितहमेस कणा पर वरसतो हो, पण केर भी महावीर रो मन उणां मेर रम्यो कोनी। वणां री आतमा वाहरी भौतिक सुखां में भुख रो अनुभव नी करती। वा तो जीवन रै सांचा सुखां री खोज में लाग्योड़ी ही। उण समै मिनख आपण सुवारथ खातर बीजा प्राणियां नै तकलीफ देवता हा, धरम रै नाम पर घणखरा अंधविसवास समाज मे फैल्योड़ा हा। चारूंकांनी दुखी मानखा रो हाहाकार हो। महावीर रो हिरदय आ दसा देख पसीजग्यो। वां ओ निश्चय करियो कै म्हनै इण मायावी संसार सूं ऊपर उठणो है, दुखी मिनखां रो दुख मिटावणो है। ईं दुख नै मेटण सारूं आतमवळ री जरूरत है अर ओ आतमवळ त्याग रै मारण नै अपणाया विगर कोनी मिल सके।

माता-पिता रो वियोग :

जद महावीर अद्वाइस वरस रा हा, वां रा माता-पिता देवलोक हुया। वर्धमान नै आपणां मां-वाप सूं घणो हेत हो। केर भी वणां रोवणो-कळपणो नी करियो। वी आच्छी तरेझं जाणता हा कै ओ सरीर नासवान है। उणरो मरणो-मिटणो वांकै वासतै कोई इचरज नी हो।

माता-पिता रै देवलोक हुयां पछै महावीर री गरभवास में करियोड़ी प्रतिज्ञा पूरी वैग्यी ही। अबै वणा रै मन में दीक्षा लेवण री भावना जागी। वां आपणै बडे भाई नंदिवर्धन रै सामै आपणै मन री वात राखी। छोटे भाई रै संजम लैण री वात सुण एक'र तो नंदिवर्धन रो काळ्जो काप ग्यो। वी गळगळा हो'र वोल्या-माइता रै विजोग दुख नै हाल आपा भूल्या कोनी अर अबै थां भी संजम लेय नै म्हनै एकलो छोड़णो चावौ। ओ समै थाँरै योग कांनी बढण रो कोनी, थोड़ा औरूँ ढैरो।

भाई री बात मान'र महावीर दो वरस तांई श्रीरुं घर मे
रवण रोतै करियी। इण दो वरसां में महावीर भोग-विलास
सू अळगा रंय'र आत्मचिन्तन करियो।

दाता रे रूप में :

संजम लैण रे एक वरस पैलां सूं महावीर जरूरतमंद
लोगां में आपणी संपत्ति वांटणी सरु करी। वी नितहमेस एक
फरोड़ आठ लाख सोना रा सिक्का दान में देवता। वी नी
चावता कै धन किणी एक ठौड़ एकठो हुवतो रेवै। धन समाज
री सम्पत्ति है। उणरो उपयोग समाज खातर हुवण में इज
उण री सार्थकता है।

संजम रे पथ पर :

दो वरस पूरा हुयां पछै वर्धमान भाई नंदिवर्धन श्रर चाचा
सुपाईर्व रे साम्है दीक्षा अंगीकार करण रो प्रस्ताव राखियो। दोन्यू
राजी-राजी वर्धमान नै प्रब्रज्या अंगीकार करण री आज्ञा दीवी।
वर्धमान रे दीक्षा लेवण रा समीचार विजली री दांई सगळा कानै
फैलग्या। दीक्षा मोछव री घणी त्यारिया हुइं।

मिगसर वद दसम रे दिन राजकुंवर वर्धमान मेहलां सूं
चन्द्रप्रभा नाम री पाळकी में विराज'र ज्ञानखण्ड वाग में गया। वा
रे पाछै-पाछै हजारां-लाखां लोग-लुगाई मगळ गीत गावता
चाल्या। इण मोछव नै देखवा खातर देवता भी धरती पर आया।
सुपाईर्व श्रर नंदिवर्धन भी रागै हा। वडेरा वर्धमान नै आसीसां
दीवी।

वर्धमान पाळकी सू उत्तर अशोकवक्ष रे नीचे गया। वठै वणा
गिरस्ती रा गाभा उत्तार नियन्थ रो रूप धारण करियी। सब

कर्णी पण इट संकल्प रा घणी महावीर री ध्यान तिळ भर भी नीं
डिगियो ।

उपमगों रो क्रम आगी वढतो ई र्यो । एक भूखो तिरसो
वटाऊ आयो । वो भूख मिटावण माहु खाणो वणावणो चावतो हो ।
बीने कठै चूल्हो निजर नी आयो । वी ध्यान में लीन ऊभा महा-
वीर रा चरणां सूं चूल्हा रो काम लेय'र खाणो वणा लियो । इण
घोर पीडा सूं भी महावीर रा ध्यान भंग कोनी हुयो । एकइ
गत में धगुच्चर उपमगों सूं महावीर री साधना रो तेज और्हं
निखरयो । नूंई चेहना सूं भर'र दिन उरी वणां आगे कदम वढ़ाया ।
पण जगम हाऊताईं महावीर रो साथ कोनी छोड़ियो । उणां नै
ओहं तकलीफा देवण खातर वो भी उणांरै सागी-सागी चालियो ।

एकदा तोसलिंगाव रे वाग में महावीर ध्यान मगन हा । उणां
नै ध्यान मगन देख संगम साधु रो भेस वणा'र गांव में चोरियां
करणा नै गयो । लोगां वी नै पकड़'र मारियो-कूटियो । वो बोल्यो-
म्हनी मती मारो । म्है तो म्हारै गुरु रे केवण सूं चोरी करी है । जै
थां अमली चोर नै पकड़नो चावो तो वाग मे जावो । वठै म्हारो गुरु
ध्यान रो मांग वणा'र ऊभो है । लोग वाग में जा'र प्रभु पर लक-
डियां अर लाठिया सूं वार करिया, पण महावीर अडौल वणा'र
ध्यान मे लीन रह्या ।

इण भात सगम देव छह महिना नाई महावीर रे पाछै पड़ियौ
र्यो अर उपसर्ग देवतो र्यो । इण उपसर्ग मे महावीर नै अन्न-
पाणी भी नी मिल्यो । संगम देख्यो कै इतरा कष्टां सूं भी महावीर
आपणे ध्यान सं अळगा नी हुया तो उणारी साधना सूं प्रभावित रे
हुय'र वी महावीर रे पगां पड़ियो अर वासुं माफी मागी । महावीर रे
मन में कष्ट देवगिया संगम रै प्रति नी शोस हो अर नी हृषे ।

महावीर री इण्ण क्षमा भावना नै देख संगम लाजां मरग्यो अर
मन ही मन खुदरी आत्मा नै धिक्कारबा लाग्यो ।

कुलथ सूं पारणो :

गांव-गांव विचरण करताँ हुया महावीर वैसाळी पघारिया ।
चौमासो अठैइ पूरो करियो । पारणा । रे दिन भिक्षा खातर महावीर
पूरण सेठ रे घरां गया । द्वार पर महावीर नै ऊभा देख सेठ उणां
री उपेक्षा करी अर दासी सूं कयो कै बारै भिक्षु ऊभो है । वीनै
भिक्षा दैय दे । दासी एक कुड्ढो भर'र कुलथ प्रभु नै दिया ।
महावीर उणा कुलथ सूं चातुर्मासिक तप रो पारणो कियो ।

बारमो बरस :

चमरेन्द्र नै सरण :

महावीर सुन्सुमारपुर वन खंड में असोक वृक्ष रे हेठै ध्यान
लीन हुया । एकदा चमरेन्द्र (अमुरकुमारां रो इन्द्र) आपणै जान-
बळ सूं देखियो कं—इण्ण संसार मे म्हारै सूं धनवान अर वलवान
कुण है । वीनै इन्द्र दिव्य भोग भोगतो निजर ग्रायो । ओ देख चमरेन्द्र
रो किरोध वधग्यो । वी आपणै साथी असुरकुमारां नै पूछियो—
ओ विवेकहीन घमण्डी देव कुण है ? असुर कुमार वयो कै ओ तो
सौधमेन्द्र देव है, अर आपणै सूं वत्ती ताकतवर है । इंसूं छेड़च्छाड़
करणो आपणी जान जोखम मे नाकणी है ।

चमरेन्द्र असुरकुमारां री मजाक वणावताँ वोलियो-था सब
कायर हो, म्हूं किणी नै म्हारै माथा पर वैठ्यो देख नीं सकूं !
अबार वीकी टांग पकड़'र वीं नै आपणै आसण सूं काई देवलोक सूं
हेठै पटक ढूँला ।

चमरेन्द्र रा रोस भरिया सबद सुण देवराज इन्द्र नै पण रोस
आयग्यो । वां सिहासण पर वैठ्या-वैठ्या वज्र हाथ में लेयर

चमरेन्द्र रे दे मारियो । वज्र आग उगलतो थको चमरेन्द्र कांनी आवा लाग्यो । बीनै देख असुरराज डरपग्यो । वो ध्यानस्थ भगवान रे कनै जाय उणाँरे पगां में पड़ियो श्रर कंवा लागो-भगवान म्हनै शरण दो ।

देवराज इन्द्र अवधि ज्ञान सूं देखियो कै चमरेन्द्र प्रभु महावीर रे चरणां में पड़ियो है । कठं म्हारै छोड्योडँ इण वज्र सूं भगवान नै तकलीफ नी हुवै, आ सोच वो भगवान रे कनै आयो श्रर वांम् चार आंगल दूरी मूं वज्र नै पाढ्यो पकड लियो । भगवान रे चरणां-सरणा में होवण सूं देवराज इन्द्र चमरेन्द्र नै माफ करियो ।

कठोर अभिग्रह :

सुन्मुमारपुर, भोगपुर नन्दिग्राम, मेडिया ग्राम होता हुया प्रभु महावीर कोसाम्बी पवारियो, अठं पोस वदी एकम रे दिन महावीर एक कठोर अभिग्रह धारियो—छाजलै रे कूर्णे में उड्ड रा वाकुला लियां देहरी रे बीचै कोई राजकुंवरी दासी वणियोडी ऊभी हुवै । बीकै हाथां में हथकडियां श्रर पगां मांय वेडियां हुवै । माथो मूंडियोडो हुवै । आख्या मांय आंसूं श्रर होठां पर मुळक हुवै । बीकै तेला (तीन दिन री भूखी) री तपस्या हुवै । भिक्षा रो समय बीतग्यो हुवै । औडी वगत इसी कवारी राजकन्या म्हनै भिक्षा देवैला तद मूँ आहार करूँला श्रर नी तो छह महिना ताईं भूखो रेझँला ।

आ कठोर प्रतिज्ञा ले'र महावीर नित हमेस भिक्षा खातर जावता । पर अभिग्रह पूरो नी हुवण रे कारण विना काँई लियां पाढ्या आय जावता । लोग अचभा मे हा कै महावीर आहार कांनी लेवै ? इण नगर में इसी काँई कमी है, कांइ बुराई है, जिसूं भगवान विना अन्न-पाणी लियां पाढ्या-पाढ्या फिर जावै ? इण भांत विना आहार करियां पांच महिना श्रर पच्चीस दिन बीतग्या । यचाणचक

९ दिन भिक्षा लेवणा नै प्रभु धन्ना सेठ रै घरै गया । वठै राजकंवरी चन्दणबाला तीन दिन री भूखी-प्यासी छाजले में उड़द रा बाकुला लियां देहरी में ऊभी-ऊभी मुनिराज नै आहार देवा री शुद्ध भावना भाय री ही (सेठारी मूळा ईर्याविश चन्दन बाला रा केस कतराय, हथकडियां ग्रर बेडियां पैराय, उणनै भूंवारै में बंद कर राखी ही ।) प्रभु महावीर नै भिक्षा खातर आवतां देख वा घणी राजी हुई । वीको रूं-रूं खुमीऊं भरग्यो । अभिग्रह री सगली वातां मिल री ही । बस, एक बात री कमी ही । वीरी आँख्यां में आंसू नीं हा । आ कमी देख आयोड़ा महावीर बिना अन्न-पाणी लियां पाछा फिरग्या ।

आपणै बारणै आयोड़ा महात्मा नै खाली हाथ जावता देख चन्दणा रो जीव उदास व्हैग्यो । वीरी खुसियां पर पाणी फिरग्यो । वा सोवण लागी— म्हूं कितरी अभागण हूं । संसार-समुद्र मूं तारखा आला प्रभु म्हनै मध्यधार में छोड़र चल्याग्या । इण मुसीबत मे नाता-रिस्ता आला लोगा तो म्हनै बिसराय दीवी ही । म्हूं तो प्रभु महावीर रै आसरै ईज दिन काट री हीं । म्हनै तो पूरो भरोसो हो कै प्रभु म्हारै हाथां सूं आहार ले'र म्हारो उद्धार करैला । पण हाय ! इण खोटा समय मे भगवान भी म्हनै भुलाय दी । आ सोचतां-सोचतां वीकी आँख्यां आसुं आं सूं भीजगी ।

महावीर पाढ़ै मुड र देखियो । चदन बाला री आँख्यां में आंसू हा । महावीर नै भिक्षा खातर पाछा मुड़ता देख, वीरी उदासी मिटगी । ओठां पर मुळक आयगी । सै बातां मिलती देख महावीर चन्दण बाला रै हाथा सूं आहार लियो । इणरै सागै इ चन्दणा रो सकट टळग्यो ।

महावीर नारी जाति रो उद्धार करणे चावता हा । समाज में नारी नै इज्जत देवण खातरईज महावीर इसो कठोर अभिग्रह धारियो । प्रभु महावीर कयौ—पुरुष री भांत नारी नै भी साधना रै

मारग पर बढ़णा रो पूरो अधिकार है । चन्द्रणा महावीर री पैली
शिष्या अर साध्वी संघ री प्रमुख बणी ।

कानां में कीला :

साधना काळ रै तैरमां बरस रै सरुग्रात मे महावीर छम्माणि
गांव रै बा'रै ध्यान मे ऊभा हा । सांझै एक गवालियो बळदां नै
महावीर कनै छोड़र किणी काम सूं आपणे गांव गयो । पाछो
आय जद वी आपणां बळदा नै जोया तो वी नी मिल्या । गवालियै
महावीर सूं पूछियो—म्हारा बळद कठे गया ? महावीर तो आतम-
चिन्तन में लीन हा । वी की नी बोल्या । महावीर नै मौन देख गवा-
लियै नै रीस आयगी । बो बोल्यो—अै ढोगी वावा ! तू म्हारी वात
सुण्यो है कै नी ? कठे तू ब्रह्मो तो नी है ? पण महावीर कीं उत्तर
नी दियो । गवालियै रो किरोन ओरुं बढ़यो । वीं कनै पडियोड़ी
तीखी सळाका उठार महावीर रै कानां में आरपार ठोक दीवी ।
इण सळाका-छेदण सूं महावीर नै घणी वेदना हुई । पण इंण
परीसह नै वी सांत भाव सूं सहन करतार्थ्या ।

छम्माणि गांव सूं विहार कर'र महावीर मध्यम पावा पधा-
रिया । अठा सूं भिक्षा खातर धूमता-धामता सिद्धारथ नामक
वरिंगि कै घरै आया । इण वगत सिद्धारथ रो मित्र खरक वैद्य पण
ग्रठे हो । प्रभु नै आया जाण खरक वैद्य वां नै बन्दना करी । वीं
देख्यो कै महावीर रो चेहरो अपार तेज सूं चमकर्यो है पण आंख्या
में गहरी वेदना भळकै । खरक भांपग्यो कै भगवान रै सरीर मे
सळाका चुभ री है । आहार लेवती वगत वी भगवान रै सरीर नै
देखियो । वी नै झट ठा पड़गी कै प्रभु रै कानां में किणी कीला
ठोकिया है ।

दोन्यूं मित्र प्रभु सूं रुकण सारुं अरज करी पण महावीर
रुक्या कोनी । वी पाछा गांव रै बा'रै जाय ध्यान में लीन हुयग्या ।

सिद्धारथ अर खरक दवा लेय महावीर जठै ध्यानमगन हा, बठै गया। वठै पोंच'र वां देख्यो कै असह्य वेदना हुयां पाण भी महावार सात भाव सूं ध्यान में लोन है। खरक संडासी सूं सल्लाका खैच'र वारै काढ़ी। सल्लाका रे साजै लोही री धारा बैवण लागी। साधक जीवन री आ आखरी वेदना ही। कानां री सल्लाका बा'रे निकलण सूं महावीर बाहरी दुखां सूं ईज मुक्त नी हुया। अबै वी साधना रे इत्ती ऊंचै सिखर पर चढ़ग्या हा कै वी सदा सवंदा खातर आन्तरिक दुखा सूं भी मुक्त हुयग्या।

महावीर री तपस्या :

छद्मस्थकाळ रे साढ़ै बारा वरसां रे लम्बे समय में महावीर तीन सौ उनचास दिनां इज आहार ग्रहण करियो। बाको रा दिनां में विगर अन्न-पाणी लियां वी कठोर तपस्या करता र्या। महावीर री आ तपस्या सब तीर्थकरां सूं घरणी कठोर अर बेसी ही। इण री तालिका इण भांत है—

छह मासिक तप—१	(१६० दिनां रो)
पांच दिन कम छह मासिक	(१७५ दिनां रो)
तप—२	
चातुर्मासिक तप—६	(१२० दिनां रो एक तप)
तीन मासिक तप—२	(१० दिनां रो एक तप)
सार्ध म्हिमासिक तप—२	(७५ दिनां रो एक तप)
द्विमासिक तप—६	(६० दिनां रो एक तप)
सार्ध मासिक तप—२	(४५ दिनां रो एक तप)
मासिक तप—१२	(३० दिनां रो एक तप)
पाक्षिक तप—७२	(१५ दिनां रो एक तप)
भद्र प्रतिमा—१२	(२ दिनां रो एक तप)
महाभद्र प्रतिमा—१	(४ दिनां रो एक तप)
मर्वतोभद्र प्रतिमा—१	(१० दिनां रो एक तप)

सोलह दिनां रो तप—१

अष्टम भक्त तप—१२

षष्ठ भक्त तप—२२६

(३० दिनां रो एक तप)

(२ दिनां रो एक तप)

इणरं ग्रलावा महावीर दसम भक्त (चार दिन रो उपवास) आदि घणी तपस्यावां कीवी । वां री तपस्या निरजल (विगर जल री) हुवती, अर ध्यान साधना री उणमें खासियत रैवती ।

मूल्यांकन :

भगवान महावीर रे साधना रो श्रो लम्बो समय वां री अग्नि परीक्षा रो कठोर समय हो । साढ़ा वारा वरसां में वांकी सहनशक्ति, समता, अर्हिता, करुणा अर ध्यानलीनता री श्रैड़ी कठोर परीक्षावां हुई कै वां री कल्पना सूं इज मन थर-थर कांपवा लाग जावे । साधक जीवन में महावीर नै जे उपर्युक्त मिलिया वी एक तरफो हा । महावीर उणां रो कांई प्रतिकार नी कियो । यूं तो किरोध सूं किरोध री अर अहङ्कार सूं अहङ्कार री टक्कर हुवै, पण श्रमण महावीर तो सब विकारां सूं अलगा हा, मुक्त हा । वां किरोध नै क्षमा सूं अर अहङ्कार नै समभाव सूं जीतियो ।

द | केवलीचर्या

केवलज्ञान :

महावीर री साधना रै तैरमे बरस रो सातवो महीनो हो । वैसाख सुद दसमी रो चौथो पहर । महावीर जभिय ग्राम रै बा'रे ऋजुबालुका नदी रै किनारे स्यामाक नाम रै गाथापति रै खेत में साल रुख रै हेटै ध्यानमगन हा । बांकै दो दिनां रो निजल उपवास हो । इणीज ध्यान मुद्रा में भगवान नै केठवज्ञान री प्राप्ति हुयी । अबै वी प्रत्यक्ष ज्ञानी बणग्या । सगळा लोक रै जीवां-अजीवा री सब पर्याया नै देखबा अर जाणबा री खमता वांमें आयगी ।

महावीर री केवलज्ञान सूं पैलां री साधना आतमकल्याण री साधना ही । अबै लोककल्याण री भावना वांकै मन में आई । अबार ताँई आतमदरसण खातर वी मूंन राख'र सूनी ठौड मे ध्यान अर तप करता हा । अबै वानै कठोर साधना रो फळ मिलगयो हो । वानै आतम साक्षात्कार हुयग्यो । अबै वी जातपात रो भेदभाव मेट'र वासना अर दासता री बेडिया सूं मिनखां नै मुक्त कर'र आजादी रो वातावरण देणो चावता हा । महावीर री अनन्त करुणा अर भाईचारा री भावना वानै संसार रो कल्याण करण री प्रेरणा देय री ही ।

ग्यारह गणधर

केवलज्ञान पाम्या पछै महावीर मध्यम पावा पधारिया । श्रै आर्य सोमिल एक बहुत बड़ो यज्ञ रचियो । बड़ा-बड़ा पंडित यज्ञ में

आयोड़ा हा । यज्ञ रो सैं काम इन्द्रभूति जिसा वेशान्त पडित रै हाथां मे हो ।

वैसाख सुदी च्यारस रो मंगल परभात हो । देवता एक बड़े समवसरण (सभागृह) री रचना करी ॥¹ उण समवसरण में भगवान जनता नै उपदेश देणो सरु करियो । वाँरी अमरत वाणी सुण सैं जण हरख अर उमाव सूं भरग्या । महावीर री वाणी मुण्डा खातर आकास मारग सूं देवगण भी आया हा । आ देख इन्द्रभूति गौतम नै आपणी विद्वता पर आंच आवती सी लागी । महावीर नै उणीज नगरी मे आया जाण वा प्रभु रै अर्लाकिक ज्ञान री परख करवा अर सास्त्र ज्ञान में वाँनै हरावण रै भाव सूं उण समवसरण मे आया । वारै सागै पांच सौ चेला अर बीजा पडित पण हा ।

इन्द्रभूति गौतम जिण समय समवसरण में पहुंचिया, वारे मन मे महावीर सूं बदलो लेवण री भावना उमड री ही । वाँ उठै पौंच'र महावीर कांनो देखियो । वाँनै लागौ कै महावीर री आंख्या धूं प्रेम अर मित्रता री अमरत वरखा वैयरो है ।

इन्द्रभूति नै आवता देख महावीर वोलिया—गौतम ! था आयग्या !

गौतम नै लाग्यो-महावीर री वाणी में प्रेम, अपणायत अर मित्रता रो भाव है । वारै मन में उठी बदलै री भावना सांत हुयगी । महावीर रै भूंडा सूं आपणो खुदरो नाम सुण गौतम नै घणो अचम्भो हुयो । वी सोचण लाग्या-म्हारी ज्ञान री चरचा सगली जगां है, ईं खातर महावीर म्हारै नाम जाणता वेला । पण जठा ताँई म्हारै

१ दिगम्बर परम्परा मुजव भगवान महावीर री पैली देसना राजगृह रै विपुलाचल पर सावण वदी एकम रै दिन हुई ।

मन में उठयोङा सवालां रा जवाब वी नी देला, बठा ताँई म्हूँ ग्रणा
नै सर्वज्ञ नी मानूंला ।

गौतम रै मन री आ भावना जाण महावीर बोलिया—
आयुस्मान गौतम ! थांनै आतमा रै अस्तित्व पर संका है । थां सोच-
रया हो कै आतमा (जीव) नाम रो कोई तत्त्व है या नीं ? गौतम
आतमा रो अस्तित्व है । वा आ आंख्यां सूं कोनी देखी जा सके । आतमा
इन्द्रिय ज्ञान सूं परै अनुभव री वस्तु है । महावीर कैवता जायर्या
हा-इन्द्रभूति ! तत्त्व नै तर्क सूं समझो, अनुभव सूं जाणो अर
हरदय सूं बीनै मंजूर करो । थां खुद विद्वान हो । थांनै बत्तो कैवण
री जरूरत कोनी ।

महावीर रा प्रेम भर्या सबद सुण इन्द्रभूति री सै संकावां
मिटगी । वांरो अहंकार गळग्यो । वी विनय भाव सूं कैवण लाग्या-
भगवन् ! आज म्हारै भरम रा सैं आवरण दूर व्हैग्या । आप म्हनै
सांचो रास्तो बतावण आळा हो । म्हूँ आज सूं आपनै म्हारा गुरु
मानूं हूं । म्हनै आप रै सरणा मैं राखो अर आतम साक्षात्कार
करण रो गैलो बतावो । ज्ञान रा प्यासा, सांच रा इच्छुक इन्द्रभूति
महावीर रा शिष्य बणग्या । वाँरै सांगै वांरा पांच सौ चेला भी
महावीर रै चरणां मैं दीक्षा ग्रहण करी ।

इन्द्रभूति गौतम रै दीक्षित होणै रा समीचार विजळी री
दाईं सब ठौड़ फैलग्या । सोमिल रै यज्ञ में तहळको मचरयो । वेदान्त
पंडित अग्निभूति अर वायुभूति पण महावीर नै आपणै ज्ञानबळ सूं
पराजित करण री भावना सूं भगवान रै कनै आया, पण नैडे
आवतां-आवतां वांरो अहंकार चूर-चूर व्हैग्यो । प्रभु महावीर सूं आपणी
सकावां रो समाधान पा'र वै भो भगवान रा शिष्य बणग्या । शिष्य
इण भाँत आर्य व्यक्त, सुधर्मा, मंडित, मौर्यंपुत्र, अकम्पित, अचळाभ्रता,
मेतार्य अर प्रभास जिसा पंडित महावीर रै चरणां मैं दीक्षा लीवी ।
महावीर रा औं पैला ग्यारह शिष्य गणधर कहीजै ।

धरम संघ री थरपणा :

मध्यम पावा री पैली धरम सभा मांय ईज इग्यारे बड़ा वडा विद्वान अर उणारा चार हजार चार सौ शिष्य, भगवान महावीर रे कनै प्रव्रजित हुया। आ एक वडी इचरजकारी घटना ही। इण भांत भगवान महावीर रे उपदेसां सूं प्रभावित हुयर कई राजा-महाराजा, सेठ-साहूकार, अर बोजा घणाई लोग-लुगाई महावीर रा शिष्य बणिया। भगवान मिनखां नै श्रृंत धर्म ग्रर चाश्त्र धर्म री सीख दे'यर साधु, साब्बी अर श्रावक-श्राविका रूप चतुविध संघ री थरपणा करी।

इण व्यवस्था नै प्रभु दो भागां में वांटी। एक पूरो त्यागी वर्ग अर दूजो आंशिक त्यागी वर्ग। पूरो त्याग करणिया साधु अर साध्वियाँ रो न्यारो-न्यारो संघ बणायो। इणीज भांत आंशिक त्यागियां मांय भी श्रावक अर श्राविका रो न्यारो-न्यारो संघ कायम कियो। घरवार छोड़'र पांच महाव्रतां रा पाळण करणिया नर-नारी श्रमण अर श्रमणी कैवाया अर गृहस्थी में रेय'र वारा श्रमुक्रतां रा पाळण करणिया नर-नारी श्रावक अर श्राविका रे रूप मे भगवान रे धर्म संघ में भेला दुया।

श्रमण संघ री शिक्षा-दीक्षा, व्यवस्था अर अनुशासन री देखभाल रो भार गणधरां रे जिम्मे रहियो। श्रमणी संघ रो भार आर्या चंद्रणा नै सूंप्यो गयो। वा छत्तीस हजार साध्वियां री प्रमुख ही।

महावीर रे धर्म शासन में जाति, पद, अधिकार या उमर सूं कोई साधु वडो नी मानीजतो। उण रे बड़प्पन रो कारण उण री साधना मानीजती। महावीर रे श्रमण संच मे राजा, राजकुमार, ब्राह्मण, बाणिया, सूद्र, चांडाल आदि सगळी जातियां रा लोग भेला हा। संघ में सबरै सागी समता रो व्यवहार हो। जात-पांत सूं कोई ऊँचो-नीचो नो मान्यो जावलो।

प्रभु महावीर रै शासनकाळ मे मुनिगण स्वेच्छा सूं नियम, धरम री पालणा करता हा । संघ -व्यवस्था में विनय, सरलता अर समानता ही । सै श्रमण गुरु री आज्ञा अर अनुशासन में चालता हा । साधना री हृषि सूं धरम संघ में तोन भांत रा श्रमण हा—

१. प्रत्येक बुद्ध :—अै श्रमण सर्हं सूं ई संघ री मरजादा सूं अळगा रैय'र धरम साधना करता हा ।

२. स्थविरकल्पी :—अै श्रमण संघ री मरजादा अर अनुशासन मे रैय'र साधना करता ।

३. जिनकल्पी :—अै श्रमण किणी खास साधना पद्धति नै अपणा'र संघ री मरजादा सूं अळगा रैय'र तपस्या आदि करता ।

प्रत्येक बुद्ध अर जिनकल्पी साधु स्वतंत्र रैवता । इणां नै किणी रै अनुशासन नी जहरत नीं ही । स्थविरकल्पी साधुवां खातर धरम संघ मे नीचे मुजव सात पदां री व्यवस्था ही :—

१. आचार्य—आचार विधि री सीख देण आळा ।

२. उपाध्याय—श्रुत-शास्त्र रो अभ्यास कराण आळा ।

३. स्थविर—वय, दीक्षा अर श्रुत-ज्ञान, में बत्ता जाणकार ।

४. प्रवर्तक—आज्ञा, अनुशासन री प्रवृत्ति कराण आळा ।

५. गणी—गण री व्यवस्था करण आळा ।

६. गणधर—गण रो पूरो भार संभाळणिया ।

७. गणावच्छेदक संघ री संगह-निश्चह व्यवस्था रा जाणकार ।

अै सगळा पदाधिकारी संघीय जीवण में शिक्षा, साधना, आचार-मरजादा, सेवा, धर्म प्रचार, विहार जिसी व्यवस्थावां नै

सम्भालता। अनुशासन रै नाम पर किणीरी भावनावां और स्वतंत्रता रो लोप वठै नीं हुवतो। मेवा करण आला या आज्ञा रो पाळण करणिया सावु यूं नीं सोचता कै म्हानै ओ काम जवरन करण पड़्यो है। सै श्रमण आत्मीय भाव सूं आपूआप सेवा करता और आज्ञा रो पाळण करता।

केवलीचर्या रो पैलो वरस .

वरम संब री घरपणा कर, महावीर राजगृह रै गुणसील चंत्य में आपणे साधु परवार नमेन आय ठहरिया। आर्या चन्दनवाला और न्यारह वडा-वडा विद्वान पंडितां रै श्रमण दीक्षा अंगीकार करणे रै समांचारा सूं लोगां में तहळको मच्यो और धर्म रै प्रति दाँरी आस्या जागी। महावीर रै पधारण री खबर सुण राजा श्रेणिक, आपणे राजपरिवार समेत प्रभु-दरसण करण नै आया। महावीर रा उपदेस सुण राजा श्रेणिक समकित लीवी और राजकुंवर अभयकुमार श्रावक धर्म अंगीकार करियो।

मेवकुंवर नै आत्मबोध :

श्रेणिक पुत्र मेवकुंवर पण भगवान् महावीर रै दरसण खात्तर आया। महावीर रो उपदेस सुण मेवकुंवर रो मन भोग सूं योग कांती मुड़यो। वां नै आपणे जीवन सफल वणावण री कळा प्रभु मूं मिलगी। मेवकुंवर भगवान महावीर रै चरणां में बदना कर'र बोल्या—भगवन्! म्हारी सोई आतमा जागगी है। अवै म्हूं पण दीक्षा लेय नै साधना रै ईं मारग पर आगे बढ़णे चाऊं। प्रभु! म्हनै दीक्षा देवो।

मेवकुंवर री भावना देख भगवान् बोल्या—देवानुप्रिय। जिए मारग पर चालण में धारी आतमा नै सुख मिलै, उण मारग पर बढ़णे मे जेज मत कर।

प्रभु महावीर री आज्ञा पाय मेघकुंवर माता-पिता कनै गंया
अर वांकै सामै आपणै मन री (श्रमण बणण री) इच्छा परगट
करी । पुत्र मेघ रा सबद सुण पिता श्रेणिक अर मां धारिणी री
आँख्यां भर आई । पण माता-पिता रो भोह मेघ नै साधना रै
मारग पर बढण सूँ रोक नौं सक्यो । मेघ कुंवर रै श्रमण बणण
रो अटल निश्चय जाण माता धारिणी आपणी आखरी इच्छा
परगट करतां बोली—बेटा ! म्हूँ थै राजसिहासण पर बैठ्यो
देखणो चाऊँ । थारै जिस्या लायक बेटा नै पाय म्हूँ राजमाता रो
गौरवशाली पद पावणो चाऊँ । तू म्हारी आ मनसा पूरण कर,
भलेह एक दन खातर ई तूं राजसिहासन पर बैठ ।

मां रा प्रेम भरिया करण सबद सुण मेघकुंवर एक दिन
खातर राजसिहासण पर बैठ'र लोगां नै सीख दी कै आ जिदगानी
भी एक दिन रो राज है । इण राज री सफळता भोग अर वैभव में
कोनी । ईं री सफळता योग अर साधना में ईंज है ।

दूजे दिन मेघकुंवर संसार रा सगळा ऐस आराम छोड़'र
महावीर रा चरणा में जाय दीक्षा लीवी । दीक्षा लियां पछै दिन तो
बीतग्यो पण रात पड़ियां, दीक्षा मांय सबसूँ छोटा हुवण रै कारण,
मेघकुंवर नै सैं मुनिया रै लारै दरवाजा रै कनै सोवण री ठीड़
मिली । सबारै लारली जगा में सोण सूँ मेघकुंवर नै नींद नी आई ।
अंधारा में ध्यान आदि खातर बाँरै आवता - जावता मुनियां रा
पग कदई वणां रै हाथां पै लागता तो कदई पगां पर ।
ईं कारण मेघ मुनि नै रोस आयग्यो । वी सोचण लाग्या-म्हूँ
राजकुंवर हो, महलां मे म्हारो कितरो आव-आदर हो । पण अठै
म्हारो ओ अपमान ? महलां में म्हूँ मखमळ रा गादी-तकिया
पर सूबतो हो, पण अठै कड़ी जमीन पर सूवणो पड़े । गादी-तकिया
तो ठीक पण बीछावणैई पूरो कोनी । म्हारै सोवण रा कमरा में
कितरी शान्ति ही अर अठै कितरी भोड़ । अठै तो म्हनै सबरी

ठोकरां खावणी पढरी है। सांचाईं साधु रो ज्ञ वन घणो कठोर है। म्हूं ती इसो जीवन नी जी सकूंला। काँई सारी रातां जागतोई रेवूंला? इण उधेडबुन में मेघकुंवर नै रात भर नींद नीं आई। वां निश्चय करियो कै परभात व्हैताईं म्हूं भगवान महावीर नै सैं बातां अरज कर पाछो गिरस्त बण जाऊंला।

परभात व्हैताईं मेघकुंवर महावीर कर्ने गया। अन्तरजामी महावीर मेघ री मन री पीड़ा समझया हा। वां फरमायो—मेघ! थोडा सा कष्टां सूं दुखी व्हैइनै आगै बढ़या चरण पाछा पळटणा काईं ठीक है? छणिक वेदनावां सूं दुखी होय तूं उजाले सूं अंधारा मे भटकणो चावै। तूं याद कर आपणै वीत्योड़े भव नै जद पसु जूंण (हाथी री जूंण) में तूं घणा कष्ट भोग्या हा। उण पसु जूंण में थोड़ी सहन शक्ति रै कारण ईंज थनै पाछो ओ मिनखजमारो मिल्यो है। दुरळभ मिनखजमारो पायनै तूं क्यूं कायर बणै है?

महावीर रो वाणी सुणंता—सुणंता मेघ नै जाति समरण ज्ञान व्हैग्यो। वीनै आपणै पूरव जनम री घटनावां एक-एक कर निजर आवा लागी। वीनै याद आयो—वो हाथी री जूंण में रूप अर बल रो घणी हो। ईं खातर वो पूरा हस्तिमण्डल रो नायक हो। एक बार अचाणक जंगल में लाय लागी। सैं पशु-पक्षी आपणी रक्षाखातर भाग'र वै एक मैदान में भेला हुया। ईं मुसीबतरी घड़ी में ना'र, हिरण, लोमड़ी अर खरणोस जिसा जिनावर आपसी बैर भाव भूलग्या हा। आखी मैदान जिनावरां सूं खचाखच भरस्यो। पग धरवा री जगां नीं हो। उण बगत वो हाथी खाज खुजाबा ताईं एक पग ढंचो करियो। इत्तरा में एक खरणोस उण रा पग हेटै रक्षा ताईं आ'र बैठग्यो। हाथी देख्यो कै म्हूं पग धर दुंला तो श्रो खरणोस भर जावेला। ईं कारण वी उठायोड़ो पग नीचे नी मेलियो अर तीन पगां पर दो दिन-रात ऊभो रथौ। तीजै दिन लाय सांत हुबण पर खरणोस वठा सूं दूजी ठौड़ चल्यो ग्यो। दजा जिनावर

भी आपणे-आपणे गेंते लाग्या । हाथी खरगोस नै गयो देख आपणो पग नीचे टिकायो । सरीर रो संतुलन नीं सभाळ सकणे रै कारण वो जमी माथै पड़ ग्यो अर मरग्यो । आपणो प्राण देर भी वीं हाथी खरगोस री रक्षा करी ।

पसु जूँणा में आपणी इसी कष्ट सहिंगृना अर दया भाव-ना नै यादकर'र मेघकुंवर रो हिरदौ नूँवै प्रकास अर नूँवी चेतना सूँ भरग्यो । वीं प्रभु रा चरणां में माथो टिकाय दियो अर कयौं-प्रभु । म्हनै माफ करो । अबै म्हूँ अंधारा सुँ ऊजाळा में आयग्यो । आपणी भूल अर अहम् पर म्हनै पछतावौ है ।

इण भात मेघकुंवर रै टूटतै मनोवळ नै थाम'र महावीर उणनै आतम कल्याण रै मारग पर बढणा री प्रेरणा दीवी ।

नंदीसेण री प्रतिज्ञा :

राजगृही में भगवान महावीर रै कनै जद मेघकुंवर श्रमण जीवन गंगीकार करियौ नो राजकुंवर नन्दीसेण रै मन में पण साधना रै मारग पर बढणा री इच्छा जागी । नन्दीसेण आपणी पिता महाराजा श्रेणिक रै सामै आ भावना परगट करी, तद श्रेणिक कयौं-मेघकुंवर रै देखादेख तूँ दीक्षा लेवणा रो विचार मत कर । पैंग महानां में रैयर मन नै साध । थारी प्रकृति भोग बिळास री है । तूँ पैली उणनै सांत कर, पछै दीक्षा ले ।

कुंवर नंदीसेण कयौं-म्हूँ तप अर ध्यान सूँ आपणी प्रकृति बदल लूँगा । इणीज विसवास रै सागै वीं भगवान महावीर कनै प्रव्रज्या ग्रहण करी । दीक्षा लैर नंदीसेण कठोर तपस्या करणी सरू करी । तप साधना रै दिव्य प्रभाव सूँ वांनै घणी चमत्कारी शक्तिवां (लिंग्यां) प्राप्त हुई ।

एकदा बेले रे पारणे रे दिन वी गोचरी खातर एक गणिका रे घरं गया । दरवाजे पर जावताईं मुनि बोल्या-घरम लाभ । मुनि रे घरम लाभ री खात सुण गणिका हँस पड़ी । अर बोली-मुनिवर ! अठं तो घरम लाभ नी अरय लाभ री चावना है । गणिका रो हँसणे मुनि नै खाने नाम्यो । वरणां वठई आपणी चमत्कारी शक्ति सूरतनां रो ढेर कर दियो अर कयो-ले ! ओ अरयलाभ ! सामै रतनां रो ढेर लाम्यो देव गणिका मुनि रे पाछ्य पडगी अर कैवण लागी-प्राणनाथ ! म्हैने छोड़ार कठै जाओ ? आप म्हारं सारी रैवो । शास्त्रे वियोग में म्हूं प्राण छोड़ दूळी । गणिका रे बार-बार कैवण सूरत नदीसेण वठड रहग्या । वठै रेवता थका नंदीसेण आ प्रतिज्ञा करोके नित हृमेस जठा ताईं म्हूं दस मिनखां नै घरम रो उपदेष नी देऊंला वठा ताईं भोजन ग्रहण नी करूंला, अर जीं दिन म्हूं दस मिनखां नै प्रतिबोध नी दे सकूंला ऊं दिन पाछ्य प्रभु रे चरणां में चल्यो जाऊंला ।

गणिका रे सारी रेवतां दस मिनखा नै नंदीसेण रोज उपदेस देवता अर वांनै दीक्षा खातर प्रभु रे चरणा में मोकळता, जद जा'र वी रसोई जीमता । एक दिन नै मिनखां नै उपदेस देय नै दीक्षा खातर तंयार कर दिया, पण दसवो मिनख उपदेस सुणा'र भी दीक्षा लैण खातर राजी नी हुयो । गणिका बार-बार नदीसेण नै रसोई आरोगवा खातर दुलाय री ही, पण आज वां को संकल्प पूरो नीं होर्यो हो । ईं खातर नदीसेण रमोई नी जीमर्या हा । जद दसवों आदमी कोई राजी नी हुयो तद दृढ़ संकल्पी नंदीसेण खुद उठ'र प्रभु रे चरणां में चल्याग्या अर कठोर तपस्या कर'र आतम सुद्धि करण लाग्या ।

इण भांत नंदीसेण नै पाछ्य आपणो चेलो वणाय महावीर सांची सहानुभूति अर वत्सल भाव रो परिचय दियो । महावीर रो कैवणो हो—घिणा पाप सूरणी चाइजै, पापी सूरणी नी ।

दूजो बरस :

ऋषभदत्त अर देवानन्दा नै प्रतिबोध :

गांव-गांव विचरण करता हुया भगवान महावीर ब्राह्मण कुण्ड ग्राम में पधार'र बहुसाल चैत्य में विराजिया । भगवान रै आवण री बात सगळी जगाँ फैलगी ही । पडित ऋषभदत्त देवानन्दा ब्राह्मणी रै सागै प्रभु रै दरसण खातर आया ।

भगवान नै देखताईं देवानन्दा रै मन में प्रेम उमड़ आयो । खुसी सूँ वींको मन हरखियो । कंठ गळगळो सो व्हैग्यो । हिवडो हेत सूँ भरग्यो । वात्सल्य भाव रै वेग सूँ बोबा सूँ दूध री धारा बेवण लागी । आ अनोखी घटना देख गणधर गौतम भगवान महावीर सूँ ई को कारण पूछियो । भगवान बोल्या—गौतम ! आ देवानन्दा ब्राह्मणी म्हारी माता है । त्रिशला क्षत्रियाणी रै गरभ सूँ जनम लेवण रै पैलां म्हँ बयासी रातां माता देवानन्दा रै गरभ में पूरी करी । भगवान री बात सुण सारी सभा चकित रैयगी । ऋषभदत्त अर देवानन्दा दोन्यूँ नै घणो अचभो हुयो । इसा भाग्यशाली पुत्र री माँ हुबण री बात सुण देवानन्दा हरखी अर पचै पुत्र रा बतायोड़ा मारग पर चालण रो सकल्प करियो अर दीक्षा लेय'र ऋषभदत्त गणधरां रै अर देवानन्दा चन्दनबाला रै नेश्राय में तप साधना करी ।

प्रियदर्शना अर जमालि री दीक्षा :

ब्राह्मणकुण्ड सूँ प्रभु क्षत्रियकुण्ड ग्राम (महावीर री जनम भूमि) पधारिया । प्रभु रै आवण री खबर सुण आखो गाम हरखियो । महावीर री पुत्री प्रियदर्शना अर जवाई जमालि पण भगवान रा दरसण नै आया अर वांकी इमरत वारणी सुणी । भगवान रो उपदेश सुणता ईं जमालि नै संसार सूँ वैराग्य हुयग्यो । माँ-बाप रो मोह, आठँईं राणियां रो प्यार, अर राजनिछ्मी रो लोभ

जमालि ने वैराग्य पथ पर बढ़ण सूं कोनो रोक सकया । वी पांच सौ माथिया रै सारी महावीर रै चरणों में प्रवृजित हुया । राणी प्रिय दर्शना (महावीर री वेटी) पण पति नै वैराग्य रै मारग पर बढ़ता देख संज्ञम लियो ।

महावीर रा उपदेस घणा प्रभावी हा । सुणातां पांण लोगां नै आपैइ ई संसार री नश्वरता रो ओध वै जावतो । भगवान मिनखा नै दीक्षा लेकण खातर वाद्य नी करता अर नी कीनै दीक्षा सूं स्वर्ग में जावणा रो लोभ देवता । वी तो सहज भाव सूं जीवन री सांची स्थिति री ओल्डाण करावता । वा की बात सुण लोग कैवा लागता-भगवन ! आपरी वाणी सांची है, आत्महित करण आली है । म्हां आपरै वक्तायोडा मारग पर चालण री इच्छा राखां ।

तीजो वरस :

जयन्ती रा सवाल :

वैसाळी सूं विहार कर भगवान कौसाम्बी पघारिया अर अठै चन्द्रावतरण "चैत्य में विराजमान हुया । भगवान रै पघारवा रा समीचार सुण वैसाळी गणराज चेटक री पुत्री मृगावती, उण रो पुत्र उदायन अर उदायन री भुआ जयन्ती महावीर रा उपदेस सुणण खातर आया । जयन्ती भगवान सूं घणाइ सवाल पूछिया, जियां—

१. जयन्ती पूछियो—भगवन् ! जीव हळको अर भारी कियां हुवै ? प्रभु कहचो—पाप करम करण सूं जीव भारी अर पापां री निवृत्ति सूं जीव हळको हुवै ।

२. जयन्ती पूछियो—भगवन् ! मोक्ष री योग्यता जीव में सुभाव सूं हुवै कै परिणाम सूं आवै ?

भगवान बोल्या—मोक्ष री योग्यता सुभाव सूं हुवै, परिणाम सूं तीं ।

३. जयन्ती पूछियो—भगवन् ! जीव सूतो आछो के जागतो ?

भगवान् बोल्या—कोई जीव सूतो आछो अर कोई जागतो । जो जीव अधरभी है, अधरम रो प्रचार करै, वींरो सूवणो आछो, जिसुं वीका पाप करम बत्ता नी वधै । पण जो जीव धरम रो आचार-विचार राखै, धरम रो प्रचार करै, वींको जागणो आछो । वीकं जागरो सूं खुद रो अर बीजां रो हित हुवै ।

इण भांत जयन्ती भगवान् सूं घणाई तात्विक सवाल पूछिया । वींका संतोष जनक उत्तर सुण जयन्ती नै विराग हुयग्यो अर वीं संजम ग्रहण करियो ।

कौसाम्बी सूं विहार कर'र भगवान् सावस्ती पधारिया । अठै सुमनोभद्र अर सुप्रतिष्ठ दीक्षा लीवी । अठा सूं विहार कर'र महावीर वाणिज गांव पधारिया । आनन्द गाथापति नै श्रावक धरम रो उपदेस दियो अर अठैइज चौमासो पूरो कियो ।

चौथो बरस :

सालिभद्र नै वैराग :

वाणिज ग्राम सूं विहार कर'र मगध कांनी होता हुया भगवान् राजगृही पधारिया । अठै गोभद्र नाम रो एक सेठ हो । उण री पल्ली रो नाम भद्रा हो । उणां रो पुत्र, सालिभद्र घणो रूपाळो अर सुकुमार हो । बत्तीस रूपाळी राणिया रै सागै उण रो व्याव हुयो । सालिभद्र रा मां-बाप कनै अपार धन संगति ही । इं कारण वो दिन-रात भोग-विलास अर ऐस आराम में ढूब्यो रैवतो ।

एकदा राजगृही में रतन कम्बल रा वैपारी रतन कम्बल बेचण खातर आयाहा । कम्बल घणा मंहगा हा । इण कारण राजा श्रेणिक पण कम्बल खरीदण सूं इनकारी करदी । कम्बल री बिकरी नीं हुवण सूं वैपारी दुखी हुया । सेठाणी भद्रा नै जद वैपारियां रै आवण री ठा

पड़ी तो वीं मूँड़ मांगयो धन दैयर उणा सूँ सगळा रतन कम्बल
खरीद लिया । कम्बल कुल मिला'र सोला हा । इं खातर एक-एक
कम्बल रा दो-दो टुकड़ा कर'र भद्रा आपणी वहुग्रां नै पग पूँछवा
खातर दे दिया ।

राजा श्रेणिक नै जद आठा पड़ी कै सगळा रतन कम्बल सेठाणी
भद्रा खरीद लिया अर उणां रा टुकड़ा कर'र वहुग्रां नै पग पूँछवा
खातर दे दिया तो वांनी घणो अचरज हुयो । उणा रै मन में जिजासा
हुई कै इसी मुकुमार राणियां रो पति फितरो कोमल वैला । इसा
सेठ-पुत्र सूँ जळहर मिलणो चाइजै । आ मोच'र राजा श्रेणिक भद्रा
नै सदेसो मोकल्यो कै-म्हूँ सालिभद्र सूँ मिलणो चाऊँ ।

भद्रा राजा रो संदेसो सुणा राजी हुई । वीं राजा नै सपरिवार
आपणे महलां तेड़िया । राजा सपरिवार उठे पधारिया । सेठाणी
भद्रा राजा रो खूब स्वागत-सत्कार करियो । सेठाणी रै महल री
सुन्दरता अर साही ठाठ-वाठ देख राजा दंग रैयग्यो ।

सालिभद्र कदैई महलां सूँ नीचै नीं उत्तर्यो हो । आज राजा
उण रै महलां पधारिया हा । इंण खातर भद्रा वीनै राजा सूँ मिलण
खातर नीचै बुलायो । माता री वात सुण एक'र तो सालिभद्र नीचै
आवण सूँ ना कर दियो । पण भद्रा सालिभद्र नै समझावता कयो-
आज आपणां स्वामी, आपणां नाथ पधारिया है । वीं थांरे सूँ
मिलणो चावै है । तुँ नीचै चाल'र उणा रा दरसण कर ।

‘आपणा स्वामी ! ’ ‘आपणा नाथ ! ’ इसा सबद सालिभद्र
पैनी वार सुणिया हा । वो सोचवा लाग्यो-म्हूँ इत री धन-सम्पदा
रो मालिक हूँ । म्हणी आज तांई किणी चीज रै अभाव रो अनुभव
नी हुयो । केलं म्हारै ऊपर कोई दूजो स्वामी है, नाथ है अर म्हूँ
उण रै अधीन हूँ । इं पराधीनता री गैह रो ठेस सालिभद्र रै
काळज्ञा में लागी ।

सालिभद्र राजा श्रेणिक सूं मिलण खातर नीचे आयो । राजपरिवार सनेत राजा श्रेणिक सालिभद्र रै रूप अर वैभव ने देख राजी हुआ । पण सालिभद्र पर इण मुलाकात रो काँई असर नीं पड़ियो । वी ब्रह्मै इसो जोवन जोवरणा चावता हा जठे सांची स्वतं-क्रता मिलै अर किणी री अवीनता नीं हुंवै ।

आतम कल्याण रै नारग पर बढ़ण री वाँरै मन में भावना जागी । वाँ नै विषय सुखां सूं विरक्ति हुवण लागी । वी नित हमेस एक-एक राणी अर सुख-सेजां रो त्याग करणा लागा ।

सालिभद्र नै त्याग मारग पर चालतां देख उणांरी छोटी वहन सुभद्रा नै घणो ढुख हुयो । सुभद्रा उणीज गाँव रै धन्ना सेठ री पत्नी ही । एक दिन सुभद्रा नै उदास देख धन्ना सेठ उण नै उदासी रो कारण पूछियो । सुभद्रा बोली-म्हारो भाई सालिभद्र नित हमेस एक-एक पत्नी अर सुख-सामग्री रो त्याग कर भोग सूं योग काँनी बढ़ र्यो है । आ बात कैवतां-कैवतां सुभद्रा रै आँख्या मांय आंसू आयरया ।

सुभद्रा री आँख्यां मांय आसूं देख धन्ना सेठ व्यंग्य सूं बोलिया-थारो भाई कायर है । एक-एक स्त्री रो बारी-बारी सूं त्याग करण आळो कदै साधुपणो नी लैय तकै । इसा कमजोर मनोवळ रो पुरुष दैराग रै मारणा पर नीं चाल सकै ।

धन्ना सेठ रा अै सबद सुण सुभद्रा पण व्यंग्य सूं बोली-नाथ ! कैवणो सरळ है, करणो मुस्किल है । आप सूं तो एक भी पत्नी नीं छूट ?

सुभद्रा रा मजाक में कयोड़ा अै सबद धन्ना रै हिरदय में गेहरो असर करया । वीं बोलिया-लो, आज सूं मूँ सगळी पत्नियां अर धन सम्पत्ति रो त्याग करूँ अर आतम कल्याण खातर संजम मारग पर बढण रो निश्चय करूँ ।

धन्ना री विरवित रा भाव जाण परिवार रा से जणा वांने
भोग कांनी मुङ्डवा खातर घणा समझाया पर धन्ना जी किण री वात
नी मानी । अबै वांरो मनोवळ घणो मजबूत हो । वी आपणे निरंय
पर सेठा हा ।

सालिभद्र (साला) अर धन्ना (वहनोई) दोन्हूं धर सूं
निकळ'र महावीर कनै आया अर श्रमण धरम री दीक्षा अंगीकार
करी । दोन्हूं श्रमण तपस्या करता हुया वैभारगिरि पर अनशन व्रत
धारण कर काळ धरम पायो ।

पांचमो वरसः:

राजगृह रो चौमासी पूरो कर'र महावीर चम्पा पधारिया ।
अठै पूर्णभद्र जक्षायतन मे विराजिया । प्रभुरे आवण रा समाचार
कुण अठारा महाराजा दत्त सपरिवार दरसण खातर आया । प्रभु री
वाणी सुण राजकुंवर महाचन्द्र श्रावक धर्म अंगीकार करियो अर
योडे समै पाढ्ये राजसी ठाठ नै छोडे'र श्रमण धर्म अंगीकार करियो ।

उदायन रो क्षमाभाव :

राजगृह रो चौमासो पूरो कर महावीर चम्पा सूं होता हुया
वीतभय नगर पधारिया । अठै महाप्रतापी राजा उदायन राज करतो
हो । उदायन तापस परम्परा नै मानवा आळो हो पण उण्गी पत्ती
राणी प्रभावती (वैसाळी गणराज चेटक री पुत्री) निग्रन्थ धरम नै
मानवा आळी ही । उणरी प्रेरणा सूं राजा उदायन भी निग्रन्थ
धरम नै मानवा लागो । निग्रन्थ धरम रै दया, समता, क्षमा जिसा
आदर्सी सूं प्रभावित हुयर उदायन पण आपणी जीवन में उण
आदर्सी नै उत्तारण रो संकल्प करियो ।

उदायन रै क्षमा भाव रो एक अनूठो उदाहरण मिलै । वी
अवन्ती रै चण्डप्रद्योत जिसा पराक्रमी राजा नै पराजित कर बंदो

बरणायो । इंसू उदायन री चाहूँमेर धाक जमगी । उदायन बाहुबल में इज वीर नीं हो वो आतमबल अर क्षमा भाव में परण घणो पराक्रमी हो । जद पजूसण परब आयो । वी जेल में जाय बंदी चण्डप्रद्योत सूं आपणे अपराधां री क्षमा मांगी । उदायन नै यूं क्षमायाचना करतां देख चण्डप्रद्योत कहयो-म्हूं तो आपरो कैदी हूं, अपराधी हूं, पराधीन हूं । आ किसी क्षमा ? किणी नै गुलाम अर पराधीन बणार उणासूं क्षमा मांगणी क्षमा नीं, क्षमा भाव रो अपमान है । चण्डप्रद्योत रा अै सबद उदायन नै चुभग्या । बीरै हिरदै पर अणारो तेज असर हुयो । वी सोचण लाग्या-सांवैई म्हूं चण्ड सूं प्रसली क्षमा नीं मांग, क्षमा रो नाटक कर र्यो हूं । म्हूं विजयी हुयर आज अपराधी हूं उणनै बंदी बणार उणसूं भाफी मांगणी सांचो क्षमा धरम कोनी । यूं सोच'र उदायन चण्डप्रद्योत नै कारागार सूं मुक्त कर दियो ।

उदायन री इण दया अर क्षमा भाव सूं चण्डप्रद्योत घणो राजी हुयो ! इण घटना सूं उदायन रै क्षमा भाव अर आध्यात्मिक भावनावां री चरचां सगळी जगां हुवण लागी । भगवान महावीर परण उण री आ बात जाणी ।

एकदा राजा उदायन पौष्ठशाला में बैठो-बैठो विचार कर र्यो हो कै वी गांव अर नगर धन्य है जडै प्रभु महावीर रा चरण पडै अर वी लोग धन्य है जै उणारा दरसण कर बांकी अमरत वाणी सुणै । वो सोचर्यो हो कदाच भगवान महावीर वीतभय नगर पधारै तो म्हूं परण उणा रा दरसण कर आपणो मिनख जमारो सफल बरणाऊँ ।

भगतां रै हिरदा री बात भगवान जाणै । महावीर उदायन रै मन री भावना जाण आपणे शिष्य समुदाय सागै वीतभय नगर पधारिया । चम्पा सूं वीतभय नगर घणो अलगो हो । मारग में

रेगिस्तान पड़ती हो । गरमी रा दिन हा । कोमां दूर ताईं वसती नीं ही । भूख अर तिम मूं साघुप्रां नै घणी परेसानी हुई । पण से तकलीफां उठा'र भी महावीर वीतभय नगरी पवारिया । उदायन प्रभु रा दरसण करिया । उणांरी श्रमरतवाणी सुणी । अबै वीनै राजकाज सूं मोह नी र्यो । वी राजपाट त्याग'र मुनि वणण रो संकल्प लियो । वीरे अभीचि कुमार नाम रो पुत्र हो पण वीं राज रो भार उणनै नी मूंप्यो । वी मन में सोचियौं कं जिण राज नै वंधन समझ'र मूं उणरो त्याग कर र्यो हूं उण राज रै वंधन में मूं आपणे पुत्र नै क्यूं फंसाऊं ? आ सौच वी राज रो वारिस भारेंज केसी कुमार नै वणायो अर खुद महावीर कनै दीक्षा अंगी-कार करी ।

मुनि उदायन दीक्षा ले'र कठोर तपस्या करण लागा । विच-रण करता हुया एकदा वी वीतभय नगर पधारिया । केसीकुमार रो मंत्री खोटा मुभाव रो हो । मुनि नै नगरी में आया जाणा वी राजा रा कान भरिया-महाराज ! उदायन पाछा गृहस्थी वणर्या है । उणां री राज करण री मनसा है । वी आपनै दियोडो राज पाछो खोसणो चावे । ईं कारण मुनि वेस में ईंज उणा रो काम तमाम कर देणो चाइजे । नी रेवेला वांस अर नीं वाजेली वांसुरी । राजा केसी मंत्री रै वहकावा में आयग्यो । एक दिन वां भिक्षा में मुनि उदायन नै जहर दे दियो । भोजन मे जहर री ठा पड़ियां पाण भी वां नै नी तो राजा पर किरोब आयो अर नीं ईर्झा हुई । वां समता भाव रै सागे समांघि मरण अंगीकार करियो ।

छट्ठो बरस :

चुलनीपिता अर सुरादेव :

वाणिज गांव सूं विहार कर महावीर वाराणसी कांती पधारिया । अठै कोष्टक चंत्य में विराजिया । चुलनीपिता अर सुरादेव वाराणसी रा नामी गृहस्थ हा । इणांरेकनै २४-२४ करोड़

सोनैया री सम्पत्ति अर गायाँ रा आठ-ग्राठ गोकुल हा । महावीर नै नगरी में आया जाण दोन्हुं सपरिवार दरसण खातर गया । अडै प्रभु री घरम देसना सुण चुलनोपिता अर सुगदेव आपणी सम्पत्तिरी निश्चित मर्यादा करै अवक धर्म रा बांरह व्रत अहण करिया । अरजुनमाली रो प्रसंग :

दाराणसी सूं आलंभिया नगरी होता हुया महावीर राजगृही पघारिया । अठै अरजुन नाम रो एक माली हो । नगर सूं वारै उणरो एक बहुत बड़ो रूपालो बाग हो । उणीज बाग में उणरै कुछ देवता मुद्गरपाणि जअ रो पुराणो मिन्दर हो ।

रोज री भांत एक दा परभातै अरजुन आपणी पत्ती वंधुमत्ती रै सागै फूल तोड़ण खातर बाग में आयो । उणरै सागै नगरी रा छह वदमास पण बाग में घुस आया । वन्धुमत्ती रै रूप नै देख वी उण पर मोहित हुयग्या । वां लोगां अरजुन नै रस्सी सूं एक पेड़ रै वांध दियो अर उणरी पत्ती रै सागै वेजां वरताव करियो । दुष्ट लोगां रै इण अत्याचार नै देख अरजुन नै घणो किरोध आयो पण वो रस्सी सूं वंध्यो हुवण रै कारण लाचार हो । क्रोधावेस में आय वीं आपणै कुलदेवता मुद्गर पाणि जक्ष नै कोसरणो सह कर्यो । वो कैवा लागो-म्हूं थाणी बाळपणा सूं उपान्नना करतो आयो हूं । आज म्हूं मुसी-वत में पड़यो पण थां म्हारो काँई नदद नीं करो । म्हारो ओ अप-मान थां भाटा री मूरत दाईं ऊभा-ऊभा देखर्याहो । म्हनै लागी धांणा में अबै काँई सत नीं र्यो । अरजुन री आ क्रोध भरी पुकार सुण जक्ष अरजुन रै सरीर मैं बड़ग्यो । वीमें घणी ताक्त आयगी । वीं वंध्योड़ी रस्सी तोड़ नाली घर मुद्गर हाथ में लै'र विसयवासना में आंधा हुयोड़ा वदमासां अर आपणी पत्ती वंधुमत्ती री खूब पिटाई करी । जिण सूं उणांरो प्राणांत हुयच्यो । पर फेलं अरजुन रो किरोध सांत नीं हुयो । उणनै मिनखजात सूं इज नफरत हुयगी । वो जै मिनखां नै आपणी कांती

आवतां देखतो उणां पर भूखा ना'र जियां टूट पडतो । अरजुनमाली
रै डण आतंक सूं लोग उठी कर आणो-जाणो छोड़ दियो । राज री
तरफ सूं अरजुन री कांनी आणे-जाणे पर प्रतिबंध लागऱ्यो ।

इणीज समय भगवान महावीर राजगृह पधारिया । हजारां
लोग महावीर रा दरसण करणा चावता हा । पण अरजुन माली
रै डर सूं किणी मे उण ठोड़ जावण री हिम्मत नो ही । आखर
एक सरयावान श्रवक सुदरसण हडता रै सागी प्रभु दरसण खातर
आगे कदम बढ़ायो । वो नगर सूं वा'रै आयो । चाहं कांनी सत्राटो
हो । एक अकेलै मिनख नै सामै आवतां देख अरजुन माली आग
बवूलो हुयग्यो । उणनै मारण खातर वो मुद्गर लैय उण ओर
झटियो । सुदरसण वोरी आ हरकत देख किचित भी नी डर्यो ।
वो प्रभु रो सुमरण कर व्यान मे सांत भाव सूं खडो हुयग्यो । पण
श्रो काई ? अरजुन रो उठ्यो मुद्गर उठ्योई रेयग्यो । वी सुदरसण
नै मारण री घणी कोसिस करी, पण मुद्गर हिल्योई कोनी ।

सुदरसण री हिम्मत अर धरम री मजबूती रै सामै अरजुन
रो किरोव सांत हुयग्यो । वो उण रै चरणां में पड़ग्यो अर आपणे
कूर करमां रो प्रायशिच्त करण लागो ।

अरजुन नै यूं पस्चाताप करतां देख सुदरसण वोलिया—
अरजुन तूं घवरा भत । तूं साचैइ मिनख है, दानव कोनी । किणी
कारण सूंथारै सरीर मांय राक्षसी प्रवृत्तियां हावी हुयगी है । अबै
थारा मिनखपणो पाळो जागऱ्यो है । तूं म्हारै सागी चाल'र
क्षमानिधि प्रभु महावीर रा दरसण कर । अरजुन सुदरसण रै सागी
महावीर कनै आयो । प्रभु रा उपदेस सुण वींनी आंख्यां सूं पश्चा-
ताप अर करुणा रा असूं वेवण लाग्या । वी भगवान रै सामै
सगळा पाप करमां रो प्रायशिच्त कर मुनि धरम अंगीकार करियो ।

सातमो बरस :

श्रेणिक री जिज्ञासा :

भगवान् महावीर राजगृही में विराजर्या हा । एकदा श्रेणिक महावीर रै कनै बैठा हा । वीं समय एक देव कोढ़ी रो सरूप बणार आयो अर भगवान् सूं बोल्यो-बेगा मरजो, पछ्चे कोढ़ी राजा श्रेणिक कांनी मूँडो कर बोल्यो-जीवता रैवो अर अभयकुमार आड़ी देख'र बोल्यो-चावै जीवो, चावै मरो । आखिर में कालसौकरिक सूं बोल्यो-न मर, अर नीं जी ।

कोढ़ी रा इसा अंटसंट सबद सुए श्रेणिक नै रोस आयग्यो । राजा नै रोस में भरियो देख वी को सेवक कोढ़ी नै मारबा खातर दौड़ियो पण कोढ़ी तो बठा सूं ओझल हुयग्यो ।

दूजे दिन श्रेणिक वीं कोढ़ी रा कयोड़ा सबदां रो अरथ भगवान् महावीर सूं पूछ्यो । प्रभु बोल्या-राजन् ! वो कोढ़ी नीं वो तो देवता हो । म्हनै मरण खातर कयो ईं को मतलब है कै म्हूं बेगो मोक्ष जासूं । म्हूं अठै देह-बन्धन में हूं । आगै म्हारी मुगति है । शाश्वत सुख है । थारै जीवा खातर कयो-ईं रो मतलब है-थांरो आगलो भव नरक रो है । इण भव में जठा ताईं थां जीवोला बठां ताईं थांनै सुख है । नरक में थांनै दुख भोगणो पडेला । अभयकुमार आपणे धर्माचरण अर व्रत-नियमां री आराधना सूं अठै भी आछो सुखी जीवन जी र्यो है अर इनै आगै भी सुख है । ओ देव गति रो अधिकारी बणेला । कालसौकरिक रा दोन्यूं भव दुखमय है । इण रो नी जीणो आछो है अर नीं मरणो ।

आ सुए श्रेणिक पूछियो-भगवन् ! म्हूं किण उपाय सूं नरक रा दुखां सूं बच सकूं ? भगवान् बोल्या-जद कालसौकरिक सूं जीव-हत्या करणो छुड़वाय दे या कपिळा ब्राह्मणी सूं दान दिलाय

दे या पूणिया श्रावक री एक सामायिक भोल ले सके, तो थांनी नरक गति सूँ छुटकारो हुयं सकै ।

राजा श्रेणिक घणी कौसिसां करी पण नीं तो । कालसोक-रिक कसाई हत्या करणी बंद करी, नी कपिला ब्राह्मणी दान दियो अर नी श्रेणिक पूणिया श्रावक री सामायिक खरीद सक्या । पण इण घटना सूँ श्रेणिक नै सांसारिक सुखां सूँ विरक्ति हुयगी । वी ससार रो त्याग तो नीं कर सक्या पण वां लोगां नै त्याग मारग पर बढण री प्रेरणा देवणा खातर आ घोसणा कराई कै जो कोई श्रमण धर्म अंगीकार करेला म्हूँ वीं नै राज री तरफ सूँ सव भांत री मदद देऊळा । ईं घोषणा सूँ प्रभावित हुय'र घणा ईं लोग दोक्षा लीबी ।

आठमो बरस :

चण्डप्रद्योत नै प्रतिबोध :

राजगृही सूँ आलभिया नगरी होता हुया भगवान कौसाम्बी पघारिया । अठै महावीर युद्ध करण खातर आयोडा अवन्ती राजा चण्डप्रद्योत नै प्रतिबोध दैय'र मृगावती नै शील-संकट सूँ मुक्त करी ।

चण्डप्रद्योत मृगावती रै रूप अर गुणां पर मुरध हुय'र वींनै आपणी पटराणी वणावजो चावतो हो । इण भावना सूँ वी आ'र कोसाम्बी रै चाहं कांनी घैरो डाल दियो । उण समय कौसाम्बी पर लगोलग विपत्तियां आय री ही । एक कांनी दुसमन धावो बोलर्या हा । दूजी कांनी राजा सतानीक परलोकवासी हुयग्या हा । राज-कुंवर उदायन बाळक हो । राज रो सैं काम राणी मृगावती नै देखणो पडतो । इण मुसीबत में शील धरम पर आंच आवती जाण राणी हिम्मत नीं हारी । वा क्षत्रियाणी ही । वी में घणो साहस हो । वा आपणा प्राण दैय नै भी धरम अर शील री रक्षा करणी जाणती ही ।

संकट री घड़ी में वी चतुराई सूँ काम लियो । दूत लारै चंडप्रद्योत नै वी संदेसो मोकल्यो कै ग्राप जिण उद्देश्य सूँ अठै पधारिया हो, उण रै अनुकूल समय कोनी । राजा रै देवलोक सूँ सगळो राजपरिवार इण वगत दुखी है । आप अनुकूल समय देख'र पाढ़ा आवो । राणो आपरी बात मान लैला ।

ओ संदेसो सुण चंडप्रद्योत सोच्यो-राणी कठै जाण आळी तो है नीं । राजा री मृत्यु रो सोग खतम हुवण पर वा न्हारी बात मान लै ला । आ सोच चरप्रद्योत बिगर युद्ध करियां अवंती जावण री त्यारिया करण लागो ।

इणीज समय भगवान महावीर धरम दसना देता हुया कौसाम्बी पधारिया । मृगावती नै प्रभु रै आवण री ठा पड़ी तो वा उणां रा दरसण करण आईं । चंडप्रद्योत पण भगवान रै समवसरण में देसना सुणवा आयो । प्रभु देसना दैय र्या हा—मिनख रो जीवन बेवती नदी रै जळ री दाईं अस्थिर अर चंचळ है । धन, दौलत, जोवन, सक्ति सब छणिक है । काम-भोग री इच्छावां अनन्त है । उणां सूँ कदै तरपति नी हुवै । काम वासना रै दळदळ में फंसियोड़ा जीवां री हमेस दुरगति हुवं । आपणी इच्छावां पर अंकुस राखण आळो मिनख इज सांसारिक दुखाँ सूँ मुक्त हुय सकै ।

प्रभु रै उपदेसां सूँ प्रभावित हुय'र राणी मृगावती बोली— म्हारै दीक्षा लेवण रा भाव है । पण दीक्षा लेवण सूँ पैला म्है अठै आयोडा राजा चंडप्रद्योत सूँ आपण अपराध खातर माफी मांगू हूँ । क्यूँ कै शील धरम री रक्षा खातर इणा सूँ छळ कपट रो विवहार करियो अर चालाकी सूँ काम लियो ।

मृगावती री आ बात सुण चंडप्रद्योत लाजां मरग्यो । वीं रो हिरदय बदलग्यो । वो कैण लाग्यो-बैन ! म्हनै माफ करवे । थै

महनै भुलावै में राख'र म्हारो मारग दरमा करियो । महनै पथ भ्रष्ट हुवण सूं बचायो । थारो ओ उपकार मूँ कदई नी भूलूँला । चण्ड-प्रद्योत नै सुमारग पर आयोडो देख मृगावती घणी राजी हुई । वीं कह्यो—आप म्हारा घरमभाई हो । महनै दीक्षा लेवण री आज्ञा दे ओ । उदायन री रक्षा रो सै जिम्मो आप पर है । चण्डप्रद्योत उदायन रो राजतिळक कियो अर मृगावती दीक्षा ले'र आतम कल्याण रै मारग पर आगै बढ़ी ।

नवमो बरस :

भगवान महावीर मिथिला होता हुया काकंदी आया अर सहस्राम्र उद्यान में विराजमान हुया । भगवान रै आवण रा समीचार सुणा राजा जितसत्रु दरसण खातर आया । प्रभु रा उपदेस सुण वीं घणा प्रवावित हुया । वां नगरी में डिडोरो पिटवाय दियो कै जनम-मरण रा बन्धन काटवा खातर जो भी कोई राजी-राजी संजम लेगो चावै, वो लेवै । वीं रै परिवार री देखभाल मूँ खुद कलूँला । भद्रा सार्थवाहिनी रै पुत्र धन्यकुमार री दीक्षा महाराज जितसत्रु घणा ठाट-बाट सूं करदाई । मुनि धन्यकुमार कठोर तपस्या कर'र अनसनपूर्वक सरीर रो त्याग करियो ।

- काकंदी सूं विहार कर भगवान कम्पिलपुर पधारिया । अठै कुँडकौलिक श्रावक व्रत अंगीकार करिया । पछे महावीर पोलास-पुर पधारिया । अठै कुम्हार सदालपुत्र श्रावक रा बारा व्रत अङ्गी-कार करिया । पोलासपुर सूं प्रभु वाणिजगांव होता हुया वैसाली पधारिया अर चौमासो अठई पूरो करियो ।

दसमो बरस :

महावीर राजगृह रै गुणसील बाग में विराजमान हा । अठै प्रभु रा उपदेस सुण महासतक गाथापति श्रावक धरम अङ्गीकार

करियो । एक दिन रोहक मुनि रे मन में कई संकावां उठी । वी भगवान रे कनै आया अर पूछियो—प्रभु ! लोक अर अलोक मांय सूं पैली कुण अर पाछै कुण है ?

भगवान कहो—लोक अर अलोक दोन्युं शाश्वत है, ईं कारण पैली अर पाछै रो फरक कोनी ।

रोहक मुनि दूजो सवाल पूछियो—भंते ! जीव पैलां हुयो कै अजीव ? भगवान फरमांयो—लोक अर अलोक री भांत जीव अर अजीव पण शाश्वत है । इण कारण अणां में आगे-पाछै रो काई भेद कोनी । इणीज भांत रोहक मुनि महावीर सूं कई सवाल पूछ्या अर वां रो समाधान पायो ।

र्यारसो बरस :

राजगृह सूं विहार कर'र भगवान क्यंगळा नगरी पधारिया । अठै छत्रपळास उद्यान में विराजिया । क्यंगळा रे नैडे श्रावस्ती नगर में स्कदक नाम रो एक परिव्राजक रैवतो हो । वो विविध सास्त्रां रो जाणकार हो । एकदा पिंगल नियंथ स्कदक सूं लोक री स्थिति रे वारै में सवाल पूछिया । स्कदक ऊणां सवालां रो जवाब नी दे सकयो । स्कन्दक नै ठा पड़ी कै भगवान महावीर छत्रपळास उद्यान में रुक्योड़ा है । वी इणां सवालां रो जवाब देय सकै । स्कन्दक भगवान रे कनै आयो अर वंदन नमस्कार कर'र आपणी जिज्ञासा परगट करी । स्कन्दक रा सवाल सुण भगवान फरमायो स्कन्दक ! लोक-चार भांत रा है—द्रव्यलोक, क्षेत्र लोक, काळलोक अर भावलोक । द्रव्य री अपेक्षा सूं लोक सांत हैं, क्षेत्र री अपेक्षा सूं असत्य कोड़ा-कोड़ि योजन विस्तार आळो है, काळ सूं लोक री नीं कदं सरुग्रात हुवै अर नीं समाप्ति, अर भाव री अपेक्षा सूं लोक अनन्त-अनन्त पर्यायां रो भंडार है । इण भांत लोक सांत पण है अर वर्णादि पर्यायां रो भन्त नीं हुवण सूं, अनन्त पण है ।

स्कन्दक फेरं दूजो प्रश्न पूछियो—भते ! किसा मरण सूं जनम-मरण रा वन्धण टूटै अर किसा सूं वधै ?

भगवान उत्तर दियो—मरण दो भाँत रा हुवै—बाळ मरण अर पंडित मरण । बाळ मरण सूं संसार वधै अर पंडित मरण सूं संसार घटै । कोध, लोभ, मोह आदि भावां सूं अज्ञान पूर्वक असमाधि सूं मरणो बालमरण है अर सांत भाव सूं समाधिपूर्वक मरणो पडित मरण है ।

बारमो बरस :

वाणिज गांव सूं विहार कर'र प्रभु ब्राह्मणकुण्ड आया अर वहुसाळ चेत्य मे विराजिया । अठै अणगार जमालि महावीर सूं अलग विचरवा री अज्ञा मांगी । पण महावीर की नीं बोलिया । महावीर नै मौन देख वो पांच सौ साधुवां साँगे स्वतन्त्र विहार करण खातर निकल्ग्यो ।

ठाठा सूं गांवा-गांवा विचरण करता हुया, लोगा री संकावां रो समाधान करता हुया प्रभु चौमासो राजगृही में पूरो करियो ।
तेरमो बरस :

राजगृह सूं विहार कर'र महावीर चम्पापुर पधारिया अर पूर्णभद्र उद्यान मे विराजिया । चम्पा रो राजा कौणिक भगवान रै आवण री वात सुण बड़ी सज-धज रै साँगै वन्दण करण नै आयौ । भगवान महावीर री देसना सुण कई लोग मुनि धरम अर शावक वरत अङ्गीकार करिया ।

चवदमो बरस :

चम्पा सूं भगवान विदेह कांनी विहार करियो । काकन्दी नगरी मे गाथापति खेमक अर धृतिधर प्रभु रै कनै दीक्षा अङ्गीकार करी । मिथिला मे चौमासो पूरो कर विहार करतां भगवान पाञ्चा

चम्पानगरी पधारिया अरु अठै पूर्णभद्र नाम रै चैत्य में बिराजिया । इण समय वैसाली में युद्ध चालर्यो हो । इण में एक कांनी अठारह गणराज हा अर बीजी कांनी कौशिक अर उणारा दस भाई आपणे दलबल सागै जूँ भ रेया हा । प्रभु रै श्रावण रा समीचार सुण राज-राणियां प्रभु रा दरसण करण नै आई । महावीर रा उपदेस सुण राणियां वां सूँ पूछियो—भगवन् ! युद्ध में गयोडा म्हांका पुत्र राजी-खुसी कद घर आवैला ? उत्तर में दसूँ ईं पुत्रा रै युद्ध में मरण री वात सुण राणियां नै घणो दुख हुयो । वी सोचण लागी—ईं संसार में सबरो मरणो निश्चित है । वां रो जीवन धन्य है जै आपणे मिनख जमारा नै सार्थक करै । ईं बोध रै सागै विरक्त हो'र दसूँ राणियां आर्या चन्दना रै कनै दीक्षा अङ्गीकार करी ।

पन्द्रहमो बरस :

गोसालक रो उत्पात अर पश्चाताप :

मिथिला सूँ वैसाळी कांनी होय भगवान महावीर श्रावस्ती नगरी पधारिया । अठै राजा कोशिक रा भाई हल्ल, वैहल्ल (ज्यारै खातर वैसाळी में युद्ध होर्यो हो) भगवान रै दरसण खातर आया अर प्रभु रै उपदेस सूँ प्रभावित हुयर मुनिधर्म अंगीकार करियो ।

मंखलिपुल गोसालक पण वां दिनां श्रावस्ती रै ऐडै नैडै घूमर्यो हो । हलाहल कुम्हारिण अर अयपुल गाथापति गोसालक रा घणा पवका भगत हा । गोसालक तेजोलघ्वि अर निमित्तज्ञान जिसी सक्तियां पाय'र घमंड में आययो । वीं श्रावस्ती री जनता माथै आपणे सिकको जमाय राख्यो हो । बो सबानै कैवतो कै म्हूंतो आजीवक मत रो आचार्य हूँ, तीर्थङ्गर हूँ । भगवान महावीर रै श्रावस्ती श्रावण रा समीचार जाण वो लोगां नै कैवा लागो—आजकाल श्रावस्ती नगरी में दो तीर्थंकर विचरण करै है ।—एक महावीर अर दूजो म्है ।

गणधर इन्द्रभूति गीतम् भिक्षा खातर जावता थकां लोगां
रै मूँडा सूँ दो तीर्थङ्करां री बात सुणी तो वां आयनै प्रभु सूँ अरज
कर पूछियो—भगवन् ! आजकाल श्रावस्ती में दो तीर्थङ्करां रै
होवण री चरचा चाल री है । कांई गोसाळक सर्वज्ञ अर तीर्थ-
ङ्कर है ?

भगवान बोल्या—गीतम् ! गोसाळक तीर्थङ्कर कहलाबा
लायक कोनी । वीरो हिन्दो राग-द्वेष अर अज्ञान, अहंकार सूँ
भर्त्योडो है । ग्राज सूँ चौबीस वरस पैलां ओ म्हारो शिष्य बणियो
हो । पण उद्दण्ड अर स्वच्छन्द सुभाव रै कारण जगां-जगां ईं रो
अपमान हुयो । एकर तो तापस वेस्यायन री तेज सक्ति सूँ बल्ता-
बल्ता म्हैं ईं नै बचायो अर इणतै तप अर साधना रै बल सूँ
तेजोलविध पावण री विवि बताई । थोड़ी सी सक्ति अर लविध पाय
ओ खुद नै तीर्थङ्कर केवण लागयो है ।

गोसाळक रै कानां में जद प्रभु रा कह्योडा औं सबद पहुँच्यातो
वीनै गुस्सो आययो । वो बा'रे निकल्हर आयो । वी श्रमण ग्रानन्द तै
भिक्षा खानर आवता देखिया । देखतांई वी जोर सूँ हाको पाड़ियो-
प्रानन्द ! जरा ठहर । तू ग्रापणी धर्मचार्य महावीर नै जाय कैय
दीजं कै वी म्हारै वारे में कोई बात नीं करे, चुप रैवै । म्हारै सूँ
बोलणो या म्हारै वारे में कांई बात करणी सूता सांप नै छेड़णो
है । म्हैं देखरेयो हूँ कं म्हारो आव-आदर देख वी म्हारै सूँ ईर्ष्या
करे है । म्हूँ अवार आय थां सवांरी बुद्धि ठिकाणी लगाय दूँला ।
इतरो कंवता-कंवता गोसाळक रा होठ फड़कबा लाग्या । वीरो
चेहरो तमतमा उठ्यो । गोसाळक री बात सुण ग्रानन्द महावीर
कनै आया अर सगळी बात केय सुणायी । वां महावीर सूँ पूछियो—
भगवन् ! गोसाळक आपणै तेज सूँ कीनै बाल भी सकै कांई ?

महावीर बोल्या—हाँ ! गोसाळक आपणी तेज सक्ति सूँ
किणी नै बाल सकै पण तीर्थङ्कर नै वो नीं जलाय सकै । यूँ तो

जितने बल गोसाळक में है ऊं सूं कई गुणों बत्तौ बल निग्रंथ अणगार में हूवै। पण अणगार क्षमासील हुवै, आपणी तपरी सक्ति रो दुरुपयोग नी करै। वी किणी नै कष्ट नीं देवै। महावीर सावचेत करतां आनन्द सूं कयो—गोसाळक अठै आवण आळो है। वो किरोध अर मान रा नसा में आंधो हुयोडो है। वो काँई भी खोटो काम कर सकै। ईं कारण वीसूं कोइ मुनि बात नीं करै। सैं मौन रंवे।

उणीज ताळ लाल-पीछी आंख्या काढतो गोसाळक आपणे दलबल सागै वठै आय पोंच्यो अर बोल्यो—महावीर! थां सर्वज्ञ हुवता थकां भी म्हनै नीं ओळखो। थांरो शिष्य मंखळिपुत्र गोसाळक तो कदकोई मरण्यो। म्हूं तो कौडिन्यायन उदायी हूं। म्हारो ओ सातमो सरीरातर प्रवेस है। पण थां अणजाए बण'र अबार भी व। इज पुराणी रट लगार्या हो कै ओ म्हारो शिष्य गोसाळक है। गोसाळक री आ बात सुण महावीर बोल्या—गोसाळक! जिए भांत कोई चोर आपणे बचाव रो दूजो साधन नीं देख, एक तिनका री आड़ मे खुद नै लुकावण री कोसिस करै! पण यूं चोर लुक नी सकै भलेई वो समझै कै म्हूं लुक्योडो हूं। इणीज भांत गोसाळक तूं गोसाळक ही है, पण तूं आपनै छिपावण खातर कूडो बोलै।

प्रभु री आ बात सुण गोसाळक आपा सूं बारै वैहग्यो। अर गुस्से में आय अंटसंट बकवा लागो। वीं कह्यो—थारो काळ नैडो आयग्यो है। तूं अबार जलबल नष्ट हुय जावैला।

‘गोसाळक रा रोस भर्या अै सबद सुण’र भी महावीर नै किरोध नी आयो। दूजा मुनि भी शांत हा। पण सर्वानुभूति अणगार गुरु रै प्रति इसा अपमान भरिया सबद सुण चुप नी रैय सक्या। वी बोल्या—गोसाळक! भगवान महावीर नै तो थे आपणा गुरु मानिया हा। आज थूं इणां री निन्दा कर र्यो हो है? आ चोखी बात कोनी। किरोध में विवेक नै मत बिसद।

मुनि रा वचन आग में थी रो काम करया । गोसाल्क मुनि पर तेजोलेस्या छोड़ दीवी, जिसूं मुनि रो शरीर बठैइ बलयो ।

गोसाल्क फेहं मन में आवे जूँई चोलर्यी । वीरां सबद सुण सुनक्षत्र नाम रा मुनि भी चुप नीं रेय सक्या । वीं उणनै समझावा लागा । गोसाल्क वां पर भी तेजोलेस्या छोड़ी पण अबै उण रो असर मन्दो पड़यो हो जिसूं मुनि रो प्राणान्त तो नीं हुयो पण वीं बुरी तरैऊं धायन हुयर्या । वानै असीम पीड़ा ही । काळ नै नैड़ो जाए वां समाधि मरण अंगीकार करियो ।

महावीर री घरम सभा में दो निरपराध मुनि इण भांत शहीद हुयर्या । चारूं कांनी सन्नाटो छायर्यो पण गोसाल्क रो किरोध हाल ताईं सात कोनी हुयो । वीं भगवान महावीर पर भी तेजोलव्य छोड़ी । वीनै पूरो विसवास हो कै म्हारी तेजो सक्ति सूं महावीर रो शरीर पग नष्ट हुई जावैला । पण प्रभु रा अपार तेज रै आगे गोसाल्क री तेजोलेस्या कांई असर नी कर सकी । गोसाल्क री छोड़योड़ी तेजोलेस्या री किरणा महावीर रै शरीर री प्रदक्षिणा कर'नै पाढ़ी फिरगी अर गोसाल्क नै बालती थकी वीरे सरीर में इंज प्रविष्ट हुयगी । इण सूं गोसाल्क रै सरीर में जलण हुआ लागी । वो इण पीड़ा सूं घणो दुखी हुयो ।

गोसाल्क री आ हालत देख महावीर नै दया आयगी । वीं बोल्या-गोसाल्क ! थारी तेजोलेस्या रै प्रभाव सूं थूं खुद ही बल-र्यो है । अबै थागे काळ नैड़ो है । आपणो जीवण सुधारण खातर थूं आपणै कियोड़े खोटा करमां पर प्रायश्चित्त कर ।

महावीर गोसाल्क रै कन्यागा री कामना करर्या हा, पण वो अवार भी रोस मे भरयोड़ो हो । उण री व्यथा धीरे-धीरे बघती जाय री ही । हाय ! हाय करतो वो कोण्ठक चैत्य सूं निकलैर

आपणे आवास कांनी भागियो । वठै सरीर री जळण सांत कवार खातर वो कदई गोली माटी रो लेप करतो अर कदई पीडा भुलावण खातर पागळ दाईं नाचतो-गावतो । इण भांत घणी वेदना अर आकुळता सूं वीको समय बीत र्यो हो । ज्यूं-ज्यूं मौत री घडी नैडी आवा लागी, त्यूं-त्यूं गोसाळक । रो मन पळटा खाबा लागो । वो महावीर रै सागै कियोडे बुरे बरताव अर दो मुनियां री हृत्या सूं दुखी होबा लागो । वीं अबै सच्चाई नै मंजूर कर लो । वो आपणे शिष्यां रै सामैं कैप्रर्यो हो—महावीर जिन :है, सर्वज्ञ है, म्हूं पाखंडी हूं, पापी हूं । म्हैं थांनै अर सगळे संसार नै धोखो दियो । म्हारी आतमा नै धिक्कार है ।

जिन्दगी भर खोटा करम करण आळो गोसाळक आखरी समै में पश्चाताप री आग में बळ'र सोना री दाईं खरो हुयग्यो । वीं रो गुस्सो सांत हुयग्यो । वीं आपणे मरण नै सुधार लियो ।

ऐवती रो निरदोस दान :

कोष्ठक चैत्य सूं विहार कर'र महावीर मेदिया गांव कांनी पधारिया अर साल कोष्ठक चैत्य में बिराजिया । गोसाळक री तेजो-लेस्या रै प्रभाव सूं महावीर रै सरीर में तकलीफ रेवण लागी । वाँ नै रक्तातिसार जिसी बीमारी हुयगी । जिसूं वाँको सरीर घणो कम-जोर हुयग्यो । महावीर रा सरीर नै देख'र लोग कैवता कै गोसाळक रै कह्यां मुताबिक कठै महावीर बेगोई आउखो पूरो नीं कर जावै । आ बात सालकोष्ठक रै नैडे मालुयाकच्छ में तप साधना करता हुया सीहा अणगार पण सुणो । महावीर री अस्वस्थता अर काळ वरम पावण री बात सुण सीहा अणगार रो ध्यान टूटग्यो अर वी चिन्ता में पड़ग्या ।

प्रभु महावीर नै आपणे ज्ञानयोग सूं मालम पड़ी कै सीहा मुनि म्हारी पीडा सूं घणा दुखी है । वां आपणे श्रमणां सूं कह्यो-

यो जा'र सीहा मुनि नै अन्दे बुनाय लावो । वी म्हारी पीड़ा सूं दुक्की हो'वर चिन्ता कर र्या है । प्रभु महावीर री आज्ञा पाए श्रमण सीहा मुनि कनै गया घर वांनै कह्यो-धर्मचार्य भगवान् महावीर आपनै बुलावै है ।

सीहा मनि प्रभु रा चरणां में पाँच'र वंदना करी । महावीर रैकमज्जोर सरीर नै देव वी उदास हो'र ऊभा रेयग्या । महावीर वोल्या-सीहा ! तुं चिन्ता मत कर । तेजोलेस्था रै प्रभाव सूं म्हूं मरण आलो कोनी । म्हूं दीरघकाळ ताईं इणीज पृथ्वी पर ओर विचरण कह्ला । पा वात सुण'र सोहा अणगार वोल्या-भगवन् ! म्हां भी ओईज चावां । आप किरणा कर वताओ कै ईं रोग रो काँई इलाज है ?

प्रभु वोल्या-मेडिया गांव में रेवती गाथापत्नी रै कनै ईं रोग नै दूर करण री ओखब व है । वीं कुप्हडै सूं वणियोडी ओखब म्हारै खातरइज त्यार करी है । पण अमण आपणै खातर त्यार कर-योडी कांई चीज लेत्रै कोनी-इण सूं वा तो म्हारै कळपै कोनी पण दूजी ओखब वीजोरापाक किणी दूजा मतलब सूं वणाई है । थां जाय नै वी सूं वीजोरापाक री मांग करो । वी दवा रै उपयोग सूं आ बीमारी ठीक हुय जावै ना ।

भगवान् रो आ वात सुण सीहा मुनि रेवती रै घरै गया अर वीं सूं बीजोरापाक री मांग करी । सुद्ध ओखब रो दान देय'र रेवती आपणो मिनब जमारो सफळ करियो ।

वीं दवा रै उपयोग सूं महावीर री तवियत ठीक हुयगी अर वीं पैला री भांत सुख सूं विचरण करण लागा ।

सोलमो बरस

केसी—गौतम मिलन

महावीर रा शिष्य इन्द्रभूति गौतम साधु मुनिया रै साँगे
विचरण करता हुया श्रावस्ती आया अर कोष्ठक उद्यान में बिराजिया।
उणीज वगत भगवान पार्श्वनाथ री परम्परा रा केसीकुमार पण
आपणे मुनि मण्डळ रै साँगे तिन्दुक उद्यान में स्वयोड़ा हा। श्रावस्ती
नगरी मांय केसीकुमार अर इन्द्रभूति गौतम रा साधु आपस में
मिलिया। दोन्हूं रै आचार-विचार अर वेशभूषा में फरक हो।
फरक देख उणांरै मन में संका हुई कै एक लक्ष्य री कांनी बढ़बा
आळी इण धरम परम्परा मे भेद क्यूं है? मुनियां री आ बात जाण
इण संकावा नै मिटावण खातर गौतम अर केसीकुमार दोन्हूं
आपस में मिलण रो विचार करियो। गौतम केसीकुमार नै साधुपणां
में बड़ा मान'र मुनि मंडळी समेत वांरै कनै गया। केसीकुमार गौतम
मुनि नै आवता देख उणारो घणो आव-आदर करियो, बैठण खातर
आसण दियो। दोन्हूं मुनियां रै मिलण रो ओ घणो आळो हस्य हो।

मुनि केसीकुमार गौतम मुनि सूं घणा हेत सूं मिलिया अर
पूछियो—मुनिराज! पार्श्वनाथ चातुर्याम धरम कह्यो अर महावीर
पंच महाव्रत रूप धरम। इणरो काँई कारण है? गौतम मुनि
बोलिया—महाराज! धरम रै तत्त्वां रो निर्णय बुद्धि सूं ढुवै। जी
समय लोगां री जिसी मति हुवै बी समै विसोइ धरम रो उपदेस दियो
जावै। पैला तीर्थङ्कर रै समय लोग बुद्धि रा सरळ अर जड़ हा।
बांनै धरम रो तत्त्व समझावणो मुश्किल हो अर आखरी तीर्थङ्कर रै
समै लोग बुद्धि रा वक्र (तार्किक) अर जड़ है। इणा सूं धरम रो
पालण करणो मुश्किल हुवै। ईं खातर भगवान ऋषभ अर महावीर
दोन्हूं पंच महाव्रत (अहिमा, सत्य, अस्तेय, ब्रह्मचर्य अर अपरिग्रह)
रूप धरम बतायो अर बीच रै तीर्थङ्करां रै समय लोग सरल अर बुद्धि-
मान हुवे। थोड़े में बी सारी बातां समझ'र उणां रो पालण कर

लेवै । ईं खातर बीचरा बाईस तीर्थङ्करां चातुर्यामि धरम (अहिंसा, सत्य, अस्तेय, अपरिग्रह) बतायो ।

इण भांत केसी मुनि इन्द्रभूति गौतम सूं घणांई तात्त्वक प्रश्न पूछिया अर उणांरो संतोषप्रद उत्तर पाय'र घणा राजी हुया । वांरी इण ज्ञान गोष्ठी सूं श्रावस्ती नगरी में ज्ञान अर शील धरम रो घणो विकास हुयो । सभा मे ज्ञान चरचा सुणणियाँ लोग धरम मारग कानी प्रवृत्त हुया ।

राजषि शिव रो संशय-निवारण

भगवान महावीर मिथिला सूं बिहार कर'र हस्तिनापुर पथारिया । अठारा राजा शिव घणा संतोषी अर धरम प्रेमी हा । वाँनै सुखोपभोग सूं धृणा हुथगी । राज्य रो त्याग कर'र जंगल में जाय वी बल्कलधारी तापस वणग्या अर घोर तपस्या करण लागा । लम्बी तपस्या सूं वाँनै विशेष ज्ञान उत्पन्न हुयो जिणासूं उणां में सात समन्दर अर सात द्वीपां ताईं देखण री खमता आयगी । वी लोगां नै कैवता—इण संसार में सात समन्दर अर सात द्वीप ईज हैं, इण रै आगै कांयनी है ।

तापस री आ बात जद गणधर गौतम सुणी, वां भगवान महावीर नै पूछियो—प्रभु ! इण तापस री आ बात कठा ताँईं साची है ?

प्रभु कयौ—इण पृथ्वी पर असंख्य द्वीप अर अनेक समन्दर हैं ।

तापस रै कानां में महावीर री आ बात पड़ी तो वां सोच्यो—म्हारै ज्ञान में कमी है । सर्वज्ञ महावीर रो कथन सांचो है । इण भावना रै सागै वी महावीर कनै आय'र उणारो उपदेस सुणियो । उपदेस सुणण सूं वारो संशय मिटग्यो अर, उणां सूं प्रभावित ह्यर वी महावीर रा शिष्य वणग्या ।

भगवान महावीर रा.उपदेसां नै सुण'र धरम में सरधा राखणिया घणा लोगां मुनि धरम अङ्गीकार करियो । उणां में पोट्टिल श्रणगार रो नाम प्रमुख है । हस्तिनापुर सूं प्रभु 'मोका' नगरी होता हुया वाणिज गांव पधारिया अर उठै चौमासो पूरो करियो ।

सत्तरमो बरस :

विदेह प्रदेस में विचरण करता हुया महावीर राजगृही रै गुणसील चैत्य में पधारिया । अठै इण समै बौढ़, आजीवक आदि सैं धरम परम्परावां रा साधु हा । अै लोग समय-समय पर भेळा हुय'र ज्ञान चरचा करता । एकदा इन्द्रभूति गौतम भगवान महावीर सूं पूछियो कै आजीवक म्हानै पूछै है कै जै थारां श्रावक सामायिक व्रत में हुवे अर उणाँरो कोई भांड (वरतन आदि) चोरी चल्यो जावै तो सामायिक पूरी करियां बाद वै उणारी तलास करै कै नी, अर जै वे तलास करै तो आपणे भांड री करै या पराये री ?

भगवान महावीर इण प्रश्न रो उत्तर देवता फरमायो— गौतम ! वी आपणे भांड री इज तलास करै, पराये री नीं । सामायिक अथ पौषधोपवास करण सूं उणारो भांड, अभांड नीं हुवै । जीं समै वी सामायिक आदि वरत में रैवै उणीज समै उणारो भांड, अभांड मानियो जावै ।

इण भांत प्रभु श्रावक धरम री विशेष जाणकारी दीवी । ओ चौमासो महावीर राजगृही में इज पूरो कियो ।

अठारमो बरस :

राजगृह रो चौमासो पूरो कर'र भगवान चम्पा कांनी सूं होता हुया पृष्ठचम्पा नाम रै उपनगर में विराजिया । प्रभु रै आवरण रा समीचार सुण पृष्ठचम्पा रा राजा शाल अर युवराज महाशाल

भक्ति भाव सूं प्रभु रा दरसण करण नै आया । धर्मोपदेस सुणन सूं दोन्युं नै संसार सूं विरक्ति हुई अर वां आपणे राज रो भार भाणज गांगली नै संभळाय दीक्षा अंगीकार करी ।

कामदेव रो समभाव :

पृष्ठचम्पा सूं भगवान चम्पा नगरी रे पूर्णभद्र चैत्य मैं पधारिया । श्रठै कामदेव श्रावक प्रभु री घरम देसना सुणन खातर आया । घरम देसना फरमायां पछ्ये भगवान श्रमणां सूं कह्यो कै— कामदेव श्रावक गृहस्थपणां मैं रैय'र भी घणाइ उपसर्ग समभाव सूं सहन करिया ।

एकदा जद वी पीपध मैं हा, आधी रात मैं एक मायावी देव, दैत्य, हाथी, सरप आदि रा विकराल रूप धारण कर कामदेव नै घरम सूं विचलित करणा रा घणाई प्रयास किया पण कामदेव घरम मारण सूं किचित् भी नी डिगिया । उणांरी घरमनिष्ठा, सहनशक्ति अर समभाव दख दैत्य परास्त हुयग्यो अर आपणे असली रूप मैं आ'र वी कामदेव सूं आपणे दुष्कृत्यां री माफी मांगी । कामदेव रो श्रो समभाव श्रमणां खातर भी अनुकरणीय है अर ईं सूं साधुमां नै प्रेरणा लेणी चाइजै ।

दसारणभद्र नै आतमग्रोध :

चम्पा सूं विहार कर'र भगवान दसारणपुर पधारिया । श्रठा रो राजा दसारणभद्र प्रभु महावीर रो बडो भगत हो । वो चतुरङ्ग सेना अर राजपरिवार रे सागे वडी सजघज सूं प्रभु वंदण नै निरुल्यो । वी रै मन मैं श्रो विचार आयो कै—म्हारै समान ठाट-बाट सूं प्रभु-वंदण नै कुण आयो वेला ? आ बात इन्द्र जाण ली । दसारणभद्र नै नीचो दिखावणा खातर इन्द्र उणसूं वत्ती रिद्धसिद्ध रे सागे प्रभु-वन्दण नै आयो । जद दसारणभद्र इन्द्र री आ रिद्ध-सिद्ध

देखी तो वीं रो गरब चूर-चूर हुयग्यो । पण वीं हार नीं मानी । वी री दीठ बदलगी । वी नै आ बाहरी रिढ़ि-सिढ़ि निस्सार लागणा लागी । वी आत्मिक रिढ़ि-सिढ़ि नै प्राप्त करण रो निश्चय कर लियो अर राजपाट छोड़'र प्रभु महावीर कनै दीक्षा अङ्गीकार करी । दसारणभद्र री आ हिम्मत अर धरमनिष्ठा देख इन्द्र लाजां मरग्यो अर वां नै नमस्कार कर लौटग्यो ।

सोमिल री तत्त्व चरचा :

दसारणापुर सूं प्रभु वाणिजगांव पधारिया । अठै सोमिल नाम रो एक पडित हो । वो सास्त्रां रो आछो जाणकार हो । वी रै पांच सौ शिष्य हा । महावीर जद दूतिपळास उद्यान में पधारिया तो सोमिल वांकै दरसण खातर आयो । वीं भगवान् सूं घणाई द्वैत, अद्वैत, नित्यवाद, क्षणिकवाद जिसा गूढ़ दार्शनिक सवाल पूछिया । महावीर अनेकान्त सिद्धान्त सूं सगळा सवालां रा पहुन्तर दिया । सही समाधान पा'र सोमिल घणो राजी हुयो । वीं घणी सरधा सूं प्रभु री धरम देसना सुणी अर प्रभु सूं श्रावक धरम अङ्गीकार करियो ।

उगणीसमो बरस :

अम्बड़ री निष्ठा :

कौसल, साकेत, सावत्थी होता हुया प्रभु पांचाळ कांनी पधारिया । अठै सूं विहार कर'र कंपिल्पुर रै सहस्राम्र वन में विराजिया । अठै अम्बड़ नाम रो एक ऋषि सात सौ शिष्यां रै सागै रैवतो हो । वो घणो चमत्कारी महात्मा हो । वीं नै कई लब्धियां प्राप्त हीं । इण रै प्रभाव सूं जद वो भिक्षा खातर जावतो, सौ घराँ सूं एकै सागै आहार लेवतो वी रो सरूप लोग देखता । इन्द्रभूति गौतम जद आ बात सुणी तो वां भगवान् सूं पूछियो -भगवन् !

अम्बड़ क्रृषि री आ वात कठाताईं सांची है ? भगवान पहुत्तर दियो—गौतम ! अम्बड़ परिव्राजक बेळे-बेळे री तपस्या करै । उणारी भावना मूढ़ है । ईं कारण ईं नै इण भात री लविध्यां प्राप्त है ।

महावीर रै आवण री खबर सुण अम्बड़ आपणै शिष्यां सागै उणारा दरसण करण नै आयो । महावीर री धरम देसना सुण वो उणारै ज्ञान अर चारित सूं घणो प्रभावित हुयो । सब भांत री सक्तियां हुवता थकां भी सरळ परिणामां रै कारण वी महावीर सूं श्रावक धरम अंगीकार करियो । अर उणारो उपासक वर्णियो ।

बीसमो बरस :

भगवान वाणिजगांव रै दूतिपळास चैत्य में विराजमान हा । वां की धरम देसना सुणन खातर हजारां मिनख रोजीना आवता । एकदा भगवान पारसनाथ री परम्परा रा गांगेय मुनि भगवान महावीर री धरम सभा मांय आया । वा भगवान सूं जीव, सत, असत आदि रै वारै में कई तात्त्विक सवाल पूछिया । महावीर सूं उणारो आच्छ्यो समाधान पा'र वी घणा प्रभावित हुया अर महावीर रै धरम संघ मे सम्मिलित हुयग्या ।

इक्कीसमो बरस :

मदुकु रो तत्त्वज्ञान .

भगवान महावीर वैसाळी सूं मगध कांनी विहार करता हुया राजगृह रै गुणसील चैत्य में ठहरिया । ग्रठे काळोदायी, सैलो-दायी आदि परिव्राजका रो आश्रम हो । एकदा भगवान रै पंचास्तिकाय (धरम, अधरम, आकाश, जीव अर पूद्गल) सिद्धांत रै विसय ये थे परिव्राजक चरना करर्या हा । इणीज वगत भगवान रै आरणे

री बात सुण श्रठा रो एक श्रद्धावान प्रमुख श्रावक मद्दुक प्रभु दर-
सरा जायर्यौ हो । चरचा करणियां पारव्राजकां नै मालूम हुयो कै
मद्दुक नै भगवान महावीर रै सिद्धान्तां रो आच्छो ज्ञान है तो उणां
मद्दुक सूं घणाई तात्त्विक प्रश्न पूछिया । मद्दुक सगळां प्रश्नां रो
तरक संगत उत्तर दियो ।

मद्दुक रै इण तत्त्वज्ञान री महावीर पण घणी प्रशंसा
करी । ओ चौमासो महावीर राजगृही में ही पूरो करियो । अठै
प्रभु री धरम देसना सुण लोगां घणाई व्रत-नियम अङ्गीकार
करिया ।

बाइसमो बरस :

पेढालपुत्त उदक री जिज्ञासा :

राजगृही सूं जुदी-जुदी ठौड विचरण करता हुया प्रभु पाल्छा
राजगृही पधारिया अर गुणसील चैत्य में विराजिया । प्रभु सूं
आपणी तात्त्विक संकावां रो समाधान पा'र काळं दायी तैर्थिक
घणा राजी हुया । वां भगवान सूं उपदेस सुणण री इच्छा परगट
करी । महावीर रै उपदेसां सूं प्रभावित हुयर वी निग्रंथ धरम मे
दीक्षित हुया ।

एकदा प्रभु महावीर नाळन्दा रै हस्तियाम उद्यान में ठह-
रियोडा हा । अठै पाश्वर्पत्य श्रमण पेढालपुत्त उदक री भेट इन्द्रभूति
गौतम सूं हुई । उदक गौतम सूं बोल्या-म्हारै मन में थोड़ी संकावां
है । आप उणांरो समाधान करो । गौतम उदक रा लाम्बा-चौडा
प्रश्नां रो सांति रे सागै समाधान करियो । इतरा में अठै पाश्वर्पत्य
परम्परा रा बीजा स्थविर पण आयग्या । वी भी चरचा सुणण
लागा । उदक आपणी संकावां रो समाधार पा'र बिगर आवश्रादर
करियां अर बिगर बोल्यां वठा सूं जावा लागा; तद गौतम कह्यो-

थां विगर अभिवादन करियां उठ'र जायर्या हो । कांई थाँतै मामूली शिष्टाचार रो ज्ञान कोनी ?

गौतम रै इण स्पष्ट अर मार्मिक कथन सूं उदक वठै रुकग्या अर बोल्या—हां मुनिवर ! महनै इण धरम व्यवहार रो ज्ञान नी हो । अबै म्हूं प्रापरै कथन पर सरधा राखर चातुर्याम धरम परम्परा सूं पंच महाव्रतिक धरम मार्ग अङ्गीकार करणे चाऊं । उदक री उत्कट जिज्ञासा देख, गौतम उदक नै महावीर कनै लेयग्या । उदक प्रभुरी आज्ञा पाय वांरै धरम संघ में सम्मिलित हुया ।

तेहसमो वरस :

चौमासो पूरो कर'र भगवान नाळन्दा सूं विहार कर'र वाणिजगांव रै दूतिपळास चैत्य में पधारिया । श्रो गांव वणज-वैपाश रो आछो केन्द्र हो । अठै सुदर्जन नाम रो एक बडो वैपारी हो । वो प्रभु रा अमृत वचन सुणण नै आयो । वणी भगवान सूं कैई तात्त्विक प्रश्न पूछिया । इणांरो उत्तर देवतां प्रभु सेठ नै वीरे पूरव भव रो सगळो हाल सुणाय दियो । भगवान रै मुख सूं वीत्यौडै भवां रो हाण सुणा सेठ रो अन्तरमानस जागर्यो । वीं नै आत्मसरूप रो बोध हुयो अर वी महावीर सूं श्रमण धरम अङ्गीकार करियो ।

गाथापति आनन्द अर गणधर गौतम :

गणधर गौतम महावीर री आज्ञा लेय'र वाणिजगांव मे भिक्षा खातर पधारिया । वी भीक्षा लेय'र जद पाछा लौटर्या हा तद वां लोगां सूं आनन्द गाथापति रै संथारा री चरचा सुणी । वी आनन्द श्रावक नै दरसण देवण खातर कोल्लाग सन्निवेस पधारिया ।

इन्द्रभूति गौतम नै आया देख आनन्द घणा राजी हुया ।

चरण वंदन करनै वी बोल्या—भगवन् ! गृहस्थी नै काँई अवधिज्ञान हुय सकै ।

गौतम कह्यो—हां ! हुय सकै ।

आनन्द बोल्या—म्हनै अवधिज्ञान हुयग्यो । म्है पूरब, पश्चिम अर दखण दिसा में लवण समुद्र रै पांच-पांच सौ जोजन ताईं, उत्तराध में हिमवंत पर्वत ताईं, ऊर्ध्वलोक में सौधर्म देवलोक ताईं, अर अधोलोक में लोलच्छुग्र नाम रै नरकावास ताईं रा सगळा पदारथ देखूं हूं ।

इण पर गौतम बोल्या—आनन्द ! गृहस्थी नै अवधिज्ञान हुवै तो जरूर, पण इतरी दूरी रो नी हुवै । थांनै इण मिध्या कथन पर आलोचना करणी चाइजै ।

गणघर गौतम रा थै सबद सुण विनयपूर्वक ढङ सबदां में आनन्द बोल्या—भगवन् ! म्है जो भी काँई कैयर्यो हूं वो यथार्थ अर सांच है । आप इण नै भूठ मत समझो । भूठ बोलण रो प्राय-श्चित म्हनै नी, आपनै ईज करणो पड़ैला ।

आनन्द री आ बात सुण गौतम दुग्ध्या में पड़ग्या । वां महावीर रै कनै आय सगळी बांत बताय दी । गौतम री बात सुण महावीर कह्यो—गौतम ! आनन्द रो कैवणो सांचो है । थां वींकै सत्य नै असत्य बतायो है । आ थांरी गलती है, ईं वास्ते थां बेगासा' आनन्द रै कनै जाओ अर वींसू माफी मांगो ।

परम सत्य रा खोजणहार गौतम पग पाढ्हा केरिया अर आनन्द रै कनै जार वींसू माफी मांगी । एक श्रावक रै साम्है श्रमण-संघ रा सबसूं बड़ा मुनि नै यूं माफी मांगता देख आनन्द गदगद हुयग्या अर मन में सोचण लागा—निग्रंथ धरम में सांच रो कित्तो महत्त्व है ।

बीस बरसां ताईं गृहस्थ धरम री सुद्ध आराधना कर'र
आनन्द समाधिपूर्वक देह त्याग करियो ।

चौबीसमो बरस :

वेसकीमती भावरतन :

वैसाली रो चौमासो पूरो कर'र महावीर कोसल नगरी रै
ऐडे-नैडे विचरण करता हुया साकेतपुर पधारिया । अठै जिनदेव
नाम रो एक बड़ो वैपारी हो । एकदा वो विणज-वैपार खातर कोटि
वर्ग स नगर गयो अर अठा रा राजा किरातराज नै कीमती रतन अर
गैणा आदि निजर करिया । वाँनै देख राजा बोल्या-इसा रतन कठै
पैदा हुवै ? राजा री आ वात सुए जिनदेव बोल्यो-राजन् ! म्हारै
देस में इण सूं भी वत्ता कीमती रतन पैदा हुवै । किरातराज रै मन
में इसा रतना आठा देस नै देखण री इच्छा हुई । जिनदेव साकेतपुर
रा राजा नै इण वात री खवर दीवी । पछै किरातराज जिनदेव रै
सार्ग साकेतपुर आया । वठै वां दिनां भगवान महावीर आयोड़ा
हा । राजा सञ्चुंजय अर हजारां री तादाद मे घणाई लोग प्रभु दरसण
खातर आया हा । नगर में आ भीडभाड अर चह्ठ-पह्ठ देख
किरातराज नै घणो इच्चरज हुयो । बी जिनदेव सूं पूछियो-सार्थवाह !
श्रै इतरा मिनख कठै जायरया है ? जिनदेव पडूत्तर दियो-राजन् !
रतना रो एक बड़ो वैपारी अठै आयो है । वो सबसूं बढिया बेस-
कीमती रतना रो घणी है । जिनदेव री वात सुण किरातराज रै
मन में उण वैपारी सूं मिलण री जिज्ञासा हुई ।

जिनदेव अर किरातराज दोन्यूं महावीर (ज्ञान, दर्शन चारित्र
इण तीन रतनां रा धारक) री धरम सभा में गया । वठै जा'र प्रभु
रा चरणां में वंदनां-नमस्कार करनै, उणां सूं किरातराज रतना
रै प्रकार अर कीमत रै बारै में पूछियो । महावीर बोल्या-देवानुप्रिय !
रतन दो भांत रा हुवै । एक द्रव्य रतन अर दूजा भाव

रतन तीन भाँत रा हुवै—(१) दर्जन रतन (२) जान रतन (३) चारित्र रतन। अै रतन घणा प्रभावशाली है। जै कोई इणां वै घारण करै बींरो ओ लोक अर परलोक दोन्युं सुधर जावै। द्रव्य रतनां रो प्रभाव सीमित है। दीसूं बाहरो चमक-दमक रैवै। पण भाव रतनां सूं अन्तरमानस जगमगा उठै अर सांचै सुख-सान्ति री अनुद्धृति हुवै।

भगवान री नतनां विषयक आ चरबा युण किरातराज घणो प्रभावित हुयो। वीं सगवान सूं प्रार्थना करो-प्रभु! म्हनै भाव रतन प्रदान करो। प्रभु महावीर उणनै आत्म कल्याण रो मारग बतायो अर वो उणां रै श्रमण जंघ मे दीक्षित हुयो।

पच्चीसमो वरस :

कालोदायी रा प्रश्न :

मिथिला नगरी में चौमासो पूरो कर'र भगवान मगध कांनी सूं छिहार करता राजगृह पदारिया अर गुणसील चैत्य में विराजिया। अठै कालोदायी श्रमण प्रभु सूं कई संकावां रो समाधान करियो। वां प्रभु सूं पूछियो-भगवन्! जीव खुद असुभ फल देण आळा करम किण भाँत करै?

भगवान बोलिया-कालोदायी! ज्युं दूसित पकवान अर साइक पदारथ सेवन करती वगत घणा रुचै अर खावणियां लोग सुवाद नें मस्त हो'र वां सूं हुचण आळा नुकसान बीसर जावै, पण उणारो नजीजो घणो खोटो हुवै। सेहत परबुरो प्रभाव पड़ै। इणीज भाँह जद जीव हिजा, भूर, चोरी जिसा पाप करम करै अर राग-द्वेष रै वशीभून होउ क्रोध, मान, माया, लोभ जिसी प्रवृत्तियां में झूँव्योड़ो रैवै, उण ताळ अै सगळा काम घणा रुचिकर अर मन मोवणा लागै पण इण सूं बंध्योड़ा करम धरणा अनिष्टकारी हुवै। अर करता नै भोगणा ईज पड़ै।

कालोदायी केर दूजो प्रश्न पूछियो-भगवन ! जीव खुद सुभ
फल देण आळा करम किए भांत करे ?

महावीर वेल्या-कालोदायी ! ज्युं रोग री दवा कड़वी
हुएण पर भी मरीर नै फायदो पाँचावै, उणीज भांत सत्य, अहिसा,
जील, धमा अर अलोभ जिसी प्रवृत्तियां व्यवहार मे योड़ी भारी
लागै परा आर्ग उणां रो परिग्नाम घणो सुखदायी हुवी ।

इण भांत कालोदायी प्रभु सूं आँह कई प्रश्न पूछिया अर
उणां रो आळो समाधान पार वो सतुष्ट हुयो ।

छाईसमो वरस :

गांव-गांव विहार करता हुया प्रभु महावीर राजगृही पधा-
रिया अर गुणमील चेत्य में विराजिया । गणवर गीतम प्रभु सूं
घणाई तात्त्वक प्रश्न पूछिया अर उणारो समाधान पायो । इणीज
वरस में अचलभ्राता अर मेतार्य गणवर प्रनशन कर निर्वाण प्राप्त
करियो । ओ चौमासो भगवान नालन्दा में पूरो कियो ।

सत्ताइसमो वरस :

नालन्दा सूं विहार कर'र प्रभु विदेह जनपद कांनी होता
हुया मिथिला नगरी पधारिया अर मणिभद्र चेत्य में विराजिया ।
अठारा राजा जितसञ्च प्रभु दरसण करण नै आया । महावीर री
धरम देसणा सूं लोग घणा प्रभावित हुआ । इन्द्रभूति गौतम सौर-
मंडळ, उणरे अमण, प्रकास, उण रै क्षत्र आदि रै बारै में घणाई
प्रश्न पूछिया ।

अट्ठाइसमो वरस :

मिथिला सूं विहार कर प्रभु महावीर विदेह रै गांवा-गांवा
में विचरण कर अनेक सरधावान लोगां नै धरम देसना दीवी । कई
लोग अमण धरम मे दीक्षित हुया अर कई श्रावक ब्रत अङ्गीकार
करिया । ओ चौमासो पण महावीर मिथिला में ईज पूरो कियो ।

गुणतीसमो बरस :

महासतक अर रेवती :

मिथिला सूं विहार कर'र मगध काँनी होता हुया प्रभु राज-
गृही पधारिया अर गुणसीळ चैत्य में बिराजिया । वां दिनां प्रमुख
श्रावक महासतक अनसन व्रत कर राख्यो हो । संयम अर तप सुद्धि
रै प्रभाव सूं वीनै अवधिज्ञान हुयग्यो ।

महासतक री पत्नी रेवती दृष्ट प्रकृति री ही । वीरी धरम
मे रुचि नी ही । महासतक री तपसाधना अर धरम क्रिया सूं वा
खुस नी ही । एक दिन पौषधशाला मे जा'र गुस्से मे आय वीं महा-
सतक नै खरी खोटी सुणाई, जिसूं महासतक रो ध्यान टूटग्यो ।
वो रेवती रै इण बैवार सूं घणो दुखी हुयो अर बोल्यो-रेवती !
तूं इसी खोटी चेप्टा क्यूं कर री है ? खोटा करमां रो आछो फल
नीं मिलै । तूं इसा खोटा करम करण सूं सात दिनां माय अलस
रोग सूं दुखी हुय'र असमाधि भाव सूं मरेली । महासतक रा श्रे
वचन सुण रेवती डरगी । वा सोचण लागी—महासतक नै सांचैई
म्हारं पर किरोध है । कुण जाणै झनै और कोंई दण्ड मिलसी ?
आ सोचता-सोचता रेवती उठा सूं व्हीर हुयगी । महासतक री बात
सांची निकळी ।

महासतक रै ध्यान सूं विचलित होणै री बात जद भगवान
महावीर जाणी तो वी गणधर सूं बोल्या —गौतम ! अठै म्हारो
अन्तेवासी महासतक पौषधशाला मे अनसन वरत में है । वीनै रेवती
बुरा सबद कया है जिसूं रूष्ट हो वीं रेवती नै असमाधि मरण जैडी
खगी बात कही है । श्रावक महासतक नै ऐडा सबद नीं बोलणा
चाइजै । थां जा'र उणानै कैवी कै आपणै इण कथन रो वीनै आलो-
कना करणी चाइजै ।

महावीर री आजा मान'र गौतम महासतक कनै गया अर
उणनै प्रभु महावीर रो संदेसो कह्यो । महासतक संदेस रे मुजब
आपणे कियै पर पश्चाताप कर'र आतम सुद्धि कीवी ।

तीसयो बरस :

राजगृही सूं दिहार कर महावीर पावापुरी रै राजा हस्तिपाल
री रज्जुग सभा में पधारिया । ओ आखरी चौमासो अठै इज पूरा
हुयो । हजारां लोग प्रभु रा उपदेस सुणणा नै आया । प्रभु कयो—
हरेक प्राणी नै आपणो जीव वाल्हो है । मौत अर दुख कोई नीं चाव ।
मिनख नै दूजा रै सागै इसोईज बैवार करणो चाइजै जिसो वो खुद
आंपणै वास्तै चाजै । ओईज सांचो मिनखपणो अर धरम रो मूळ है ।

प्रभु रा उपदेस सुणणा राजा पुण्यपाळ पण आयो हो । वा
पिछली रात में देख्या आठ सुपना (हाथी, बानर, क्षीरतल, कागड़ी,
जा'र, कम्ल, बीज अर घड़ो) रो फळ महावीर सूं पूछियो । महावार
रो पड्त्तर सुण राजा पुण्यपाळ नै संसार सूं विरकित हुयगी । वा
राज नैभव छोड़र साहु धरम अङ्गीकार करियो ।

चौमासे रा तीन महिंगा पूरा हुयग्या । चौथो महीनो चाल-
र्यो हो । काती बद चवदस (अंमावस) रै दिन परभात र सम
भगवान रज्जुग सभा में आखरी धरम देसना देयर्या हा । प्रभु रै
मोक्ष पधारणे रो समय नैडो जाण इन्द्र आपणे परिवार रै सागै
महावीर कनै आयो अर वांसूं आपणो उमर बढ़ावा साहं अरज
करी । पहावीर कह्यो—उमर नै घटावा अर बढ़ावा री ताकत
किएगी मे कोनी । भगवान री आ बात सुण इन्द्र मौन रैयग्यो । वो
चन्दना-नमस्कार कर पाछ्हो चल्योग्यो ।

सूल्यांकन :

इण भांत तीस बरसां ताईं केवलीचर्या में विचरण करतां
हुया प्रभु महावीर विगर जातपांत, वरगभेद अर वर्णभेद सूं सैं

लोगां नै धर्म देशना दीवी । वांरे प्रभाव सूं संस्कार सुद्धि रो एक
नूंदो अभियान सरू हुयो । आतम तत्त्व री सही ओळखाण कर
कई परिक्राजक, राजा-महाराजा, सेठ-साहूकार महावीर रै धर्म
संघ मे सम्मिलित हुया । वांरे संघ में चवदह हजार साधु, छत्तीस
हजार साध्वियां, एक लाख गुणसठ हजार श्रावक अर तीन लाख
अठारह हजार श्राविकावां हो ।

६ | परिनिर्वाण

आपणो आउखो नैडो जाणे भगवान महावीर आपणे प्रिय शिष्य गौतम नै देवसरमा नाम रै क्राह्मण नै उद्देष देवण ज्ञानर अलगा मोक्ष दिया । प्रभु रै वेळे री तपस्था हो । इण दिन वीं सोना पहर ताई घरम उपदेस देवता र्या । घणाई तात्त्विन रावाल जवाब हुया । इणीज रात मांय काती वद चयदम नै (अमादम) प्रभु ज्ञार अधाति करम रो नास कर'र ७२ वर्ष रा अवस्था में सिद्ध-नुद्द मुक्त हुया । ज्ञान री अद्भुत ज्योत अचाणक लुकगी ।

अै समाचार चारूं कांनी फैलग्या । जद गीतम नै इण वात री ठा पढ़ी तो वीं शोक विवृत्त हुय'र विनाप करण लाग्या—भगवन् आप ओ कांई करियो ? इण मीके आप म्हैनै अलगो ववूं भेज दियो । म्हूं कांई टावर दाईं आपरै लारै पड़तो, आपनै मोक्ष पधारण सूं राक लेवता ? म्हूं अबै किण नै वन्दणा करूंला, किण रै माम आपणी सकावां राखूंला । देर ताईं यूं मोह ग्रस्त वणिया गीतम आंसूंडा ढळकावता र् । । पण जद विवृत्ता रो ओ तूफान थमग्यो तद वाँरी दीठ वदलगी । वीं सोचण लाग्या—ग्रे ! म्हारो ओ मोह किण रै खातर है ? भगवान तो वीतराग है, उणां रै प्रति ओ किसी राग ! क्यूं नी म्हूं भगवान रै चरणां रो अनुसरण करूं ? ओ सरीर तो जड़ है, इण नै छोडिया विगर मुक्ति कोनी । भगवान पण इण पायिव सरीर नै छोड़ मुगत पधारिया है । म्हैनै भी इणीज मारग पर आगे वढणो है । इण भांत सोचण सूं गीतम रा मोहनीय करम हटग्या । वांनै केवलज्ञान हुयग्यो ।

जिए रात में प्रभु महावीर रो निर्वाण हुयो वीं रात में नी
मल्लवी, नौ लिच्छवी अठारह कासी-कोसल रा गणराजा पौष्ठव्रत
में हा । वां कयौ-ग्राज संसार सूं भाव उद्योत उठग्यो । अबे म्हाँ
द्रव्य उद्योत करांला । घणघोर अंधारी रात में देवतावां रतनां रो
आलोक बिखेर'र अर मिनखां दीया जला'र सै ठौड़ चांनणो कर
दियो । चारूं कांनी प्रकास रा पग मंडग्या । महावीर रो देहत्याग
ओछब्र रो रूप ले लियो । इए भांत दीपमाळा री नूँई भांत सूं सरु-
आत हुई ।

महावीर रै निर्वाण रै सागै ससार री एक दिव्य ज्योत विलीन
व्हैगी । तीस बरस री भरी जवानी में महावीर साधना रै कंटीनै
भारग पर बढ़या । साढ़ै बारा बरसां वां कठोर तपस्या कीवी अर
साधना रै बळ सूं केवळज्ञान प्राप्त करियो । केवळी बण्या पाछै
तीस बरसां ताईं वां लोक कल्याण खातर उपदेस दे'र लाखां लोगा
नै संजम मारग कांनी बढ़ण री प्रे रणा दीवी ।

महावीर रा उत्तराधिकारी गणधर सुधर्मा प्रभु महावीर रै
घ्रति भावभीनी श्रद्धांजलि अर्पित करतां कयी-जियां हाथियां में ऐरा-
वत, पसुवां में सिह, नदियां में गगा, पक्षियां में गरुड़, पुष्पां में कमळ
अर रसां में इक्षुरस श्रेष्ठ है, उणोज भांत तपस्वी ऋषि-मुनियां में
भगवान महावीर श्रेष्ठ है ।

१० | महावीर रा सिद्धान्त

भगवान् महावीर आज सूँ ढाई हजार वरस पैलां जै उपदेस दिया वै आज भी तर्क अर विज्ञान री कसौटी पर खरा उतरै है। वांरा सिद्धान्त प्राणिमातर री स्वतत्रता, समानता पुरुषार्थवादिता, वैचारिक उदारता अर मैत्री भाव पर आधारित है। वां में जो सत्य व्यजित है वो किए एक जुग, काळ अर देश रो कोना वो सार्वजनीन अर सार्वकालिक है। जुग जुग तांई वांसू लोगां नै प्रेरणा मिलती रेवेली। उणां रा प्रमुख सिद्धान्त इण भांत है।

[१] तत्त्व-चिन्तन

जैन धरम साधना रो धरम है। ओ अनादिकाळ सूँ कलुषित आत्मा रै अशुद्ध रूप नै दूर कर'र शुद्ध रूप री प्राप्ति री मारण बतावै। साधक नै संसार रै बंधण सूँ मुक्ति हृत्रण खातर आत्मा री शुद्ध अर अशुद्ध स्थिति अर उणरै कारणां रो ज्ञान जरुरी है। ओ ज्ञान तत्त्व ज्ञान कहीजै।

नौ तत्त्व :

जैन दर्शन में मुख्य तत्त्व नौ मानीजै—(१) जीव (२) अजीव (३) पुण्य (४) पाप (५) आस्त्रव (६) वंध (७) संवर (८) निर्जरा अर (९) मोक्ष। इणांरो परिचय इण भात है—

१. जीव तत्त्व :

जीव तत्त्व रो नक्षण उपयोग-चेतना है। जिणमें ज्ञान अर दर्शन रूप उपयोग है, वो जीव है। जीव चेतन पण कहीजै। इणमें

सुख-दुख, अनुकूलता-प्रतिकूलता आदि भावों रै श्रणभव २ खमता हुवै ।

जीव तत्त्व रा दो भेद हुवै—(१) मुक्त अर (२) संसारी जो जीव करम मल्ल सूँ रहित हुयर ज्ञान, दरसन रूप अनन्त शुचेतना में रमण करै, वो मुक्त अर करमां रै कारण जनम-मरण रू संसार में मिनख, तिर्यक, देव अर नारक गतियां में घूमतो रैवै व संसारी कहीजै ।

संसारी जीवां माय सूँ देव ऊर्ध्व लोक में, मिनख अर पह मध्यलोक में अर नारक अधोलोक में निवास करै । मिनख रै स्पर्शन (सरीर) रसन (जीभ) घ्राण (नाक) चक्षु (आंख) अर श्रोत (कान) अै पाँच इन्द्रियां मन सहित हुवै, इण कारण वो मिनख कहीजै ।

जीव री पाच जातियां हुवै—(१) एकेन्द्रिय, (२) द्वीन्द्रिय (३) त्रीन्द्रिय (४) चतुरन्द्रिय अर (५) पञ्चेन्द्रिय ।

एकेन्द्रिय जीव रै सिर्फ एक इन्द्रिय सरीर हुवै । पृथ्वी, पानी अग्नि, वायु, वनस्पति रा जीव एकेन्द्रिय जीव है ।

द्वीन्द्रिय जीवां रै स्पर्शन (सरीर) अर रसन (जीभ) अर दो इन्द्रियां हुवै । लट, सख, जौक आदि जीव द्वीन्द्रिय है ।

त्रीन्द्रिय जीवां रै स्पर्शन, रसन अर घ्राण (नाक) अै तीन इन्द्रियां हुवै । चीटी, कानखजूरा आदि जीव त्रीन्द्रिय है ।

चतुरन्द्रिय जीवां रै स्पर्शन, रसन, घ्राण चक्षु (आंख) अै चार इन्द्रियां हुवै । मक्खी, मच्छर, टिड्डी, पतंग आदि चतुरन्द्रिय जीव है ।

पञ्चेन्द्रिय जीवां रै स्पर्शन, रसन, घ्राण, चक्षु अर श्रोत्र (कान) अै पाँच इन्द्रियां हुवै । नारक, मनुष्य, देव, गाय, भैंस, कागला कबूतर आदि पञ्चेन्द्रिय जीव है ।

२. अजीव तत्त्व :

जिण में चेतना नीं हुवे जो सुख-दुःख रो अनुभव नी करे वो अजीव कहीजे । अजीव तत्त्व जड़ अर अचेतन हुवे । सोनो, चांदी, ईंट, चूनो आदि मूर्त अर आकास, काळ आदि अमूर्त जड़ पदार्थ अजीव तत्त्व है । अजीव तत्त्व रा पाँच भेद हुवे—(१) पुद्गल, (२) धर्म, (३) अधर्म, (४) आकाश अर (५) काल ।

जिण मे हप, रस, गंध अर न्पर्ज हुवे । जो आपस मे मिल'र आकार ग्रहण कर ले यर विलग हो'र परमाणु बग जावे वो पुद्गल है । इणा में मिलण अर अलग होबग नी आ किया स्वभाव सूं हुवे । दर्शन नी भाषा में मिलण री किया नै यधात अर विलग होणे रो किया नै भेद कैवे ।

धर्म तत्त्व गति मे सहायक हुवे । जियां मछली खातर पाणी अप्रत्यक्ष रूप सूं सहकारी है, उणीज भांत जीव अर पुद्गल द्रव्यां रै ननि करणा मे धर्म सहकारी कारण है ।

क्रियायुक्त जीव अर पुद्गल नै ठहरण मे जो अप्रत्यक्ष रूप सूं नहायता दंवे वो अधर्म द्रव्य है । धर्म द्रव्य अर अवर्म द्रव्य जीव अर पुद्गल द्रव्यां नै जवरदस्ती नी चलावे अर नौ ठहरावे । अै तो निमित्त रूप सूं उणाग महायक वणी ।

जो सब द्रव्यां नै आधार देवे वो आकाश है । इण रा दो भेद लोकाकास अर अलोकाकास हुवे । जीव, पुद्गल, धर्म अधर्म, काल ये द्रव्य जितरा आकाश मे ठहरै वो लोकाकास अर जठै आकास रै सिवाय दूजा द्रव्य नी हुवे वो अलोकाकास कहीजे ।

जो द्रव्या रै परिवर्तन मे सहकारी हुवे वो काळ द्रव्य कही जै । धंटा, मिनट, समय आदि काळ राईज पर्याय है ।

अै जीव अर अजीव तत्त्व संसार रै निर्माण रा मुख्य तत्त्व है। संसार अनादि अनन्त है। इं री रचना किणी ईश्वर नी करी।

३. पुण्य तत्त्व :

पुण्य गुभ करम हुवै अर पाप अगुभ करम। अै दोन्युं अजीव द्रव्य है। ग्रास्त्रीय हृष्टि सूं पुण्य रा नौ भेद है। वी इण भांत है—
 (१) अन्त पुण्य, (२) पान पुण्य [३] लयन (स्थान) पुण्य,
 (४) शयन (शैया) पुण्य. (५) वस्त्र पुण्य, (६) मन पुण्य,
 (७) वचन पुण्य, (८) काय पुण्य अर (९) नमस्कार पुण्य। अथति अन्न, पाणी, औख्यध आदि रो दान करणो, ठहरण खातर जर्यां देवणी, मन में आच्छा भाव राखणा, खोटा वचन नीं बोलणा, ससीर सूं आच्छा काम करणा, देव गुरु नै नमस्कार करणौ अै सगळा पुण्य करम है।

४. पाप तत्त्व :

पापां रा कारण अनेक हुवै पण संक्षेप में अै अठारा मानी-जै। अै पापस्थान पण कहीजै। इणारा नाम इण भांत है—
 (१) हिंसा (२) भूठ (३) चोरी (४) अब्रह्मचर्य
 (५) परिग्रह (६) क्रोध (७) मान (८) माया (९) लोभ (१०) राग
 (११) द्वेष (१२) कलह (१३) अस्याख्यान (भूठो नाम लगाणो, दोस देवणो। (१४) पैशुन्य (चुगली) (१५) परनिन्दा (१६) रति-अरति पाप में रुचि धरम में अरुचि) (१७) माया-मृपावाद, (कपट सूं भूठ बोलणो) अर (१८) मिथ्या दर्शन।

व्यावहारिक हृष्टि सूं आ बात कहीजै कै पाप करण सूं नरक रो दुख मिलै, लोक में अपयश मिलै अर निन्दा हुवै। पुण्य करण सूं देवलोक रो सुख मिलै, अर लोक में यश, सन्तान, वैभव आदि री प्राप्ति हुवै। पण पूर्ण मुक्ति रे मारग पर वढणिया साधक खातर

पाप अर पुण्य दोन्हूं हेय है। गुभ-यमुभ ने छोड़िर सुद्ध वीतराग भाव मै रमण करणोइज श्रद्धात्म रो लक्ष्य है।

५. आस्तव तत्त्व :

पुण्य-पाप व्यक्त करमाँ रै आवण रो रास्तो आस्तव कहीजै। आस्तव रा पांच भेद इण भांत है— (१) मिथ्यात्व, (२) अविरति, (३) प्रमाद (४) कपाय अर (५) योग।

मिथ्यात्व रो अरथ है विपरित सरधा राखणी, तत्त्व ज्ञान नी हुवणो। इण मैं जीव जड़ पदारथा मैं चेतना, अतत्त्व मैं तत्त्व, अवरम मैं घरम बुद्धि आदि विपरीत भावना रो प्रलयणा करै।

अविरति रो अरथ हृवै-त्याग रो भावना रो अभाव, त्याग मैं अरुचि, भोग मैं भुख अर उत्साह री भावना।

प्रमाद रो अरथ है—आत्म कल्याण खातर आच्छा काम करण री प्रवृत्ति मैं उत्साह नी हुवणो, आलस्य, मद्य, मांस आदि रो सेवन करणो।

कपाय रो अरथ है—क्रोध, मान, माया, लोभ री प्रवृत्ति।

योग रो अरथ है—मन, वचन काया री शुभाशुभ प्रवृत्ति। योग दो भांत रा हृवै। सुभयोग अर असुभ योग। सुभ योग सूं पुण्य रो बंध हृवै अर असुभ योग सूं पाप रो।

६. बंध तत्त्व .

सुभ-यमुभ करम जद आतमा रै सागे चिपक जावै तद वा अवस्था वध कहीजै। औ बंध चार भांत रा हृवै—(१) प्रकृति बंध, (२) स्थिति बंध, (३) अनुभाग बंध अर (४) प्रदेस बंध।

प्रकृति बंध करमाँ रै सभाव नी निश्चित करै। स्थिति बंध करमाँ रै काळ रो निश्चय करै। अनुभाग बंध करमा रो फळ निश्चित

करै श्र ग्रहण करियोड़ा करम पुद्गलां नै कमवेसी परिमाण में बाटै ।

७. संवर तत्त्व :

करम रै आवण रो रास्तो रोकणो संवर है । संवर आतमा री राग-द्वेष मूलक असुद्ध वृत्तियां नै रोकै । संवर रा पांच भेद इण भांत है—

- (१) सम्यक्त्व—विपरीत मान्यता नी राखणी ।
- (२) व्रत—अठारह प्रकार रै पापां सूं बचणो ।
- (३) अप्रमाद—धरम रै प्रति उत्साह राखणो ।
- (४) अकषाय—कोध, मान, माया, लोभ आदि कषायां रो नास करणो ।
- (५) अयोग—मन, बचन, काया री क्रियावां रो रुकणो ।

८. निर्जरा तत्त्व :

आतमा में पैलां सूं आयोड़ा करमां रो क्षय करणो निर्जरा है । निर्जरा आतम सुद्धि प्राप्त करण रै मारग में सीडियां रो काम करै । आ दो भांत री हुवै—(१) सकाम निर्जरा श्र अर (२) अकाम निर्जरा । सकाम निर्जरा में विवेक सूं तप आदि रो साधना करी जावै । अकाम निर्जरा मे बिना ज्ञान श्र र सयम सूं तप साधना करी जावै । विना विवेक श्र र सयम सूं करियोड़ो तप बाळ तप कहीजै । इण सूं करम निर्जरा तो हुवै, पण सांसारिक बधण सूं मुक्ति नीं मिलै ।

९. मोक्ष तत्त्व :

मोक्ष रो अरथ है—सगळा करमां सूं मुक्ति । राग श्र द्वेष रो सम्पूर्ण नास । मोक्ष आतम विकास री चरम श्र पूर्ण श्रवस्था है ।

इण अवस्था में स्त्री-जुलूप, पश्च-रक्षो छोटा-बड़ा आदि रो काँई भेद नी रखै । आतमा रा यगळा करम नष्ट हुवण पर वा लोक रे अभ्र भाग मे पौच जावै । व्यावहारिक भाषा में उण नै सिद्धशिला कैवै । यूं मोक्ष कोई स्थान नी है । जिण भांत दीपक री लौ रो सुभाव ऊपर जावणो है, उणीज भाँत करम मुक्त आतमा रो सुभाव पण ऊपर उठण (ऊर्ध्वगामी हुवण) रो है । करमां सूं मुक्त हुवण पर आतमा आपणे सुढ़ सुभाव सूं चमकवा लागै । उणी रोइज नाम मुक्ति, निवाण अर मोक्ष है ।

मोक्ष प्राप्ति रा चार उपाय है—सम्यक् ज्ञान, दर्शन, चारित्र अर तप री आराधना । ज्ञान सूं तत्त्व गी जाणकारी हुवै । दर्शन सूं तत्त्व पर सरधा वढै । चारित्र सूं करमां नै रोकया जावै अर तप सूं आत्मा रे वध्योडा करमा रो क्षय हुवै । इण चारुं उपाय सूं जीव मोक्ष प्राप्त कर सके । इण री साधना मे जाति, कुळ, वाश आदि रो काँई वंधन कोनी । जो आतमा आपणे आतम गुणां नै प्रकट कर लेवै वा मोक्ष री अविकारी बण जावै ।

[२] आतमा

भगवान महावीर आतमा नै अनादि, अनन्त अर अनासवान बताई । वारै मत में आतमा इज आपणे गुणां रो विकास कर परमात्मा वणा जावै । वीजा दार्शनिकां री मान्यता है कै आतमा परमात्मा रो इज अंस है । वारै मुताविक जियां आग सूं एक चिन-गारी छिटक'र न्यारी हुय जावै अर पाढ़ी आग में मिल जावै, उणीज भांत आतमा अर परमात्मा रो सम्बन्ध है । पण भगवान महावीर आतमा रो स्वतंत्र अस्तित्व मानियौ अर कयो—आतमा जद करम मळ रो नास कर'र निर्विकार हुय जावै तद वा खुदइज परमात्मा वणा जावै ।

प्रभु महावीर आतमा री ओळखाण करावतां कयौ—आतमा अमूर्त है। वा आंख्यां सूं देखी नीं जा सके। वा शुद्ध चैतन्य स्वरूप है। सरीर में चेतना री अनुभूति आतमा रै कारण सूं इज है। करमां रै मुताबिक आतमा मिनख अर जिनावरां रो सरीर धारण करै अर उणां रै कारण इज कदै नारकी रो दुख भोगै तो कदै देवलोक रो सुख। आतमा इज आपणै सुख-दुख री कर्ता है अर वाइज उणां री भोक्ता।

महावीर री दृष्टि में आतमा अर सरीर जुदा-जुदा है। जठा ताईं आतमा संसार सूं मुक्त नीं हुवै वा एक सरीर नै छोड़ र वीजो सरीर धारण करती रैवै। भगवान महावीर परमातमा री कल्पना सृष्टि री रचनाकरण आला रै रूप में नीं करी। वांरी दृष्टि सूं परमातमा वीतराणी हुवै। वांनै संसार सूं काई लेणो-देणो नीं। आतमा रो चरम विकास इज परमातमा हैं। इण दृष्टि सूं जितरी आंत्मावां तपसंयम रै मारग पर चाल र आपणा करम क्षय कर देवै, वी सब परमातमा वण जावै। परमातमा बणियां पछै भी उणारो स्वतंत्र-अस्तित्व रैवे। किणी एक जोत में मिल र वी आपणो अस्तित्व नष्ट नीं करै। स्वातंत्र्य बोध री आ मान्यता महावीर रै आतमवाद री खास विशेषता है।

महावीर री दृष्टि में आतमा अनन्त ज्ञान, अनन्त दर्शन, अनन्त चारित्र, अर अनन्त बळ री धणी है। वींनै ओ बळ किणी बीजी शक्ति सूं नीं मिलै। वा खुद आपणी साधना सूं आपणै में छिप्यौड़ा इण बळ नै जागृत करै। चार धातिक करम (ज्ञानावरणीय, दर्शनावरणीय, मोहनीय, अर अन्तराय) आतमा री मूळ शक्ति रै स्रोत नै रोक लैवै। जद अै धाती करम नष्ट हुय जावै तद आतमा रो विकास अर उणरी अनन्त शक्ति रो बोध हुवै।

आतमा री तीन अवस्थावां

1. बहिरातमा :

आतमा री तीन अवस्थावां मानीजै—बहिरातमा, अन्तरातमा

पर परमात्मा ।

१. बहिरात्मा :

बहिरात्मा वा अवस्था जिएमें आत्मा जागृत नींहुवै, वीनै आत्मज्ञान नी हुवै । जीव, सरीर अर इन्द्रियाँ नैइज वा आत्मा ममभै ।

२. अन्तरात्मा :

अन्तरात्मा वा अवस्था है जद जीव नै ज्ञानी पुरुषां रै सम्पर्कं सूं आत्मज्ञान हुवै । वी नै सरीर सूं आपणे अलग अस्तित्व रो भान हुवै । वा आ वात समझ जावै कै जिण भांत म्यान अर तलवार एक नी है, उणोज भांत आत्मा अर सरीर पण एक कोनी । अन्त-मुख आत्मा सरीर नै पर पदारथ समझ' र उण पर मुख नी हुवै । उण नै संसार अर उणरै पदार्थ' सूं हपं अर विषाद नीं हुवै । उणनै इष्ट-सयोग में सुख अर इष्ट-वियोग में दुख नी हुवै । समभाव री जोत उणरै मानस नै जगमगावा लागै । राग-ह्वेष रो भाव नष्ट हुय जावै । दुनियां री सै वस्तुओं अर घटनाओं नै वा मध्यस्थ भाव सूं देखै ।

३. परमात्मा :

परमात्मा वा अवस्था है जद आत्मा नै अतीन्द्रिय ज्ञान हुय जावै । वा अनन्त सुख, अनन्त ज्ञान अर अनन्त सक्ति रो स्रोत वण जावै । उणमें किणी भांत रो विकार नीं हुवै । वा परमानन्द-मयी अर विशुद्ध चैतन्य स्वरूप आळी हुय जावै ।

आ परमात्म दसाइज परमन्नह्य है, जिनराज है, परम-तत्त्व है, परमगुरु, परमजयोति, परमतप, अर परम ध्यान है । जै इण सरूप नै जाण लियी वी सै कुछ जाण लियो अर जै इण सरूप नै नीं जाणियो वीं सै कुछ जाण' र भी काँई नीं जाणियो ।

[३] कर्म

विश्व रै विशाल रंगमंच पर निजर डालण सूं मालूम हुवै कै इण में चाहकांनी विविषता अर विषमता है । चार गतियां अर

चारासी लाख जीव योनियां में भ्रमण करणा आळा जीव एक जिसा रूप अर शक्ति आळा कोनी । कोई मिनख है तो कोई पसु, कोई पंछी है तो कोई कीड़ा-मकोड़ा ।

मनुष्य गति में पण अनेक भाँत री विषमतावां देखणा नै मिलै । कोई मिनख हृष्ट-पुष्ट है तो कोई दुबलो-पातरो । कोई रूपालो मनमोवणो है तो कोई कालो-कलूटो । कोई धनवान है तो कोई गरीब । कोई सूखी है तो कोई दुखी । कोई नीरोगी है तो कोई जनम-जात रोग आळो । प्रभु महावीर इण सगळी विषमतावां रो कारण आपणा-आपणा करमां नै बतायो । आच्छा करम रै बंध सूं मिनख नै सुख अर बुरा करमां रै बंधणा सूं दुख मिलै ।

करम रो सरूप

लोक व्यवहार अर सास्त्रां में करम सबद काम-धन्दा अर व्यवसाय करणा रै अरथ में प्रयुक्त हुवै । खावणा-पीवणा, हलणा-चलणा आदि कामां में भी करम सबद रो प्रयोग हुवै । पण जैन दर्शन में करम सबद रो एक विशेष अरथ हुवै । संसारी जीव, जद राग-द्वेष युक्त मन, वचन, काया री प्रवृत्ति करै तद आतमा में एक स्पन्दन हुवै जिसूं वा चुम्बक री दाईं बीजा पुद्गळ, परमाणुवां नै आपणी तरफ खीचै, अर तौ परमाणु लोहे री दाईं उणा सूं चिपक जानै । ऐ पुद्गळ परमाणु भौतिक अर अजीव हुंगै पण जीव री राग-द्वेषात्मक मानसिक, वाचिक अर कायिक क्रिया रै द्वारा खींच'र आतमा रै सागै दूध-पाणी दाईं घलमिल जानै, आग अरलो हविण्ड री दाई आपस में एकमेक हुय जावै । जीव रै द्वारा कृत (क्रिया) हुवण सूं श्वे कर्म कहीजै । कर्म बंध रा मूल कारण राग अर द्वेष है । राग-द्वेष री भावना रै वसीभूत हुय जै करम करै उणा रो फळ वांतै अवस मिलै । आच्छा करमा रो फळ आच्छो अर बुरा करमां रो फळ बुरो मिलै ।

करम रा भेद :

आतमा रा मुख्य आठ गुण हुवै । इणांने आच्छादित करण सूं करम भी आठ प्रकार रा मानीजै (१) ज्ञानावरण (२) दरसनावरण (३) वेदनीय (४) मोहनीय (५) आयु (६) नाम (७) गोत्र अर (८) अन्तराय ।

इणा आठ करमां मांय सूं ज्ञानावरण, दरसनावरण, मोहनीय अर अन्तराय अै चार धाती करम कहीजै अर वाकी रा चार वेदनीय, आयु, नाम अर गोत्र अधाती करम कहीजै । धाती करम आतमा रै सागै रैवै । अै आतमा रै ज्ञान, दरसण, चारित्र, सुख आदि मूल गुणां रो धात करै । इण करमां नै नष्ट कियां विगर आतमा सर्वज्ञ अर केवळी नी वण सकै । अधाती करम आतमा रै मूल स्वरूप नै नष्ट नी करै । इणांरो असर केवल सरीर, इन्द्रिय, उमर आदि पर पडै । इणांरो सम्बन्ध इणीज जनमताईं रैवै ।

१. ज्ञानावरण :

जो करम आतमा री ज्ञान शक्ति नै आच्छादित करै वो ज्ञानावरण करम कहीजै । ज्यूं आंख्यां पर लाग्योडी कपडै री पट्टी देखण में वाधा डालै, उणोज भाँत ज्ञानावरण करम आतमा नै पदारथ रो ज्ञान करण मेर रुकावट डालै ।

२. दरसनावरण :

दरसनावरण करम आतमा री पदारथां नै देखण री शक्ति नै आच्छादित करै । शो करम पैरेदार रै समान है जो राजा रै दरसण करण या मिलण मेर रुकावट डालै ।

३. वेदनीय :

वेदनीय करम रा दो भेद हुवै—साता वेदनीय अर असाता वेदनीय । साता वेदनीय रै उदय सूं जीव सारीरिक अर मानसिक

सुख रो अनुभव करै अर असाता वेदनीय रै उदय सूं जीव दुख रो अनुभव करै । वेदनीय करम सैत सूं पुत्योड़ी तलवार रै माफिक है । सैत पुत्योड़ी तलवार री धार चाटतां समय जो छणिक सुख मिलै वो साता वेदनीय अर चाटतां वगत तलवार री धार सूं जीभ कटण रो जो दुख मिलै वो असाता वेदनीय । कैवा रो मतळव्र ओ कै संसार रा सगला सुख दुख-मिश्रित है ।

४. मोहनीय

मोहनीय करम दारूरै माफक है । ज्यूं दारू मिनख री बुद्धि नै नष्ट करै अर वो बेभान हुय जावै, वीं नै हिताहित रो ज्ञान नीं रैवै, उणीज भांत ओ करम आत्मा रै ज्ञान सुभाव नै विकृत बणावै । उणमै पर पदार्था रै प्रति ममत्व बुद्धि जगावै । आठ करमां माय मोहनीय करम सगला सूं भयंकर अर ताकतवर है । ओ करमां रो राजा कहीजै ।

५. आयु :

आयु करम री स्थिति सूं प्राणी जीवै अर उणरै नष्ट हुवण सूं जीव मरै । इण करम रो सुभाव कैदखाना रै माफिक है । जियां अदालत सूं सजा पायोड़ो अपराधी पूरी सजा पायां बिगर पैलां नीं छूट सकै, उणीज भांत आयु करम जठा ताईं बणियो रैवै बठा ताईं जीव आपणे सरीर रो त्याग नीं कर सकं । आयु करम रा नरकायु, निर्यञ्च आयु, मनुष्य आयु अर देव आयु औ चार भेद है ।

६. नाम :

नाम करम जीव नै एक जूंण सूं दूसरी जूंण में लै जावै । इण करम रै कारणइज जीव री जूंण अर जूंण सम्बन्धी सरीर री अवस्था-व्यवस्था निश्चित हुवै । ओ करम चित्रकार रै मुजब है । जियां चित्रकार भांत-भांत रा चित्र बणावै उणीज भांत ओ करम

देव, नारक, मनुष्य, पशु-पंचो रै सरीर, इन्द्रिय, अवयव वर्ण, गंध, रस, स्पर्श आदि री रचना करे । नाम करम रा दो भेद हुवी-सुभ अर असुभ । सुभ नाम करम सूँ हङाळो, सुडौळ, आकर्पक अर प्रभावणाली सरीर वर्ण अर अनुभ नाम करम सूँ बदसूरत, वेडोल सरीर री स्थिति हुवी ।

७. गीत्र :

गोत्र करम जीव री उण स्थिति रो निधारण करे जिण रै कारण जीव इसा कुळ, जाति, परिवार आदि में जनम लेवो कै वो ऊँचो-नीचो समझ्यो जावै । ईं करम रा तुलना कुम्हारसू करी जावै । जियां कुम्हार भात-भतीला घडा वणावै, उणांमें सूँ कुछेक घडा इसा हुवी कै लोग वारी अक्षत, चंदण आदि सूँ प्रजा करे अर कुछेक घडा इसा हुवी कै दाह आदि राखण में काम आवै अर खराव सम-भया जावै ।

८. अन्तराय :

अन्तराय करम रै उदय सूँ आतमा री दान, लाभ, भोग उप-भोग अर वीर्य (वळ) सम्बन्धो सक्तियां में रुकावट आवै । इण करम रै कारण इज लोगां में साहस, वीरता, आतम विश्वास आदि री कमी-बेसी हुवी । ओ करम खजांची रै मानिन्द है । जियां राजा रो हुकम हुवण पर भी खजांची रै विपरीत होएं सूँ इच्छा माफक धन री प्राप्ति में रुकावट पड़े, उणीज भांत आतमा रूप राजा री दान, लाभ आदि री अनन्त शक्ति होता हुयां भी ओ करम उण रै उपभोग में बाधा डालै ।

पुरुसारथ अर करम :

मिनख आपणी करमां (भाग्य) रो खुद निरमाता है । वो आपणे कियोड़े करमां नै भुगतण खातर बाध्य है, पण इतरो बाध्य

कोनी कै वो उणांमें काँई बदलाव नी ला सकै । करम बांधण में मिनख नै जित्ती स्वतंत्रता है, उत्तीई स्वतंत्रता उणानै करम भोगण में भी है । पुरसारथ रै बळ सूं मिनख करम रै फळ में परिवर्तन ला सकै । भगवान् महावीर करम-परिवर्तन रा चार सिद्धान्त बताया—

१. उद्दीरणा—नियत अवधि सूं पैलां करम रो उदय में आवणो ।

२. उद्वर्तन—करम री अवधि अर फळ देण री शक्ति मे बढ़ोतरी हुवणो ।

३. छपवर्तन—करम री अवधि अर फळ देण री सक्ति मे कमी होवणो ।

४. संक्रमण—एक करम प्रकृति रो बीजी करम प्रकृति में संक्रमण हुवणो ।

इए सिद्धान्त रै माध्यम सूं प्रभु महावीर बतायो कै मिनख आपणे पुरसारथ रै बळ सूं बंध्योड़ा करमां री अवधि कम-बेसी कर सकै । वो करमां री फळ-सक्ति नै मंद या तीव्र पण कर सकै । इए भांत नियत अवधि सूं पैली करम भोग्यो जा सकै । तीव्र फळ आलो करम मंद फळ आळै करम रै रूप में अर मंद फळ आलो करम तीव्र फळ आळै करम रै रूप में भोग्यो जा सकै । पुण्य करम रा परमाणु पाप रै रूप में अर पाप करम रा परमाणु पुण्य रै रूप में संक्रात हुय सकै ।

करम रा अै सिद्धान्त मिनख नै निरासा, अकर्मण्यता, ग्र वराधीनता री मनोवृत्ति सूं बचावै । जै मिनख रो वर्तमान पुरसारथ सत् हुवै तो वो अतीत रा असुभ करम-संस्कारां नै नष्ट कर सकै या उणानै सुभ में बदल सकै । अर जै उणारो वर्तमान पुरसारथ असत् हुवै तो वो आपणे लाभ सूं भी वंचित रैय जावै । संक्षेप में क्यौं जा

सकै कं जो मिनख आपणे पुरपारथ रे प्रति सांची है, जागरूक है, तो वो आपणे करमां री अधीनता सूं वारै निकळ सकै । महावीर रो करम सिद्धान्त इण बात पर जोर देवै कै मिनख नै मिल्योडा दुख-सुख किणी ईश्वर रे विरोध या किरपा रा प्रतिफळ कोती । वां रो कर्त्त-भोक्ता मिनख खुदईज है अर वीं में ईज आ ताकृत है कै वो आपणे सावना रे बळ सूं आपणो भारथ (कर्म) बदळ सकै । ईश्वर-निर्भरता सूं छुड़ा'र मिनख नै आतम निर्भर वणावण में महावीर रे करम सिद्धान्त री महत्त्वपूर्ण भूमिका है ।

[४] तप

राग-द्व पादि पाप करमां सूं जै आतमा मलीन श्र असुद्ध हुवी । उणरी सुद्धि खातर तप रो विधान है । तप एक इसी आग है जिमें तप'र आतमा विसुद्ध वण जावी । तप दो भाँत रो हुवै—(१) वाह्य तप (२) आस्थ्यन्तर तप ।

वाह्य तप :

जिण किया रे करण सूं, इन्द्रियां रो निग्रह हुवै, वृत्तियां रो तंयम हुवै, लोगां नै भी मालूम हुवी कै ओ तप करर्यो है वो वाह्य तप कहीजै, जियां उपवास या दस वीस दिनांरी लास्वी तपस्या या विग्रय (घी, दूध, दही आदि) त्याग तथा सरीर नै सरदी, गरमी आदि में राख'र तकलीफां सहन करण रो अभ्यास करणो आदि ।

वाह्य तप रा छ भेद :

वाह्य तप रा छ भेद है—अनसन, ऊणोदरी, भिक्षाचरी, रसपरित्याग, कायकलेस शर प्रतिसंलीनता ।

१. अनसन :

अनसन रो अरथ है—आहार रो त्याग करणो । ओ तप

सगळा तपां में पैलो है आहार रै प्रति सगळा प्राणियां री आसवित हुनै। भूख पर विजय पाणो सबसूं दोरो है। आहार त्याग रो मतलब हुनै प्राणां रो मोह छोड़णो, मौत रै डर नै जीतणो। आहार त्याग सूं मार्नासिक विकार दूर हुनै। ओ तप उपवास कहीजै। उपवास सबद दो सबदां सूं बण्यो है। उप+वास। उप रो अरथ हुवै समीप शर वास रो अरथ है—रैवणो। श्रथात् आत्मा रै नैडेरैवणो। आत्मा रो सुभाव आनन्दमय अर ज्ञानमय है। इण आनन्द री अनुभूति वोईज कर सकै जो राग-द्वेष आदि विकारा सूं अळगो रै'र समभाव में रमण करै।

२. ऊणोदरी :

तप रो दूजो भेद ऊणोदरी है। इण रो मतलब है भूख सूं कम खावणो। इण तप सूं खाद्य-संयम री भावना नै बळ मिलै अर अनावश्यक धन संचय करण री प्रवृत्ति पर अंकुस लागै। ओ तप धार्मिक हष्टि रै सागै-सागै आर्थिक अर सामाजिक हष्टि सूं भी घणो उपयोगी है।

३. भिक्षाचरी :

तीजै तप भिक्षाचरी रो सम्बन्ध निरदोस आहार ग्रहण करण री विधि सूं है। इण तप रो सम्बन्ध विशेष कर मुनियां सूं है। मुनि निरदोस आहार ग्रहण करबा खातिर भिक्षावृत्ति करै। वीं कैई घरां सूं थोड़ो-थोड़ो भोजन लै'र आपणो गुजर-बसर करै। इण तप में साधक रै खातर विधान है कै वो अभिग्रह आदि नियमां सूं लूखो-सूखो जिसो भी निरदोस आहार मिल जावै, समभाव सूं ग्रहण करै। श्रावक नोतिपूर्वक जीवननिर्वाह रा साधन जुटावै।

४. रसपरित्याग :

चौथै रस परित्याग तप में सुवाद वृत्ति पर विजय पावण रो

आदर्श है। जीभ रे मुवाद पर विजय पावणी घणी मुसकल है। इण कारण इण साधना नै भी तप मानियो है। इण तप रो साधक सवाद पर विजय पा'र अभक्ष्य चीजा रे ग्रहण सूं बचै।

५. कायक्लेस :

पांचमो कायक्लेस तप है। क्लेस रो अर्थ है-कष्ट। आत्म कल्याण खातर शरीर नै कष्ट देवणो कायाक्लेस तप है। इण तप में आत्मा रा करम मळ दूर करण खातर सरीर नै भूख, तिस, सर्दी, गरमी, ध्यान, आसन आदि धार्मिक क्रियावां सूं तपायो जावै। इण क्रिया सूं आत्मा में स्थिरता, शुद्धता अर सहनशीलता जिसा गुणां रो विकास हुवै।

६. प्रतिसंलीनता :

छटो प्रतिसलोनता तप है। इन्द्रियां नै असद्वृत्तियां सूं हटा'र सद्वृत्तियां में प्रवृत्त कराणो प्रतिसंलीनता तप है। इण रा मुख्य रूप सूं चार भेद है।

इन्द्रिय प्रतिसंलीनता तप में पांचूं इन्द्रियां (आंख, नाक, कान, जीभ, सरीर) नै विषय विकारां सूं दूर राखण री कोसिस हुवै। कषाय प्रतिसंलीनता में कषाय (क्रोध, मान, माया, लोभ) री प्रवृत्ति रो निग्रह कियो जावै। योग प्रति संलीनता में मन, वचन अर काया नै असुभ भावां सूं सुभ भावां कांनी मोड्चो जावै। मन नै एकाग्र कियो जावै, मौन राख्यो जावै। विवक्त सद्यासन सेवना तप में इसी ठौड़ रैवण री मना हुवै जिसूं काम, क्रोध आदि मनोविकारां नै उत्तेजना मिलै।

आभ्यन्तर तप :

आभ्यन्तर तप री साधना सूं सरीर नै कष्ट तो कम मिलै पर मन री एकाग्रता, सरलता, भावां री शुद्धता रो अभाव बेसी रैवै।

आभ्यन्तर तप रा छह भेद :

आभ्यन्तर रा छह भेद हुवै—प्रायशिचत, विनय, वैयावृत्य, स्वाध्याय, ध्यान अर व्युत्सर्ग ।

१. प्रायशिचत :

प्रायशिचत रो अरथ है—प्रमाद या अणजाण में हुई भूलां रे प्रति मन मे ग्लानि या पश्चाताप करणो अर उणां नै फेर दुबागा नीं करण रो संकल्प लेवणो । इण भाँत आतम निरीक्षण सूं जीवन शुद्ध अर सरल बणै ।

२. विनय :

विनय रो अरथ है नम्रता । आपणै सूं बड़ा रै प्रति नम्रता अर छोटा रै प्रति स्नेह अर वात्सल्य भाव राखणो विनय तप है । विनय सूं अहकार टूटै अर सदाचार री भावना में बढोतरी हुवै ।

३. वैयावृत्य :

वैयावृत्य रो अरथ है—सेवा । जो साधक निस्काम भाव सूं समाज सेवा अर राष्ट्र सेवा करै वो भी बड़ो तपस्वी मानीजै । जैन आगमां मुजब सेवा करण सूं तीर्थङ्कर गोत्र करम री प्राप्ति हुवै । सेवा परम धर्म है । इण सूं करमां री निरजरा हुवै ।

४. स्वाध्याय :

स्वाध्याय रो अरथ है—विधिपूर्वक सत् शास्त्रां रो अध्ययन करणो । अध्ययन में तल्लीन हुवण सूं मन एकाग्र हुवै, शुद्ध विचार आवै अर ज्ञान बधै । इण सूं ज्ञानावरणी करम रो नास हुवै । वाचना, पृच्छना, परिवर्तना, अनुप्रेक्षा, धरमकथा आदि स्वाध्याय रा पांच प्रकार है ।

५. ध्यान :

ध्यान रो प्रथ है—मन री एकाग्रता । मन नै असुभ विचारां सूं सुभ कांनी मोडणो । सुभ कांनी बढतो मन किणी विषय में तन्मय हुय जावै तो वो ध्यान कहीजै । ध्यान सूं आत्म बळ रो विकास हुवै । ध्यान चार भाँत रो हुवै—आर्त, रीद्र, धर्म अर शुकल । पैला दो ध्यान असुभ मानीजै । श्री त्यागण जोग है । आखर रा दो ध्यान सुभ है । लम्बी तपस्या उपवास सूं जितरा करम क्षय नी हुवै, उत्तरा मुहूर्त भर रे सुभ ध्यान सूं हुय जावै ।

६. व्युत्सर्ग :

व्युत्सर्ग रो अरथ है—विशिष्ट विधिपूर्वक त्याग करणो । घन, सम्पत्ति, सरीर आदि रे प्रति आसक्ति अर कपाय (काम, क्रोध, मान, माया, लोभ आदि) रो त्याग करणो व्युत्सर्ग तप है । इण तप में देह रे प्रति आसक्ति सूं मुक्त रैवण रो अभ्यास करियो जावै ।

ऊपर वतायोडा तप री साधना सूं करमां री निर्जरा अर अनेक गुणां रो विकास हुवै जै स्वस्थ समाज अर प्रगतिशील मजबूत राष्ट्र रे विकास रा मूल आधार वणे ।

[५] गृहस्थ-धर्म

भगवान महावीर साधुओं अर गृहस्थां रे खातर जिण धरम री व्यवस्था दीवी, को क्रमणः श्रमण धरम अर श्रावक धरम कही जै । साधु नां खातर महाव्रतां रो अर श्रावकां खातर अणुव्रतां रो विधान है । महाव्रतां रे पालण में मुनि सगळा पाप करमां सूं वचै पण गिरस्त री कुछ सीमावां, मर्यादावां हुवै जिणा कारण वै सम्पूर्ण पाप करमां रो त्याग कोनी कर सकै । पापां रो आंशिक त्याग इज अणुव्रत या श्रावक धरम कहीजै । पाप, प्रारिणां रे आन्तरिक या आत्मिक विकारां रो इज दूजो नाम है । विकार इज दुखां रो कारण है । इणां विकारां सूं दुख वढ़े अर इणांरी कमी सूं दुख घटै ।

पांच अणुव्रतः

मोटे रूप सूँ पाप पांच भांत रा हुवै-हिंसा, झूठ, चोरी, कुसील अर परिग्रह । इए पापां रो अंशतः त्याग अणुव्रत कहीजै । श्री भी उणीज क्रम सूँ पांच भांत रा हुवै—(१) अहिंसा (२) सत्य (३) अचौर्य (४) ब्रह्मचर्य अर (५) परिग्रह-परिमाण ।

१. अहिंसा :

इए व्रत रो धारक हिंसा रो देशतः त्याग करै । वो संसार रै सगळा प्राणियां नै आपणी आत्मा रै समान समझै । वो सोचै कै जियां दुख म्हनै नी पसन्द है उणीज भांत दूजा प्राणियां नै भी दुख पशन्द कोनी । आ सोच वो दूजा प्राणियां रो अहित नी करै । उणांनै कष्ट नीं देवै । अहिंसा में उणरी पूरी सरधा हुवै । हिंसा नै वो त्याज्य समझै । पण गिरस्ती में सम्पूरण हिंसा सूँ बचणो संभव कोनी । इए कारण अहिंसाणुव्रत रो संकल्प ले'र वो निरपराध प्राणियां नै तकलीफ नीं देवै, उणां रो वध नीं करै, पसुवां आदि पर बत्तो भार नीं लादै, चाबूक, बैत आदि सूँ उणां पर वार नीं करै । वांनै भूखा-तिसा नीं राखै । किणी रें सागै कूरता पूर्ण अमानवीय बैवार नीं करै । इए व्रत रै पाळण सूँ हिंसा-कूरता कम हुय'र अपणायत अर लोक-कल्याण री भावना में बढ़ोतरी हु-ै ।

२. सत्य

इए व्रत में असत्य रो देशतः त्याग करियो जावै । इए व्रत रै धारक में सत्य रै प्रति पूर्ण निष्ठा हुवै । वो झूठी साख नीं देवै । जाळी दस्तखत नीं करै । किणी री राखीयोड़ी धरोहर नै पाढ़ी देवण सूँ ना नीं करै । झूठा लेख, भाषण अर विज्ञापन आदि नां देवै । इए व्रत रै पाळण सूँ अविसवास मिट'र विसवास, सत्यता, ईमानदारी, शामाणिकता जिसा गुणां री बढ़ोतरी हुवै ।

३. अचौर्य :

इण व्रत में चोरी रो देशतः त्याग करियो जावै। इण व्रत रे धारक रो अचौर्य में पूरो विसवास हुवै। वो दूर्जा री वस्तु चोरी री नियत सूं नी लैवै। चोर नै चोरी करण में की भात री मदद नीं देवै। नकली वस्तु नै अपली वता'र ग्रर असली नै नकली वता'र नीं वेचै। वस्तु में किणी भात री मिलावट नी करै। राज रे नियमां रे विलुष्ट काम नी करै। जेव काटण अर सेघ लगाण जिसा चोर करमां सूं सदा वचियो रेवै। कम ज्यादा नाप तौल नी करै। मिनख रे थ्रम, सक्ति अर सम्पत्ति रो अपहरण नीं करै। न्याय अर नीति सूं धन कमा'र आजीविका चलावै। इण व्रत रे पाळण सूं सम्पत्ति रो अपहरण मिट'र न्याय-नीति रो प्रसार हुवै।

४. ब्रह्मचर्य :

इण व्रत रो धारक परस्त्रीगमन रो त्याग व स्वस्त्री गमन री मर्यादा राखै। अप्राकृतिक काम भोग नी करै। नग्न नृत्य, अश्लील गायन, भट्टी मजाकां आदि सूं वचै। इण व्रत सूं व्यभिचार, दुराचार मिट'र सदाचार रो प्रसार व पोषण हुवै।

५. परिग्रह-परिमाण :

इण व्रत में परिग्रह रे परिमाण रो नियम कियो जावै। इं व्रत रो धारक आ सोचै कै परिग्रह वृत्ति विषय कषायां नै बढ़ाण आली है। गिरस्त होवण रे कारण वो पूर्ण रूप सूं तो परिग्रह रो त्याग नीं कर सकै पण धन-धार्य, खेती, पशु, दुकान, मकान, सोना, चांदी, आदि राखण री निश्चित मर्यादा अवश्य करै। इण व्रत रे पाळण सूं आधिक विषमतावां अर संघर्ष मिट'र समता व शान्ति रो प्रसार हुवै।

तीन गुणव्रत :

पांच अग्नुव्रतां नै गुणाकार रूप में वढ़ावरणे खातर गुणाव्रतां
री योजना हुवै । श्रै गुणव्रत तीन प्रकार रा है—

१. दिग्व्रत :

इण रो अरथ है चाहूं दिसावां में आणौ-जारणै रो परिमाण
निश्चित करणो ।

२. देसव्रत :

इण रो अरथ है—क्षैत्र विषयक हद वांधणी, अमुक नदी, पहाड़
आदि री सीमा सूं वारे वैपार नीं करणो ।

३. अनर्थदण्ड विरमण व्रत

सरीर री चंचळता, अस्थिरता, वाणी रो अनर्गल उपयोग
आदि अनर्थ दण्ड है । इण व्रत में इसा कामां सूं बच्यो जावै
जिण रै करण सूं आपणो कांई भी प्रयोजन नीं सरे अर बिना कारणई
पाप करमां रो संचय हुवै ।

चार शिक्षाव्रत :

पांच व्रतां नै मजबूत बणावण खातर शिक्षाव्रतां रो विधान
करियो गयो है । श्रै शिक्षाव्रत चार प्रकार रा है—

१. सामायिक व्रत :

इणमें सगळा पापां रो त्याग कर समभाव नै प्राप्त करण रीं
साधना की जावै । सामायिक करतां वगत श्रावक निष्पाप जीवन
बितावै । इण सूं तन, मन, अर वाणी में स्थिरता आवै ।

२. देसावकासिक व्रत :

दैनिक व्रत ग्रहण करणरी प्रवृत्ति देसावकासिक व्रत कहीजै ।

आवक हिंसादि आस्वां रो द्रव्य, क्षेत्र, काळ री मर्यादा सूं नितहमेस संकोच करै । इण रे अभ्यास सूं जीवन संयत अर नियमित वरै ।

३. पौसवोपवास व्रत :

इण व्रत में साधक हिंसादि पाप करमां रो एक दिन रात खातर त्याग करै । पौपध व्रत में वो खुद पाप कर्यां सूं बचै अर दूजा सूं भी वो हिंसादि रा काम नीं करावै ।

४. अतिथि संविभाग व्रत

घर आयोड़ो अतिथि देव री भांत हुवै । साधु-साध्वी श्रव साधर्मीजिनां रो आवश्यादर करणो हरेक गृहस्थ रो फरज हुवै । समतावृत्ति बढावण में तथा समाज में सौहार्द भाव री थरपणा में ओ व्रत घणो उपयोगी है ।

[६] अर्हिंसा

अर्हिंसा सबद रो अर्थ है—हिंसा नी करणी, किणी जीव नै नीं मारणो । अर्हिंसा रो मरम भलीभांत समझण खातर हिंसा रो सरूप समझणो जर्हरी है । जेन परिभाषा मुजब हिंसा सबद रो अरथ हुवै—प्रमाद युक्त मन, वाणी अर सरीर सूं दूजा रै अथवा आपणे प्राणां रो नास करणो । प्राण दस हुवै—पांच इन्द्रियां, मन, वाणी, सरीर, सांस अर आयु । इण दसूं प्राणां मांयसूं किणी एक नै भी प्रमाद रै वसीभूत हुय'र नुकसाण पोंहचाणों, हिंसा है

हिंसा रो मूल कारण प्रमाद :

प्रमाद पांच भांत रा हुवै—

(१) इन्द्रियाँ री विपयासक्ति

(२) कषाय-कोष, मान, माया, लोभ आदि मनौवेग-

(३) आलस्य या असावधानी ।

(४) विकथा-बेकार री बातां ।

(५) मोह-राग-द्वेष आदि

अग्र प्रमाद हृदय नै विकृत अर संकुचित बणावै । इणा सूँ प्रेरित हुय'र दूजा रै प्राणां नै आधात पौंहचाणो हिसा है । प्रमाद भाव नै नष्ट करण खातर मैत्री अर अभेद भावना रो विकास करणो चाइजै । द्वेष अर सुवारथ नै मैत्री अर समानतारी भावना सूँ जीतणो चाइजै । सब जीव जीवणो चावै, मरणो कोई नीं चावै । सब जीवां नै आपणै समान समझ'र किणी नै नुकसान नीं पौंहचाणो, जिसो बैवार आपांनै आपणै सागै पसन्द है विसोइ बैवार दूजां रै सागै करणो, अहिसा है ।

हिसा रो मूल कारण प्रमाद युंक्त आचरण होता हुयां भी पांच ओहं बीजा कारण है जिणां रै वसीभूत होय'र मिनख हिसा करै । वै इण भांत है—

(१) अर्थ दण्ड (२) अनर्थ दण्ड (३) हिसा दण्ड (४)

अकस्मात दण्ड (५) दृष्टि विपर्यास दण्ड । मनोरंजन खातर किणी प्रांणी नै मारणो, दुख पौंचावणो, अंग-भंग करणो अनर्थ दन्ड है । इण हिसा सूँ नीं तो सरीर री रक्षा हुवै अर नीं परिवार, कुटुम्ब अर मित्र रो कोई प्रयोजन सिढ्ह हुवै । कोई जीव आपानै मार सकै या किणी भांत रो नुकसान पौंचाय सकै इणरी आसंका मात्र सूँईज उणनै मार डालणो हिसा दण्ड है । अचाणक गलती सूँ एक रै बदलै दूजा जीव री हिसा कर देवणी अकस्मात दण्ड है । इणीज भांत भ्रम सूँ मित्र नै शत्रु समझ'र या साहूकार नै चोर समझ'र उणनै दण्ड देवणो दृष्टि विपर्यास दण्ड है ।

इण कारणां रै अलावा हिसा रा मुख्य निमित्त है—राग अर द्वेष । राग रा दो प्रकार है—माया अर लोभ अर द्वेष रा भी दो प्रकार है—क्रोध अर मान ।

क्रोध में आय प्रत्र-पुत्री आदि पारिवारिक सदस्यानै मारणो, पीटणो, सरदी-गरमी में उघाड़े सरीर ऊभोकर देणो, आ हिंसा क्रोध निमित्तक हिंसा कहीजै । जाति, कुल, बल रूप, तप, ऐश्वर्य, प्रज्ञा आदि में खुद नै वडो मानंर घमण्ड करणो, दूजाँ नै नीचो समझणो, उणारो अपमान करणो मान निमित्तक हिंसा है । ऊपर सूं सम्भ्य अर शिष्ट वण'र छिप्योडे रूप सूं पाप करणो, दूजाँ नै ठगणो, कपट करणो, उणाँ रै गुप्त भेदां सूं बेजो फायदो उठाणो मायानिमित्तक हिंसा है । ऊपर सूं भोग रै प्रति उदानीनता रो भाव धार'र कामभोगां री पूरति खातर, विषय भोगां री चीजां रो संग्रह करणो, उणारै संरक्षण री चिन्ता करणी लोभनिमित्तक हिंसा है ।

जैन धरम में आत्मघात करणो बहुत बड़ी हिंसा है । धरणकरा लोग कैवै के आपणी आत्मा रो धात करण में हिंसा कोनी, पण आ बात गलत है । आत्मघात करणियो मिनख भय, क्रोध, अपमान, लोभ, राग आदि भावां सूं प्रेरित हुय'र आत्मघात करै । श्रै कारण हिंसा रा ईंज है । आत्मघाती मिनख में आत्म विसवास अर कस्ट सहिष्णुता नी हुवै । कायरता, भय, दीनता, आत्मविसवास रो कमी आदि अवगुण, सद्गुणां रो नास करै । इण वास्तै आत्मघात महापाप अर हिंसा मानीजै । पण साधक जद काळ नै नैडो जाण समझाव पूर्वक अनशन व्रत अंगीकर कर'र आत्मसरूप मे रमण करतां हुयो मरण प्राप्त करे तो वो आत्मघात नी कहीजै । श्रो समाधि मरण कहीजै । साधना री दृष्टि सूं ईंरो घणो महत्व है ।

मिनख आजीविका, आमोद-प्रमोद अर सवाद रै वसीभूत हुय'र दारू, मांस, चमड़ा, दांत आदि सूं वणी चीजां रो उपयोग करै । जैन दृष्टि सूं आ भी हिंसा मानीजै ।

रुद्धिवादी लोग लौकिक मान-मनौतियां पूरी करण खातर दैवी-देवता रै सामै अनेक जीवां री बल्हि देवै । दैवी-भक्ति अर

सिद्धि प्राप्ति री आङ में आ बहुत बड़ी हिसा है। इण हिसा रो एक मात्र कारण अज्ञान, अधिविसवास अर भोगासक्ति है।

अर्हिसा अर शुभ प्रवृत्ति :

जिण भांत आपांनै सुख वाल्हो है, उणीजभांत दूजां नै पण सुख वाल्हो है। जियां आपांनै कष्ट प्रप्रिय है उणीज भांत दूजा नै भी कष्ट अप्रिय है। आ सोच'र प्राणिमात्र रै सागे एकत्व री अनुभूति अर मैत्री भाव राखणो चाइजै।

अर्हिसा रा हजारं रूप अर स्नोत है। भगवान महावीर कह्यो-दया, समाधि, क्षमा, सम्यक्त्व, चित्त री दृढ़ता, प्रमोद, विसवास, अभय, समत्व, मैत्री आदि भाव अर्हिसा रै परिवार मैं गिणीजै। औ गुण अर्हिसा रो विकास करै। इणां रै चिन्तन अर बैवार सूं प्रमाद भाव घटै। अर्हिसा रै पाळण खातर मन, वचन अर काया री स्वच्छन्द (असद) प्रवृत्तियां पर रोक लगावणी जरूरी है।

मानवीय वृत्ति री अशुभ सूं निवृत्ति अर सूभ में प्रवृत्ति करण खातर जो विधि सास्त्रां में वर्णित है। समिति कहीजै। समिति रा पांच प्रकार है—(१) ईर्या समिति, (२) मन समिति, (३) वचन समिति, (४) एषणा समिति, (५) आदान निक्षैपण समिति।

चालतां, उठतां-बैठतां, काम करतां छोटा-बड़ा जीवां नै पीड़ा नीं पोंचावणी ईर्या समिति है। मन में उठ्योड़ा भावां नो निरीक्षण करणो कै औ भाव दूजां खातर सुखकारी है या दुखदायी, पापकारी है या अपापकारी। इगा भांत सोच'र मन नै सुभ भावना में लगायां राखणो मन समिति है। कठोर, दुखकारी, वाणी नी बोल'र हित-कारी, सत्य, मधुर वचन बोलणा वचन समिति है। गुजारां खातर

तामसिक, राग-द्वेष सूं भरियोड़ी उत्तेजित वस्तुवा रो सेवन नीं कर'र स्वास्थ्यप्रद, सात्त्विक भोजन, पाणी, वस्त्र, पात्र आदि रो ग्रहण (उपयोग) करणे एपणा समिति है। रोजमर्रा काम आणा आली चीजां रे लेणा-देणा, रखरखाव आदि में सावधानी राखणी आदान निक्षेपण समिति है।

किणी जीव या प्राण नै नी मारणो श्रो अर्हिसा रो निषेधात्मक रूप है। अर्हिसा रो विषेधात्मक रूप है—लोक कल्याणकारी प्रवृत्तियां में रस लेण्यो, आतमहितकारी क्रियावां करणी, प्राणीमातर नै आतमवत समझणो, उणांमें किणी भात री भेदवुढ्हि नी राखणी, सब नै सार्ग उदारता रो वैवार करणे अर नितहमेस मैत्रीभाव रो चिन्तन करणे।

समतामूलक समाज :

अर्हिसा सिद्धान्त रो विधायक तत्त्व है समता, विषमता रो अभाव। दुनियां मे कोई छोटो-बड़ो कोनी। सगळा समान है। समतावाद रे इण सिद्धान्त सूं महावीर जातिभेद, वर्णभेद, रंगभेद नीति रो खडन करियो अर वतायो कै—मिनख जनम या जात सूं बड़ो कोनी। वी नै बड़ो वणावै उणारा गुण, उणारा कर्म।

महावीर कह्यो—सिर मुंडाणे सूं कोई श्रमण नीं वण जावै, ओंकार रो नाम लेणे सूं कोई वामण, वन मे निवास करण सूं कोई मुनि अर कुसचीर धारण करण सूं कोई तापस नीं वण जावै। पण समभाव राखण सूं श्रमण, ब्रह्मचर्य सूं ब्राह्मण, ज्ञान सूं मुनि अर तपाराधना सूं तापस वणी। धर्म, सम्प्रदाय, अर जाति रे नाम पर आज विश्व में घणे तनाव अर भेदभाव है। महावीर रे इण सिद्धान्त नै आज सांचा अरथां सूं अपणा लियो जावै, तो श्रो विश्व सगळा खातर स्वर्ग वण जावै।

[७] अपरिग्रह :

मानव री इच्छावां आकास रै समान अनन्त है। एक री पूरति करतां पाण दूजी इच्छा आय ऊभी वै जावै। दूजी री पूरति करण पर फेरूं अनेक इच्छावा पैदा हुय जावै। इणरो नतीजो ओ हुवै कै मिनख री सत-असत् वृत्तियां में संघर्ष होवा लागै। कथनी अर करणी में भेद पड़ जावै। अनन्त इच्छावां री पूरति करण खातर मिनख अनावश्यक जमाखोरी अर धन संग्रह करै। वो आ बात भूल जावै कै जां चीजाँ री उणनै जरूरत है, उणांरी जरूरत दूजा नै भी हुवै। वो आपणी सुवारथ में आंधो बण'र चीजाँ नै एकठी करणा लागै। इणरो परिणाम हुवै कै समाज में दूजी ठौड़ चीजाँ री कमी हुय जावै। इण सूं कालाबाजारी बढ़ै, समाज में विषमता फैले अर वर्ग-संघर्ष नै बढावो मिलै, व्यक्तिगत, सामाजिक अर राष्ट्रीय जीवन असात हुय जावै। इण असांति नै मिटावण खातर प्रभु महावीर लोगां नै अहिंसा रै सागै अपरिग्रह रो, परिग्रह री मर्दिदा तय करण रो उपदेस दियो।

अपरिग्रह रो अरथ है—किणी वस्तु रै प्रति आसक्ति या ममत्व भाव नी राखणो। ओ ममत्व भाव या मूच्छा इज परिग्रह है। ज्यूं-ज्यूं मूच्छा भावना बढ़ै त्यूं-त्यूं मिनख रै आतम विकास रो मारण रुकै, उणरी ज्ञान अर विवेक री ज्योति नष्ट हुवै। मिनख सुवारथ अर लोभ में आंधो बण जावै। ममत्व भाव जरूरत सूं बेसी चीजा जमा करण री प्रेरणा देवै। बेसी चीजाँ जमा करण खातर, बत्तौ धन कमावण खातर मिनख अन्याय करै, राजनिप्रमां रो उल्लंघन कर'र बेजाँ फायदो उठावै। इण भांत ज्यूं-ज्यूं वीं नै लाभ मिलै त्यूं-त्यूं वीरोलोभ बढ़तो जावै। पण फेरूं मिनख नै संतोष अर तृप्ति नीं हुवै। उणरी इच्छा औरूं बत्तौ लाभ कमावण री रैवे। माकडी रै जाळा री भांत मिनख लाभ अर लोभ रै चक्कर में फंसतो जावै। जिसूं वींनै आत्मिक सांति रै बजाय असांति मिलै,

सुख रे वजाय दुःख री अनुमूलि हुवै। लाभ अर लोभ री पाग में
बळतो रैवण रे कारण वीनै रात नै नीद पण नी आवै। ओ परि-
ग्रह सगळा दुखां रो मूल है। ईं परिग्रह रा मुख्य दो भेद है (१)
अन्तरंग परिग्रह अर (२) वाह्य परिग्रह।

अन्तरंग परिग्रहः

अन्तरंग परिग्रह रा चवदा भेद मानीजै—(१) मिथ्यात्व,
(२) राग, (३) द्वेष, (४) क्रोध, (५) मान, (६) माया, (७) लोभ,
(८) हास्य, (९) रति, (१०) अरति, (११) शोक, (१२) भय, (१३)
जुगुप्ता, (१४) वेद न (स्त्री-पुरुष रे प्रति अभिनाषा रूप परिणाम)।
ओ अनन्त परिग्रह आतमा री ऊँची उठणा री सक्ति नै नष्ट कर'र
उणरे पतन रो कारण वणी। इण सूँ खमा, दया, करणा जिसा
आत्मिक गुण नष्ट हुय जावै।

वाह्य परिग्रहः

वाह्य परिग्रह मोटे रूप सूँ दस भात रो हुवै—

(१) क्षेत्र-खेत, खुली भूमि गांव-नगर, पर्वत, नदी, नाला
आदि। (२) वस्तुः - मकान, महल, मदिर दुकान आदि। (३)
हिरण्यः सोना चांदी रा सिक्का, नोट आदि। (४) सुवर्ण-मोनो
(५) धन-हीरा, पन्ना, मोती आदि जेवरात (६) धात्य—गोहै,
चावल आदि अन्न (७) द्विपद चतुष्पद-मिनख परिवार तथा गाय,
बल आदि चौपाया जिनावर (८) दासदासी, नौकर चाकर आदि
(९) कुप्प्य—वस्त्र, वर्तन, पलंग, अलमारी आदि घरेलू सामान
(१०) धातु—चांदी, तांदा, पीतल, लोहा आदि। इण वस्तुनां
रो संग्रह करणे अर इणां सूँ ममत्व राखणे वाह्य परिग्रह है।
ईंसूँ आत्मिक सांति नी मिलै। ज्यूँ-ज्यूँ वाहरो परिग्रह वधै

मन में चिन्ता अर परेसानियां भी वधवा लागै। ई कारण ईज सगळा बाह्य पदारथ परिग्रह मानीया जावै।

बाह्य पदारथां रै सागे-सागे संकीर्ण विचार अर दुराग्रह पण परिग्रह है। इण वैचारिक परिग्रह नै दूर करण खातर भगवान महावीर अनेकान्त रो सिद्धान्त वतायो। अनेकान्तवादी हजिटकोण सूं सोचण पर विचारां में किणी रो आग्रह नीं रैवै।

विज्ञान री उन्नति सूं आज वस्तुवां रो उत्पादन कई गुणां बढग्यो है। पण फेरुं उणागे अभाव इज अभाव चालूंकानी लखावै। आज पण घणाखरा इसा लोग है जिएांनी पेट भरण खातर पूरो अन्न अर सरीर ढांकण खातर पूरो कपडो नी मिलै। इणरो मूल कारण व्यक्ति समाज अर राष्ट्र री संग्रहवृत्ति है। आज रो मिनख घणो लोभी है। वो वस्तुवां रो संग्रह कर वाजार में उणां रो अभाव देखणो चावै। ज्यूंई चीजां री कमी हुवै वो जमां कर्योड़ी वस्तुवां नै ऊ चै मोल वेच'र वेगोसो'क लखपति अर करोडपति वणणो चाव। आज गोदामां में लाखां टण अनाज पड़ियो-पाड़ियो सड जावै पण लोभी मिनख अर राष्ट्र जरूरतमंद लोगां में उणाँ नी वाटै। भगवान महावीर रा परिग्रह परिमाण सिद्धान्त नै ध्यान में राख'र जै आवश्यकता सूं वेसी चीजां रो संग्रह नी कियो जावै तो आज पूंजीवाद अर साम्यवाद नाम सूं जो विरोध अर संघर्ष चाल, वो आपैइ खतम हुय जावै अर समाजवादी समाज रचना रो सुपनो साकार हुवण में जेज नो लागे।

[८] अनेकान्त

असांति रो मुख्य कारण हठवादिता, दुराग्रह अर एकान्तिकता है। विज्ञान रै विकास रै सागे मिनख घणो ताकिक वणग्यो। वो प्रत्येक वात नै तर्कं री क्षसीटी पर कस'र देखणो चावै।

हूँसरां रे दृष्टिकोण नै समझवा री कोसिस नी करै । इण अहभाव अर एकान्त दृष्टिकोण सूं आज व्यक्ति, परिवार, समाज अर राष्ट्र से पीडित है । इणीज कारण उणा में संघर्ष है, बेचैनी है ।

भगवान महावीर इण स्थिति सूं मिनख नै उवारण खातर अनेकान्त रो सिद्धान्त प्रतिपादित करियो । उणारो कैवणो है—प्रत्येक वस्तु रा अनन्त पक्ष हुवै । उणां पक्षा नै वां 'धरम' री सज्ञा दीवी । इण दृष्टिकोण सूं सासार री प्रत्येक वस्तु अनन्त धर्मात्मक है । किण भी पदार्थ नै अनेक दृष्टियां सूं देखणो, किणी भी वस्तु तत्त्व रो भिन्न-भिन्न अपेक्षा सूं पर्यालोचन करणो, अनेकान्त है ।

वस्तु अनन्त धर्मात्मक हुवै । कोई वीनै एक धरम में बांधणो चाही, अर उण एक वरम सूं होण आला ज्ञान नै इज समग्र वस्तु रा साचो अर पूरण ज्ञान समझ बंठे तो वो ज्ञान यथार्थ नी हुवै । सापेक्ष स्थिति सूं ईज वो सांच हो सकै । निरपेक्ष स्थिति मे नी । हाथी नै थांभा जिसो वतावण आलो व्यक्ति आपणी दृष्टि सूं साचो है, पण हाथी नै रससी दाईं वतावण आला री दृष्टि में वो सांचो कोनी । हाथी रो समग्र ज्ञान करण वास्ते समूचे हाथी रो ज्ञान कराण आळी दृष्टियां रो अपेक्षावा रैवै । इणीज अपेक्षा दृष्टि सूं अनेकान्त वाद रो नाम अपेक्षावाद अर स्याद्‌वाद पण है । स्यात् रो अर्थ है—किणी अपेक्षा सूं, किणी दृष्टि सूं, अर वाद रो अरथ है—कथन करणो । अपेक्षा विशेष सूं वस्तु तत्व रो विवेचन करणो ईज स्याद्‌वाद है ।

सप्तभंगी :

विवेचन करण री आ शंली सप्तभंगी कहीजै । ईं बचन-शंली रा सात विकल्प इण भांत है—

(१) स्याद्‌अस्ति—किणी अपेक्षा सूं है ।

(२) स्याद्‌नास्ति—किणी अपेक्षा सूं नी है ।

(३) स्याद्‌अस्ति-नास्ति—किणी अपेक्षा सूं है, किणी अपेक्षा सूं नी है।

(४) स्याद्‌अवक्तव्य—है भी, नीं भी, पण एक सागै कहचो नीं जा सके।

(५) स्याद्‌अस्ति-अवक्तव्य—कथचित् है, पण एक सागै कयो नीं जा सके।

(६) स्याद्‌नास्ति अवक्तव्य—कथचित् नीं है पण कयो नी जा सके।

(७) स्याद्‌अस्ति-नास्ति अवक्तव्य—किणी अपेक्षा सूं है, किणी अपेक्षा सूं नी है, पण दोन्युं बातां एक सागै प्रगट नी की जा सके।

इण सात विकल्पां मांय सूं पैला चार विकल्प अधिक व्यावहारिक है। आखरी तीन विकल्पां मांय पैलड़ा चार विकल्पां रो ईंज विस्तार कियो गयो है। औ नीचै दियोड़ा उदाहरण सूं समझ्या जा सके—

तीन आदमी एक ठौड़ ऊभा है। किणी आवणियं मिनख एक सूं पूछ्यो—काई थां इण रा पिता हो ?

वीं उत्तर दियो—हां (स्याद्‌अस्ति) आपणै इण बेटे री अपेक्षा सूं म्हूं पिता हूं। पण इण पिताजी री अपेक्षा सूं म्हूं पिता नीं हूं (स्याद्‌नास्ति) म्हूं पिता हूं भी अर नीं भी (स्याद्‌अस्ति-नास्ति), पण एक सागै दोन्युं बातां कही नीं जा सके (स्याद्‌अवक्तव्य), इण वास्तै काई कैवूं ?

स्थाद्वाद री आ वचन शैली जीवन रो सहज धरम है, वेवार रो सीधी सादी भाषा है। जे कोई इण नै आच्छी तरेऊं समझ लेवै तो सगळा वैचारिक झगड़ा, टकराहट अर संघर्ष मिट जावै।

अनेकान्तवाद इण वात पर जोर देवी कं आ वस्तु एकान्त रूप सूं डसी 'ही' है, आ वात मत कैवो। 'ही' री जगा 'भी' रो प्रयोग करो। इण कथन भूं आपसी संघर्ष नी वढेला, एक दूजा रै बोचै सीहाद्यूर्ण, मधुर वातावरण वरेला। मैत्री भाव रो विस्तार झैवैलो अर बिचार उदार वरेला।

११ | महावीर री परम्परा

पट्ट-परम्परा :

भगवान् महावीर रै निर्वाण रै सागैइ तीर्थद्वार परम्परा समाप्त हुय जावै । महावीर रा पैला अर सब सूं बड़ा शिष्य इन्द्र-भूति भी केवलज्ञानी बणग्या । इण कारण वी संघ रा वारिस तीं बणिया । महावीर रै धरम मासन रो भार पांचवा गणधर सुधरमा तें सूंपियौ गयौ । आर्य सुधरमा महावीर री शिक्षावां आपणां शिष्यां नै मौखिक विरासत रै रूप में सूंपी । वर्तमान में आगम रूप में जो महावीर वारी प्रसिद्ध है वा सुधरमा इज आपणे शिष्य जम्बू स्वामी अर अन्य स्थविरा ने दीवी । जम्बू स्वामी रै पछै उणारा पट्टधर प्रभव स्वामी हुया । जम्बू स्वामी रै सागैइज केवलज्ञानी री परम्परा समात्त हुयगी अर जम्बू स्वामी केवलज्ञानी नी बण सक्या । श्वेताम्बर परम्परा मुजब जम्बू स्वामी रै बाद क्रमशः प्रभव, सत्यंभव, यसोभद्र, संभति विजय अर भद्रबाहु आचार्य हुया । पण दिगम्बर परम्परा मानै कै जम्बू स्वामी रै पछै नन्दी, नन्दीमित्र, अपराजित, गोवरधन अर भद्रबाहु आचार्य हुया । दोन्यूं परम्परा सूं आ ठा पड़ै कै आर्य प्रभव रै समै जै मतभेद हुया नै भद्रबाहु रै समय में सांत हुयग्या अर सगळा एक मतै सूं भद्रबाहु नै आपणा आचार्य मजूर करियो ।

महावीर रै निर्वाण रै १६० बरसां पछै भद्रबाहु रै नेतृत्व में विद्वान् श्रमणां री एक सभा हुई जिए में महावीर रै उपदेसां रो ग्यारा अंगां रै रूप में संकल्प कियो गयो । कुछेक श्रमणां इण

आगमां ने प्रामाणिक मानवा सूं इन्कार कर दियो । श्वेताम्बर मान्यता रै मुजव अठा सूं ईज वास्तविक रूप में दिगम्बर परम्परा री सरुग्रात हुई ।

वल्लभी-संगीति :

याददास्त रे आधार परटिक्योडो श्रुत साहित्य धीरे-धीरे लुप्त हुवण लागो । स्मृति दोष रे कारण भांत-भांत रा मतभेद पग खड़ा हुयग्या । ईं कारण महावीर रे निवारण रे लगभग एक हजार वरसां पाछै आचार्य देवद्विगणि री श्रद्धयक्षता में श्रमण संघ री एक संगीति वल्लभी (गुजरात) में हुई अर याददास्त रे आधार पर चल्या आगोड़ा आगम लिपिवद्ध करिया गया । इण लिपि करण सूं साहित्य मे स्थिरता अर एकरूपता आई अर आपस रा मतभेद भी कम हया । आगे जा'र आचार्य हरिभद्र, सिद्धसेन, समन्तभद्र, अकलक, हेमचन्द्र जिसा महान विद्वाना जैन साहित्य री घणी सेवा करी अर दर्शन, न्याय, काव्य, कोस, व्याकरण, इतिहास आदि सगळो इष्टि सूं जैन साहित्य नै समृद्ध बणायो ।

परम्परा-भेद :

ओ तथ्य जाणबा लायक है कै महावीर रे निवारण रे लगभग ६०० वरसां पाछै जैन धरम दो मताँ में बटरयो-दिगम्बर अर श्वेताम्बर । जो मत साधुओं री नभन्ता रो पक्षधर हो अर उणनै इज महावीर रो मूळ आचार मानतो हो वो दिगम्बर कहलायो । ओ मत मूळ संघ रे नाम सूं भी जाणीजै, अर जो मत साधुओं रे वस्त्र, पात्र रो समर्थक हो वो श्वेताम्बर कहलायो ।

दिगम्बर-परम्परा :

आगे जा'र दिगम्बर मत कई संघा में बंटग्यो । इणां में मुख्य है—द्राविड़ संघ, काष्ठा संघ अर माथुर संघ । कालांतर में सुद्ध

आचारी, तपस्वी, दिगम्बर मुनियां री संख्या कम हुयगी अर एक नूंवै भट्टारक वरग रो उदय हयो । जींरी साहित्य रै क्षेत्र में महत्व-पूर्ण देन है । जद भट्टारकां में आचार री शिथिलता आई तो उण रै खिलाफ एक क्रांति हुई, जिणरा अगुआ हा-बनारसी दास । ओ पथ तेरापंथ कहलायो । इण में टोडरमल जिसा विद्वान दार्शनिक हुया । वर्तमान में दिगम्बर परम्पर रा श्री देशभूषणजी, विद्यानंदजी आदि प्रमुख आचार्य अर मुनि है ।

श्वेताम्बर-परम्परा :

श्वेताम्बर मत पण आगे जा'र दो भागां में बंटगयो-चैत्यवासी अर बनवासी । चैत्यवासी उग्र विहार छोड़'र मिन्दरां में रैवण नागा । कालान्तर में श्वेताम्बर परम्परा में कैई गच्छ बणग्या, जिणरी संख्या ८४ मानीजै । इण में खरतरगच्छ अर तपागच्छ मुख्य है । कयौ जावै कै वर्धमानसूरि रा सिष्य जिनेश्वर सूरि सम्बत् १०७६ में गुजरात रै अणहिलपुर पट्टण रै राजा दुरलभराज री सभा में जद चैत्यवासियां नै पराजित किया तद राजा उणां नै 'खरतर' नाम रो विगद दियो । इण भांत खरतरगच्छ नाम चाल पड़ियो । तपागच्छ रा संस्थापक श्री जगत्चन्द्र सूरि मानिया जावै । संबत् १२८५ में इणां उग्र तप करियो । इण रै उपलक्ष में मेवाड़ रा महाराणा जैतसिह इणानै 'तपा' उपाधि सूं विभूषित कियो । तदसूं ओ गच्छ तपागच्छ नाम सूं प्रसिद्ध हुयो । खरतरगच्छ अर तपागच्छ दोन्यूं इ मूरति पूजा में विस्वास राखे ।

इण परम्परा में तरुण प्रभ सूरि, सोमसुन्दर सूरि, माणिक्य सुन्दर सूरि, मेरुसुन्दर, हीर विजय सूरि, राजेन्द्र सूरि, विजयवल्लभ सूरि जिसा कैई प्रभावी आचार्य अर मुनि हुया । वर्तमान में सर्वश्री धर्मसागरजी, विजय समुद्र सूरिजी, यशोविजयजी जनकविजय जी, कान्तिसागर जी, कल्याण विजय जो, भद्रंकर विजयजी, भानुविजय जी, विशाल विजय जी आदि प्रमुख आचार्य अर मुनि है ।

लौकापंथ :

पन्द्रहवीं-मोलवीं सती में घरम रे नाम पर फैल्योडै बाहरी आडम्बर रो सत लोगों विरोध कियो । जिसुं भगवान री निराकार उपासना नै बल मिल्यो । श्वेताम्बर परम्परा रा स्थानकवासी, तेरापथी अर दिगम्बर परम्परा रा तारणापंथी मूरति पूजा में विश्वास नी राखै । लौकासाह (सम्वत् १५०८) नूंवै लौकापथ रो थरपणा करी । वां मूरति पूजा अर प्रतिष्ठा रो विरोध करियो अर पौषध, प्रतिक्रमण, संयम आदि पर विशेष बल दियो । ओं पंथ आगे जा'र कैई गच्छां में दंश्यो । इणारी तीन मुख्य शाखावां है - गुजराती लौका-गच्छ, नागौरी लौकागच्छ, लाहोरी-उत्तरार्द्ध लौकागच्छ ।

स्थानकवासी परम्परा :

आगे जा'र इण परम्परा में जद आडम्बर बढ़ियो तद सर्वश्री जीवराज जी, लवजी, घरमसिंह जी, घरमदास जी हरजी, घन्नाजी आदि आचार्यां क्रियोद्वार करियो अर तप-त्याग मूलक सद्धर्म रो प्रचार करियो । श्री स्थानकवासी परम्परा रा अग्रवा मानीजै । आ सम्प्रदाय वाइस ठोला रे नांम सूं भी प्रसिद्ध है । ईं में सर्वश्री भूधर जी, रघुनाथजी, जयमल जी, कुशलोजी, रतनचंद जी, अमरसिंह जी, हुकमीचद जी, अमोलक ऋषि जी, जवाहरलालजी, नानकराम जी, आत्माराम जी, पन्नालाल जी, धासीलाल जी, सभरथमल जी, चौथमल जी जिसा घण्टवरा प्रभावशाली आचार्य अर संत हुया । वर्तमान में इण सम्प्रदाय में सर्वश्री आनन्द ऋषि जी, हस्तीमलजी, नानालाल जी, अमर मुनि, सुशील मुनि, पुष्कर मुनि, मरुधर केसरी मिश्रीमल जी, मधुकर मुनि, किस्तुर चंद जी, सूर्य मुनि, प्रतापमल जी, अम्बालाल जी जिसा कैई प्रभावशाली आचार्य अर मुनि है ।

तेरापंथ :

स्थानकवासी परम्परा सूं इज संवत् १८१७ में तेरापंथ सम्प्र-

दाय रो उद्भव हुयो । ईं सम्प्रदाय रा मूल संस्थापक आचार्य भीखण जी है । वर्तमान समय में ईंए सम्प्रदाय रा नवमा पट्टधर आचार्य तुलसी है । आप अगुव्रत आंदोलण रो प्रवर्त्तन कर नैतिक जागरण री दिसा मे विशेष पहल करी । भीखण जी अर आपरै बीचं सात आचार्य हुया, जिएं रा नाम है—सर्वश्रो भारमल जी, रायचंद जी, जीतमल जी (जयाचार्य), मघवा गणी, माणक गणी, डाल गणी अर कालू गणी । वर्तमान में इण सम्प्रदाय में सर्वश्री नथमल जी, बुद्धमल जी, नगराज जी जिसा कैई विद्वान मुनि है ।

सांस्कृतिक देन :

देस मे संस्कार-शुद्धि रै आन्दोलन में जैन धरम री इण महान् परम्परा रो महत्वपूर्ण योगदान रह्यो है । इण परम्परा में जै धण खरा गणगच्छ है, वां में जो भेद लंखावै वो व्यावहारिक हृष्टि सूं इज है । आतमा, परमातमा, मोक्ष, संसार आदि रै सम्बन्ध में इणां में कोई भेद कोनी । जैन धरम रै आचार्यों, साधु-संतां अर श्रावकां रो सम्पर्क साधारण जनता सूं ले'र बड़ा-बड़ा राजा-महाराजा ताईं रह्यो । प्रभावशाली जैन श्रावक अठैं राजमन्त्री, फोजदार सलाहकार, खजांची अर किलेदार जिसा विशिष्ट ऊंचा पदां पर रह्या । गुजरात मे कुमारपाठ रै समै बस्तुपाठ तेजपाठ जैन धर्म री धणी प्रभावती करी । मेवाड़ में रामदेव, सहणा, कर्मसिंह, भामा साह, क्रमेशः महाराणा लाखा, महाराणा कुंभा, महाराणा सांगा अर महाराणा प्रताप रा राजमन्त्री हा । कुंभलगढ रा किलेदार श्रासामाह बाल्क राजकुंवर उदयसिंह रो गुप्त रूप सूंपाठन-पोषण कर अदम्य साहस अर स्वामिभक्ति रो परिचय दियो । बीकानेर रा यन्त्रियां में वत्सराज, करमचन्द बच्छावत, वरसिंह, संग्रामसिंह आदि री सेवावां धणी महत्वपूर्ण है । बीकानेर रा महाराजा राय सिंह जी, करणसिंह जी, सूरतसिंह जी जैनाचार्य जिनचन्द्र सूरि, धर्म वंधन अर ज्ञानसार जी नै बड़ो सम्मान दियो । जोधपुर राज्य रा

मंत्रियाँ में मेहता रायचन्द, वर्धमान, आसकरण, मूरगोत नैणसी, इन्द्रराज मेहता, अखैराज, लखमीचंद आदि रो विशेष महत्त्व है। जयपुर रा जैन दीवाना री लाभ्मी परम्परा रथी है। इणाँ में मुख्य है— मोहनदास संघी, हुकुमचंद, विमलदास छावड़ा, रामचन्द्र छावड़ा, कृपाराम पाण्ड्या, मानकचंद गोलेछा, नथमल गोलेछा आदि। अजमेर रा घनराज सिंधवी बड़ा योद्धा हा। औ सगळा वीर मत्री आपणे प्रभाव सूँ जैन मंदिरा अर उपासरा रो निरमाण करायो। घण्ठाखरी जैन कल्याणकारी प्रवृत्तियाँ रे विकास अर संचालक मे भी इणाँ रो बड़ो हाथ रथो।

देस रे नव निर्माण री सामाजिक, धारमिक, शैक्षणिक, राजनीतिक, आर्थिक प्रवृत्तियाँ में जैन मतावलभ्मी महत्त्वपूर्ण योगदान दियो। सम्पन्न जैन श्रावक आपणी आमदनी रो निश्चित भाग लोकोपकारी प्रवृत्तिया मे खरच करै। जीवदया, पणुब्रह्म निषेध, वृद्धाथ्रम, विधवाथ्रम, जिसी कई प्रवृत्तियाँ चालै। जरूरतमंद लोगां नै मदद देवणा सारूँ भी कई ट्रस्ट काम करै। समाज में अछूत कहावा आळा लोगाँ रे जीवन स्तर नै ऊँचो उठा'र वामै फैल्योडी कुरीतियाँ मिटावणा खातर वीरवाल अर धरमपाल जिसी प्रवृत्तियाँ चालै। लोक शिक्षण रे सागे नैतिक शिक्षण खातर घण्ठाखरी शिक्षण संस्था वां, स्वाध्याय मंडल अर छात्रावास काम करै। सार्वजनिक स्वास्थ्य सुधारणा नी दिसाँ में जैन लोगाँ घण्ठाखरा अस्पताल खोलिया। अठै रोगियाँ नै मुक्त में या रियायती दर पर इलाज री सुविधा दी जावै।

पुराणे साहित्य री रक्षा करण में जैनियाँ रो महत्त्वपूर्ण योग दान रह्यो। जैन माधुनी केवळ मौलिक साहित्य री रचना करी वरन् जीर्ण शीर्ण दुरलभ ग्रंथा रो प्रतिलेखन कर वांनै नष्ट हुवण सूँ वचाया। वांरी प्रेरणा सूँ ठौड़-ठौड़ ग्रंथ भंडार थरपीजग्या। औ ग्रंथ भंडार राष्ट्र री सांस्कृतिक निधि रा सांचा रक्षक है।

महावीर री परम्परा में आज हजार० साथु मुनिराज अर-
साध्यांजी है। श्री चौमासे में एक ठौड़ रैवे अर शेषकाल गांव -
गांव पदयात्रा करै। इणां री प्रेरणा अर उपदेसां सूं समै-समै
नैतिक जागरण आध्यात्मिक साधना अर तप-त्याग रा विविध
कार्यक्रम बरणै। लोककल्याण री घणखरी प्रवृत्तियां पण चालै।
इण भांत व्यक्तिगत जीवन निरमल, उदार अर पवित्र बरणै तथा
सामाजिक जीवन मांय मैत्री, बातसल्य, बन्धुत्व जिसा भावां री
बढ़ोतरी हुवै।

कुल मिला'र कयौ जा सकै कै महावीर री परम्परा में जीवन
रै सर्वगीण विकास कांनी लगोलग ध्यान रैवे। आ परम्परा मानव
जीवन री सफलता नै इज मुख्य नीं मानै, इण रोबल रैवे मिनखपणा
री सार्थकता अर आतपसुद्धि पर।

१२ | महावीर-वारणी

लोकभाषा रो प्रयोग :

भगवान् महावीर आपणा उपदेस लोकभाषा में दिया । वाँ रै प्रवचनां री भाषा अर्धभागधी (प्राकृत) ही जो उण वगत मगध अर अंग देसां में बोली जावती । महावीर रा उपदेस किणीं खास वर्ग, धर्म या जाति खातर नी हा । वणां री धरमसभा में राजा-रंक, महाजन-हरिजन, वामण-सूद्र संं जणा समान भाव सूं आवता ।

महावीर सूत्र रूप में उपदेस देवता । वांरो संकलन गणधर गाथा या ग्रंथ रूप में कियो । आज भगवान् महावीर रा जै उपदेस वचन मिलै, वै गणधरां अर स्थविर मुनियां द्वारा संकलित मान्या जावै । महावीर रा उपदेस ग्रंथ 'आगम' कहीजै ।

आगम साहित्य :

जैन धर्म री दिग्म्बर परम्परा रो विसवास है कै भगवान् महावीर री वाणी आज मूल रूप में सुरक्षित कोनी । वणारा बाद रा आचार्यां याददास्ती रै आधार पर जिण शिक्षावाँ रो संकलन कियो, वो इज आज मिलै । पण इवेताम्बर परम्परा मानै कै भगवान् महावीर री शिक्षावा आज भी उणीज भाषा में आगम रूप में सुरक्षित है । इवेताम्बर मूर्तिपूजक परम्परा आगमां री सख्या ४५ मानै । स्थानकवासी अर तैरापंथी परम्परा री मान्यता ३२ आगमां री है । ३२ आगमां रा नाम इण भांत है—

ग्यारह अंग

१. आचारांग

बारह उपांग

१२. औपपातिक

२. सूत्रकृतांग	१३. राजप्रश्नीय
३. स्थानांग	१४. जीवाभिगम
४. समवायांग	१५. प्रज्ञापना
५. भगवती (व्याख्या प्रज्ञप्ति)	१६. जम्बूद्वीप प्रज्ञप्ति
६. ज्ञाताधर्म कथा	१७. सूर्यप्रज्ञप्ति
७. उपासक दशा	१८. चन्द्र प्रज्ञप्ति
८. अन्तकृदशा	१९. निरयावलिका
९. अनुत्तरारौपपानिक	२०. कल्पावतसका
१०. प्रश्न व्याकरण	२१. पुष्पिका
११. विपाक श्रुत	२२. पुष्पचूलिका
	२३. वाह्नि दशा

चार मूलसूत्र

२४. दशवैकालिक	२८. निशीथ
२५. उत्तराध्ययन	२९. वृहत्कल्प
२६. नंदीसूत्र	३०. व्यवहार
२७. अनुयोग द्वार	३१. दशाश्रुतस्कंध
	३२. आवश्यक

चार छेदसूत्र

२८. निशीथ
२९. वृहत्कल्प
३०. व्यवहार
३१. दशाश्रुतस्कंध
३२. आवश्यक

ऊपर दियोङा ३२ आगमां माय १० प्रकीर्णक [चतुःशरण, आत्मुर प्रत्याख्यान, भक्तपरिज्ञा, संस्तार, तनुळवैचारिक, चन्द्रकवैधक, देवेन्द्रस्तव, गणिविद्या, महाप्रत्याख्यान अरु वीरस्तव) कल्प-सूत्र, चूलिका आदि री गणना करण सू' उणांरी सख्या ४५ हुय जावै।

महावीर-वाणी :

आगमां माय जैन तत्त्वविद्या, जैन आचार, जैन संस्कृति आदि विविध विषयां री जाणकारी है। अठै महावीर-वाणी रा

इसा मूळ प्राकृत अंश राजस्थानी अनुवाद रे सागे दिया जाय रहा है, जै जीवन और समाज नै निर्मल, पवित्र, सयमशील और आत्मपाण बणावण में उपयोगी है।

१. धर्म

धर्मो मंगल मुक्तिकट्ठ, अहिंसा संजमो तबो ।

देवावित नमंसन्ति, जस्स धर्मे सयामणो ॥

दशबौकालिक सूत्र १११

धरम उत्कृष्ट मंगल है। वो अहिंसा, संयम और तप रूप है। जिए साधक रो मन हमेशा इए धरम साधना में रमण करें, वो नै देवता पण नमस्कार करें।

एगा धर्मपडिमा, जं से आया पञ्जवजाए ।

स्थानांग सूत्र १११४०

धरम इज एक इसो पवित्र अनुष्ठान है, जिएसूं आत्मा रो सुद्धिकरण हुवै।

सयय मूढे धर्मां नाभिजाणाइ ।

आचारांग सूत्र ३।१

सदा विपय-वासना में मगत रैवा आळो मिनख (मूढ़) धरम रे तत्त्व नै नी जाए सकै।

समियाए धर्मे आरिएहि पवेइए

आचारांग सूत्र १।८।३

आर्य महापुरुसां समभाव नै धरम कह्यो है।

अत्थेगइयाणं जीवाणं सुततं साहू,

अत्थेगइयाणं जीवाणं जागरियत्तं साहू ॥

भगवती सूत्र १।२।१

अधार्मिक आत्मावां रो सूतो रैवणो आच्छो अर धरमनिष्ठ
आत्मावां रो जागतो रैवणो आच्छो ।

चत्तारि धम्मदारा—खंती, मुक्ती, अज्जवे, मद्दवे ।
स्थानांग सूत्र ४।४

धरम रा चार दरवाजा है—क्षमा, सन्तोस, सरलता अर
नम्रता ।

दीवे व धम्म—

सूत्रकृतांग ६।४

धरम दीवा री भांत अज्ञान रूपी अंधारा नै दूर करै ।

सोही उज्जुग्र भूयस्स, चिटुई ।

उत्ताराध्ययन सूत्र ३।१२

सरल आत्मा री इज सुद्धि हुवौ अर सुद्ध आत्मा में इज
धरम टिकै ।

धम्मस्स विणाओ मूलं ।

दश० ६।२।२।

धरम रो मूळ विनय है ।

२. अहिंसा

सब्बे पाणा पियाउया, सुहसाया दुखपडिकूला अप्पियवहा ।
पियजीविणो, जीविउकामा, सब्बेसि जीवियं पियं ॥

आचारांग सूत्र २।२।३।

सगळा जीवां नै आपणी आयुष्य वाल्हो लागै, सुख आच्छो अर
दुख खराब लागै । मौत सगळा नै खराब अर जीवणो आच्छो लागै ।
हरेक प्राणी जीवा री इच्छा राखै । सगळा नै आपणो जीवन प्यारो
लागै ।

एवं खु नाणिणो सारं, जं न हिंसइ किचण ।

सूत्रकृतांग १/११/१०/

किणो प्राणी री हिंसा नी करण में इज ज्ञानी हुवण रो
सार है ।

आय तुले पयासु ।

सूत्र १/११/३

सगळा प्राणियां रै प्रति आतम तुल्य भाव राखणो चाइजै ।

समया सब्ब भूएसु, सत्तुमित्तेसु वा जगे ।

उत्ता० ११/२५

शक्तु अथवा मित्र सगळा पर समभाव री हृष्टि राखणी
अहिंसा है ।

मेत्ति भूएसु कप्पए ।

उत्ता० ६/२/

सगळा जीवां रै सागे मित्रता रो भाव राखो ।

तुमसिनाम सच्चेव, जं हतव्वं ति मन्नसि ।

आचा. ५/५/

जिएने तू मारणो चावै, वो तू इज है । अर्थात् थारी अर
उणरी आतमा एक समान है ।

से हु पन्नारामांते बुद्धे आरभोवरए ।

आचा. ४/४

जो हिंसात्मक प्रवृत्तियां सूं अळगो है, वोइज बुद्ध-ज्ञानी है ।

सब्बपाणा न हीलियब्बा, निंदियब्बा ।

प्रश्नव्याकरण २/१।

संसार रै किणी प्राणी री नीं अवहेलना (तिरस्कार) करणी
चाइजै अर नी निन्द्या ।

३. सत्य

भासियव्वं हियं सच्च ।

उत्ता. १६।२६।

नित हमेस हितकारी अर सांचा वचन बोलणा चाइजै ।

सच्चां लोगम्मि सारभूय, गम्भीरतरं महासमुद्घात्रो ।

प्रश्नव्याकरण सूत्र २।२।

इण लोक में सत्य इज सार तत्त्व है । ओ महान् समन्दर
सूं भी बत्तो गभीर है ।

लुद्धो लोलो भणेज्ज अलियं ।

प्रश्न २।२।

मिनख लोभ सूं प्रेरित हुयर भूठ बोलै ।

अप्पणो थवणा, परेसुनिन्दा ।

प्रश्न २।२।

आपणी वढाई अर दूजां री बुराई भूठ बोलण रै समान है ।

सच्चां च हियं च मिय च गाहण च ।

प्रश्न २।२।

साधक नै इसा वचन बोलणा चावै जै हित, मित श्र
ग्राह्य हुवै ।

अप्पणा सच्चमेसिज्जा ।

उत्त० ६।२

आपणी आतमा सूं सांच री खोज करो ।

४. अस्तेय

दन्त सोहणमाइस्स अदत्तास्स विवज्जगं

उत्त० १६।२८।

अस्तेय व्रत में सरधा राखणियो मिनख विगर किणी री
आज्ञा सूं दांत कुरेदवा खातर तिणको भी नीं उठावै ।

अणुब्रविय गेहिंयव्वं ।

प्रश्न २।३।

किणी भी चोज नै विगर आज्ञा सूं ग्रहण नीं करणी चाइजै ।

लोभाविले आययई अदत्त ।

उत्त० ३२।२६। ।

जो मिनख लोभ सूं अभिभूत हुवै वो चोरी करै ।

परदब्बहरा नरा निरणुकंपा निरवेक्षा ।

प्रश्न. १।३।

दूजा रो धन लेवा आळो मिनख निरदयी अर परभव री
उपेक्षा करण आळो हुवै ।

परगंतिगडभेज्जलोभ । मूलं ।

प्रश्न १।३६।

पर धन री गृद्धि रो मूळ हेतु लोभ है अर आइज चोरी है । ।

५. व्रह्यचर्य

जहां कुम्मे सग्रंगाइं, मए देहे समाहरे ।

एव पावाइ मेहावी अजभप्पेण समाहरे ।

सूत्र. १।८।१६।

जिण भांत काछ्वो आपणे अंगा नै माय नै सिकोड'र खतरा
सूं मुक्त हुय जावै, उणीज भांत साधक अध्यात्मयोग सूं अन्तरा-
भिमुख हुयर खुदनै विषयां सूं बचावै ।

तवेसु वा उत्तम-बंभचेरं ।

सूत्र. ११६।२३।

तपां में उत्कृष्ट तप ब्रह्मचर्य है ।

अणोगा गुणा अहीणा भवन्ति एककंमि बंभचेरे ।

प्रश्न २।४।

ब्रह्मचर्य री साधना करणे सूं अनेक गुण आपूं आप प्राप्त हुय जावै ।

कुसीलवड्डराणं ठाराणं, दूरश्चो परिवज्जए ।

दश. ६।५६।

ब्रह्मचारी नै वा जगां दूर सूंइज त्याग देणी चाइजै जठै रैवण सूं कुसील आचरण री वृद्धि हुवै ।

६. अपरिग्रह

मुच्छा परिग्रहो वुत्तो ।

दश० ६।२०

वस्तु रै प्रति रह्यो हुयो ममत्व-भाव परिग्रह है ।

नथिथ एरिसो पासो पडिबंधो अत्थि, सब्ब जीवाणुं सब्बलोए ।

प्रश्न० १।५

प्रमत्त पुरुष धन सूं नीं तो इण लोक में आपणी रक्षा कर सकै शर नीं परलोक में इज ।

इच्छा हु आगास समा अणंतिया

उत्त० ६।४८

इच्छावां आकास रै समान अनन्त है ।

परिग्रहनिविट्ठाणं, वेरं तेसि पवड्डई ।

सूत्र० १।६।३।

जो मिनख परिग्रह-संग्रहवृत्ति में व्यस्त रैवै, वो इण ससार में वैर री बढ़ोतरी करै ।

अन्ते हरति तं विर्त्ति, कम्मी कम्मेहि किच्चती सूत्र० १।६।४।

एकठो करियोड़ी धन यथा समय दूजो उड़ा लैवै पण संग्रही
नै उणां करमां रो फळ भोगरां पडै ।

कामे कमाही, कमियं खु दुखें । दश० २१५।

इच्छावां रो नास (अन्त) करणो दुख रो नास करणो है ।

एतदेव एगेसि महब्यं भवई आचा० ५।२।

पनि ग्रह इज इण लोक में महाभय रो कारण हुवै ।

असंविभागी ण हु तस्स मोक्षो दश० १।२।१३।

जो आपणी प्राप्य सामग्री वाटै नीं, उणरी मुगति नीं हुवै ।

७. तप

सउणी जह पंसुगुंडिया, विहुणिय धंसयइ सियं रयं ।
एवं दविअोवहाणवं कम्मं खवई तवस्सि माहणे ॥

सूत्र० २।१।१५

जिण भांत सकुनी नाम रो पंछी आपणे पंखा नै फङ्कड़ार
उण पर लाघ्योड़ी घूड नै भाड दैवै । उणीज भांत तपस्या सूं मुमुक्षु
आपणै आत्म-प्रदेसां पर लागी करम-रज नै दूर करै ।

भव कोडिय संचियं कम्मं, तवसा णिज्जरिज्जइ । उत्त० १०।६।

करोड़ा भवां सूं संचित करियोड़ा करम तपस्या सूं जीर्ण
अर नष्ट हुय जावै ।

तो पूयणं तवसा आवहेज्जा । सूत्र० १।७।२७

तप सूं साधक नै पूजा-प्रतिष्ठा री कामना नीं करणी चाइजै ।

छन्दं निरोहेण उवेइ मोक्षं । उत्त० ४।८।

इच्छा निरोध तप सूं मोक्ष री प्राप्ति हुवै ।

तवेण परिसुज्भई । उत्त० ५।८।३५

तप सूं आत्मा री सुद्धि हुवै ।

६. समभाव

सब्वं जगं तू समयारु पेही, पियमप्पियं कस्स वि नो करेज्जा ।

सूत्र० ११०१६।

जो साधक सगळा विश्व नै समभाव सूं दैखै, वो नी किणी
रो प्रिय करै अर नी किणी रो अप्रिय ।

सामाइयमाहु तस्स ज जो अत्पारण भएरण दंसए ।

सूत्र० ११२।२।१७

समभाव वो इज साधक धार सकै जो अपरण आपनै हर भय
सूं मुक्त राखै ।

नो उच्चावयं भरणं नियछिज्जा । आचा० २।३।१।

संकट री घडियां में मन नै ऊंचो-नीचो अर्थात् डांवाडोल नीं
हुवण देणो चाइजै ।

समय सथा चरे । सूत्र० २।२।३।

साधक नै हमेसा समता रो आचरण करणो चाइजै ।

समता सब्वत्थ सुव्व ए । सूत्र० २।३।१३।

सुव्रती नै हर जगां समता भाव राखणो चाइजै ।

६. वीतराग भाव

न लिप्पइ भव मज्जे वि सांतो,
जलेण वा पोक्खरिणी पलासां ।

उत्त० ३२-४७

जो आतमा विषयांसूं निरपेक्ष है वा संसार में रैवतां हुया
भी जळ में कमळणी री भाँत अलिप्त रँवै ।

विमुक्ता हु ते जणा पारगमिणो ।

आचा० १।२।३।

जै साधक इच्छावां पर विजय पाय लीवी, वै सचमुच मुक्त
पुरुष है ।

से हु चक्रबू मणुस्सारां जे कंखाए व अन्तऐ ।

सूत्र० ११५।४।

जिण साधक ग्रभिलाषा-आसक्ति नै नष्ट कर दीवी वो
मिनखां खातर मार्गदर्शक आंख रूप है ।

वोयरागभाव पदिकत्तै विद्यरण्,

जीवे सम सुहदुक्खे भवइ ।

उत्त० २६/३६ ।

बीतराग भाव नै प्राप्त करण आळो जीव सुख-दुख में समान
रैवे ।

अणिहे से पुट्ठे अहियासए ।

सूत्र० २/१/१३

आतमविद् साधक नै निस्पृह भाव सूँ आवण आळा कष्ट
सहन करणा चाइजै ।

१०. आतमा

जे एगं जाणइ, से सब्बं जाणइ ।

जे सब्बं जाणइ, से एग जाणइ ॥

आचा० १।३।४।

जो एक नै जाणै वो सबनै जाणै अर जो सबनै जाणै वो
एक नै जाणै ।

अप्पा नई वेयरणी, अप्पा में कूडसामली ।

अप्पा काम दूहा धेणु, अप्पा मे नंदणं वरण ॥

उत्त० २०।३६।

म्हारी दुष्प्रवृत्त आत्मा इज वैतरणी नदी अर कूटशालमली
बृंझ है। म्हारी दुष्प्रवृत्त आत्मा इज काम-हूधा-घेनु (सौं इच्छा
पूरण करण आलो गाय) अर नन्दन वन है।

सरीर माहु नावति, जीवो दुच्चइ नाविग्रो ।

संसारो अणगवो बुत्तो, जं तरन्ति महेसिणो ॥

सरीर नाव, आत्मा नाविक अर संसार समन्दर कहचो
जानै। सोक्ष री इच्छा राखणियाँ महर्षि इणनै तैर जानै।

पुरिसा ! अत्ताणमेव अभिनिगिजभ,

एवं दुक्खा पमोक्खसि ॥

आचा० ३।३।११६

हे पुरुष ! तूं अपणै आपरो निग्रह कर, खुद रै निग्रह सूं
तूं सगला दुङ्गाँ सूं मुक्त हुय जावैला ।

अप्पा चेव दमेयव्वो, अप्पा हु खलु दुद्दमो ।

अप्पा दन्तो सुही होइ, अस्सिं लोए परत्थय ॥

उत्ता० १।१५।

आत्मा रो इज दमन करणो चाइजै क्यूंकै आत्मा दुरदम्य
है। इणरो दमन करण आलो संयमी इण लोक अर परलोक में
सुखी हुवै ।

वरं ने अप्पा दन्तो, संजमेण तवेण य ।

नाझह परेहि दम्मन्तो, बंधणेहि वहेहि य ॥

उत्ता० १।१६।

दुजा लोग बंधन अर बध सूं म्हारो दमन करै, इणरी अपेक्षा
ओ आच्छो है कै म्हूं खुद संयम अर तप सूं आपणी आत्मा रो
दमन करूँ ।

वंघप्प मोक्खो अजभत्येव । आचा० १५१।
बंधन अर मोक्ष आपणे भीतर इज है ।

अप्पाणमेव जुज्ञाहि, किं ते जुज्ञेण वज्ञभग्रो ।
अप्पाणमेव अप्पाण, जइत्ता सुहमे हए ॥

उत्त० ६।३५।

आपणी आतमा रै सागैइज तूं जुद्ध कर, वाहरी दुसमना सूं
जुद्ध करण में थनै काई लाभ ? आतमा नै आतमा सूं इज जोत'र
मिनख सांचो सुख पाय सकै ।

अप्पाकत्ता विकत्ताय, दुहाण य सुहाण य ।
अप्पा मित्तमित्तं च दुषट्ठिअ सुष्पट्ठिओ ॥

उत्त० २० ३७।

आतमा इज सुख-दुख नै उत्पन्न करण आळी अर आतमा इज
उणरो नास करण आळी है । सत् प्रवृत्ति में लाग्योड़ी आतमा
आपणी मित्र अर दुष्प्रवृत्ति में लाग्योड़ी आतमा आपणी शत्रु है ।

जो सहस्रं सहस्राणं, संगामे दुज्जए जिरो ।
एं विरोज्ज अप्पाण, एस से परमो जओ ॥

उत्त० ६।३४।

जो मिनख दुर्जय-सग्राम में दस लाख योद्धावां पर विजय
प्राप्त करै, उणरी अपेक्षा जै आपनै खुद नै जोत लैवं तो आ उणरी
सवसूं वडी जीत है ।

न तं अरी कंठ छेता करेइ, जं से करे अप्पणिया दुरप्पा ।

उत्त० २०।४८

दुराचार में प्रवृत्त आतमा जितरो आपणो अनिष्ट करै,
उतरो अनिष्ट तो एक गळो काटवा आळो दुसमन भी नी करै ।

पुरिसा ! अत्ताणमेव अभिगिज्ञ, एवं दुक्खा प मुच्चवसि ।

आचा० ३।३।१०

हे आत्मन् ! तूं खुदइज आपणो निग्रह कर । इसी करबा
सूं तूं दुखां सूं मुक्त हुय जावैलो ।

अत्तकडै दुखेहे, नो परकडै ।

भग० ७।१

आतमा रो दुख आपणो खुद रो कर्योड़ो है । औ दूजां रो
दियोड़ो कोनी ।

दुज्जयं चेव अप्पाणं, सञ्चमप्पो जिए जियं । उत्त० ६।३६

एक दुर्जय आतमा नै जीत लेवा पर सब कुछ जीत लियो
जावै ।

११. मोक्ष

नारणं च दंसणं चेव, चरित्त च तवो नहा ।

एस मग्गुति पन्ततो, जिरोहि वर दंसिहि ॥

उत्त० २८।२

ज्ञान, दर्शन, चारित्र अर तप इज मोक्ष रो मारग है । आ
बात सर्वदर्शी ज्ञानीजण बतावी ।

नादंसग्गिस्स नारणं

नारोण विणा न हुन्ति चरणगुणा ।

अगुणिस्स नत्थि मोक्खो,

नत्थि अमोक्खस्स निवारणं ॥ उत्त० २८।३०

सरधा रै बिना ज्ञान नीं हुवै, ज्ञान रै बिना आचरण नीं हुवै
अर आचरण रै बिना मोक्ष नीं मिलै ।

सयमेव कड़ेहिं गाहइ, नो तस्स मुच्चेज्जङ्गुट्ठयं

सूत्र० १।२।१।४।

आतमा आपणा खुद रा बांध्योड़ा करमां सूं बधै । करियोड़ा
करमां नै भोगियां बिना मुगति नी मिलै ।

आहंसु विज्जाचरणं पमोक्ख ।

सूत्र० १।१२।१।१।

ज्ञान अर करम सूँ इज मोक्ष प्राप्त हुवै ।

कडाण कस्माण न मोक्ख अत्थि । उत्त० ४।३।

बन्ध्योडा करमां रो फल्ल भग्यां विना- मुगति नी मिलै ।
बन्धप्प मोक्खो तुजभज्जभ त्येव । आचा० ५।२।१५।०

बन्धण सूँ मुक्त हवणो थारै इज हाथै है ।

परीसहे जिग्यंतस्स, सुलहा सुगइ तारिसगस्स । दश० ४।२।१।

जो साधक परिसहां पर विजय पावै, उगरै वास्ते मोक्ष
सुलभ है ।

१२. विनय

विणए ठविज्ज अप्पणां इच्छतो हियमप्पणो ।

उत्त० ॥६

आतमहिन करण आळो साधक आपनै खुद नै विनय घरम में
स्थिर राखै ।

सिया हु से पावय नो डहिज्जा,
आसीविसो वा कुविओ न भक्खे ।
सिया विसं हालहलं न मारे,
न यावि मुक्खो गुरु हीलणाए ॥

दश० ६।७

संभव है कदाच आग नी जलावै, संभव है किरोधी नाग नीं
डसे अर ओ भी सम्भव है कै हलाहल विष मिनख नै नीं मारै । पण
गुरु री अवहेलना करणियै साधक खातर मोक्ष सम्भव कोनी ।

रायणिएसु विणयं पउंजे । दश० ८।४।०

बडैरा रै सागै विनयपूर्ण वैवार करणो चांइजै ।

मूलाओ खधप्पभवो दुमस्स,
खधाउ पच्छा समुवेन्ति साहा ।

सहप्साहा विरुद्धन्ति पत्ता,
तथो सि पुष्पं च फल रसोय ॥ दश० ६।२।१

वृक्ष रे मूळ सूँ स्कन्ध उत्पन्न हुवै, स्कन्ध सूँ शाखावा अर
शाखावां सूँ प्रशाखावां निकलै । इणारै पचै फूळ, फल अर रस
पैदा हुवै ।

एवं धम्मस्स विणाओ. मूलं परमो से मोक्षो ।

जेण कित्ति, सुय, सिग्धं, निस्सेसं चाभिगच्छइ ।

दश० ६।२।२

इणीज भांत धरम रूपी वृक्ष रो मूळ विनय है अर उणारे
आंखरी फल मोक्ष । विनय सूँ मिनख नै कीरति, प्रशंसा अर श्रुत-
ज्ञान आदि इष्ट तत्त्वां रो प्राप्ति हुवै ।

वेयावच्चेण तित्थयरनाम गोयं कम्मं निबंधेइ ।

उत्त० २६।४।३

वैयावृत्त्य-सेवा सूँ जीव तीर्थं कर नाम गोत्र जिसा उत्कृष्ट
पुण्य करमां रो उपार्जन करै ।

गिलाणम्स अगिलाए वेयावच्चकरण्याए अबभुद्देयव्वं भवइ ।

स्था० ८

रोगीं री सेवा करण खातर नितहमेस जागरूक रैवणो
चाइजै ।

तम्हा विणयमेसिज्जा, सीलं पडिलभेज्जओ

उत्त० १।७

विनय सूँ साधक नै शील अर सदाचार री प्राप्ति हुवै । इण
वास्तै उणारी खोज करणी चाइजै ।

विणयमूले धम्मे पन्नते ।

ज्ञाता० १।५

धरम रो मूल विनय (सदाचार) है ।

अणुसासियो न कुपिज्जा ।

उत्त० १।६

गुरुजनां री सीख पर किरोध नीं करणो चाइजै ।

१३. संयम

चउविवहे संजमे—

मणसंजमे, वइसंजमे, कायसंजमे उवगरण संजमे ।

स्था० ४१२

संयम चार प्रकार रो हुवै-मन रो संयम, वचन रो संयम, काया रो संयम अर उपधि (सामग्री) रो संयम ।

संजमेरणं अणाण्हयत्तं जणायइ उत्त० २६।२६

संयम सूं जीव आथ्रव (पाप) रो निरोध करै ।

असंजमे निर्यति च सजमे य पवत्तरणं

उत्त० ३१२

असंयम सूं निवृत्ति अर संयम में प्रवृत्ति करणी चाइजै ।

तहेव हिंसं अलियं चोजजं अवम्भ सेवगां ।

इच्छा कामं च लोभं च, संजओ परिवज्जए ॥ उत्त० ३५।३

संयमी आतमाहिसा, भूठ, चोरी, अब्रह्यचर्य-सेवन, भोग-विळास अर लोभ रो सदा खातर परित्याग करै ।

१४. क्षमा

खामेमि सब्वे जीवा, सब्वे जीवा खमंतु मे ।

मित्ती मे सब्बभूएसु, वेरं मज्जं न केणइ ॥

आवश्यक सूत्र ४।२२

म्हूं सब जीवा सूं क्षमां मांगू, सब जीव म्हनै क्षमा करै ।
म्हारी सब जीवाँ रै सारै मित्रता है । किणी रै सारै म्हारो वैर-विरोध कोनी ।

पुढविसमो मुणी हवेज्जा । दस० १० । १३

मुनि नै धरती रै समान क्षमाणील हुवणो चाइजै ।

खतिएणं जीवे परिसहे जिणाइ । उत्त० २६।४६

क्षमा सूं जीव परीसहां पर विजय प्राप्त करै ।

खंति सेविज्ज पंडिए । उत्त० ११६

पंडित पुरुष नै क्षमा धरम री आराधना करणी चानौ ।

पियमप्पियं सव्वतितिक्खएज्जा । उत्त० २११५

साधांक प्रिय अप्रिय सब शान्ति सूं सहन करै ।

खमावणयाए राणं पलहायणभावं जणयर । उत्त० २६१७

सूं आतमा में अपूरव हरख रो भाव प्रगट हुवै ।

१५. मृत्यु-कला

न संत मरणंते, सीलवंता वहुस्सया । उत्त० ५१२६

शीलवान अर वहुश्रुत भिक्षु मौत रै क्षणां मांय भी दुखी नी

हुवै ।

मरणं हेच्च वयंति पंडिया । सूत्र० १।२।३।१

पंडित पुरुष इज मौत री दुर्दम सीमा लांघ'र अविनाशी पद
नै प्रात करै ।

कालं अणवकंख मारो विहरई । उपा० १।७।३

आत्मार्थी साधक कस्टां सूं जूं भतो हुयो मौत सूं अनपेश
वण'र रैवै ।

माराभिसंकी मरणा पमुच्चइ । आचा० १।३।१

जो मिनख मौत सूं सदा सावचेत रैवै वोईज उणसूं मुगति
पाय सकै ।

१६. कपाय-विजय

अहे वयन्ति कोहेण, माणेण अहमागई ।

माया गइ पडिग्वाओ, लोहोओ दुहाओ भयं ॥

उत्त० ६।४५

क्रोध सूं जीव नीचे पड़ै, मान सूं जीव नीच गति पावै, माया
सूं जीव सद्गत रो नाश करै अर लोभ सूं जीव नै इण लोक अर
परलोक में भय उत्पन्न हुवै ।

- चउक्कसायावगए म पुज्जो । दश० ६।३।१४
जो चार कपाय सूं रहिन है, वो पूज्य है ।
- न विरुद्धकेज्ज केणाइ । सूत्र० १५।१३
किणी रे भी सागै वैर-विरोध मत राखो ।
- कसाया अग्निणो वुत्ता, सुय सील तबो जलं । उत्ता० २३।५३

कपाय (त्रोध, मान, माया, लोभ) आग कहीजै । उण नै
बृभावण सारुं श्रुत, शील अर तप जल रूप है ।

जो उवसमइ तस्य अत्यि आराहणा । वृहत्कल्प १।३५

जो कपाय रो उपशम करै, वो इज वीतराग प्रभु रे पथ रो
सांचो ग्राराधक हुवै ।

अप्पाणि पि न कोवए । उत्ता० १।४०

अफनै आप पर भी कदै किरोध मत करो ।

कोहो पीइं पणासेइ । दश० ८।३८

किरोध प्रीति रो नाश करै ।

उवसमेण हणे कोहं । दश० ८।३९

शान्ति सूं किरोध नै जीतो ।

माणविजएणि मद्व जणयइ । उत्ता० २६।६८

अहकार नै जीतण सूं जीव नै नम्रता री प्राप्ति हुवै ।

माणो विणयनासणो । दश० ८।३८

अहंकार विनय गुण रो नास करै ।

माण मद्वया जिणो दश० ८।३९

अहंकार नै नम्रता सूं जीतणो चाइजै ।

मायमज्जवभावेण दश० ८।३९

सरद्वता सूं माया अर कपट नै जीतणो चाइजै ।

माया विजएणि अज्जवं जणयइ उत्ता० २६।६९

माया नै जीत लेवण सूं सरद्वता प्राप्ति हुवै ।

माया मित्ताणि नासेइ । दश० द।३८

माया मित्रतारो नास करै ।

लोभो सब्वविणासणो

दश० द।३८

लोभ सगळा सद्गुणां रो नास करै ।

लोभ संतोसओ जिरो ।

दश० द।३९

लोभ नै संतौस सूं जीतणो चाइजै ।

जहा लाहो तहा लोहो, लाहा लोहो पवड्डइ ।

दो मासकयं कज्जं. कोडी ए वि न निटिठयं ॥

उत्त० द।१७

ज्युं-ज्युं लाभ हुवै त्युं-त्युं लोभ पण वधे । दो मासा सोना
सूं पूरो होबा आळो काम करोडां सूं भी पूरो नीं हुयो ।

सुवण्णा-रूप्पस्स उपब्यया भवे,

सिया हु कैलास सभा असंखया ।

नरस्स लुद्धस्स न तेहि किंचि

इच्छा हु आगाससमा अणन्तिया ॥

उत्त० ६।४८

कदाच सोना, चांदी रा कैलास जिसा बड़ा अनेक परवत हुय
जावै तो भी लोभी मिनख नै तृप्ति नीं हुवै, कारण कै इच्छावां
आकास रै समान अनन्त हुवै ।

करेइ लोहं, वेर वड्डइ अप्पणो । आचा० २।५

जो आदमी लोभ करै, वो चारुमेर बैर री बढोतरी करै ।

१७. राग-द्वेष

रागो य दोसो वि य कम्मबीय,

कम्मं च मोहप्प भवं वयंति ।

कम्मं च जाई मरणस्स मूलं,

दुकख च जाइमरणं वयंति ॥

उत्त० ३२।७

राग अर द्वेषये दोन्युं करमां रा बीज है। करमां रो उत्पादक मोह इज मानीजै। करम सिद्धान्त रा विशिष्ट ज्ञानी आ वात कैवै कै जनम-मरण रो मूल करम है अर जनम-मरण इज एक मात्र दुख है।

राग-दोसे य दो पावे, पाव कम्म-पवत्तारो

उत्त० ३१।३।

राग अर द्वेष ये दोन्युं पाप करमां री प्रवृत्ति कराबा में सहायक हुवै।

छिदाहि दोसं विणएज्ज रागं, एवं सुही होहिसि संपराए।

दश० २।५।

द्वेष नै नष्ट करो, अर राग नै द्वूर करो। इयां करण सूँ इज संसार में सुख री प्राप्ति हुवै।

अकुब्जओ रागां गत्थि। सूत्र० १।५।७।

जो आतमा आपणां भीतर में राग अर द्वेष रूप भाव करम नीं करै, उण रै नूँवा करम नीं बंधै।

१८. कर्म सिद्धान्त

सुचिण्णा कम्मा, सुचिण्णफला भवन्ति।

दुचिण्णा कम्मा, दुचिण्णफलाभवन्ति ॥

ग्रौप० ५६

आच्छा करमां रो फळ आच्छो अर बुरा करसां रो फळ बुरो हुवै।

सब्वे सयकम्मकपिथा

सूत्र १।२।३।१८

प्राणीमात्र आपणे करियोड़ा करमां सूँ इज विविध योनियां में अमण करै।

कम्ममूलं च जं छणं

आचा० १।३।१

करम रो मूल क्षण हिंसा है।

एगी सयं पच्चणुहोइ दुखं

सूत्र० १।५।२।२२

आतमा इज आपणै करियोड़ा दुखांरी भोगणहार हैं ।
तुहंति पावकम्माणि, नवं कम्ममकुच्चवश्रो ।

सूत्र० ११५॥६।

जो नंवा करम नीं बंधै. उणारा पैल्योड़ा बंध्या पाप करम
नष्ट हुय जावै ।

कतारमेय अणुजाइ कम्मं उत्ता० १३।२३
करम सदा कर्त्ता॑ (करणग्राळा) रै पाछै-पाछै चालै ।
सयमेव कडैहि गाहइ, नो तस्स मुच्चेजजपुट्ठयं ।

सूत्र० १।२।१४

जीव आपणै खुद रै बणायोड़े करमजाळ में आवद्ध हुवै ।
कियोड़ा करमां सूं उणांनै भोग्यां विगर मुगति कोनी ।

१६. शिक्षा अर व्यवहार

विवत्ती अविणीयस्स, संपत्ति विणियस्स य,
दश० ६।२।२१।

अविनीत नै विपत्ति प्राप्त हुवै अर सुविनीत नै सम्पत्ति ।
अह पंचहि ठाणोहि, जेर्हि सिक्खा न जब्मई ।
थम्भा कोहा पमाएण, रोगेणालस्सएण य ॥

उत्ता० १।१।३।

अहंकार, क्रोध, प्रमाद, रोग अर आलस इण कारणां सूं
शिक्षा प्राप्त नीं हुवै ।

कह चरे ? कह चिढुे ? कहं मासे ? सहं सए ?
कह भुंजन्तो, भासन्तो, पाव कम्मं न बंधइ ?

दश० ४।७।

भंते ! किण भांत चालां, किण भांत ऊभा रेवां, किण भांत
बैठां, किण भांत सूवां, किण भांत खावां, किण भांत बोलां, जिणसूं
पाप करमां रो बंधण नीं हुवै ।

जयं चरे, जयं चिह्ने, जयं मासे जयं सए,
जय भुंजन्तो, भासन्तो, पाव-कम्गं न बवइ ॥

दशा० ४।८।

अ.युध्मान ! जतना सूं चालो, जनना सूं उभा रैवी, जतना
सूं बैठो, जतना सूं सूवो, जतना सूं खाओ, अर जतना सूं बोलो ।
इण भाँत पाप करम नीं बंवै ।

न य पावपरिक्षेवी, न य मित्तो सु कुप्पई ।
अप्पियस्सावि मित्तास्स, रहे कल्लाण भासह ॥

उत्ता० १।१।१२।

मुजिक्षित मिनख सखलना हृवण पर भी किणी पर दोपारो-
पण नी करै अर नी कदै मित्र पर किरोध करै । दो अप्रिय मित्र रो
परोक्त मे पण प्रजंमा करै ।

चत्तारि अवायणिज्जा पण्णता, तंजहा
अविणीए विगइ पडिवद्दे, अविडसविय पाहुडे मायी ।
स्था० ४।३।३३६।

अै चार मिनख शिक्षा देवण रै लायक नी हुवै—अविनीत,
मुत्रादवृत्ति में गृद्ध, किरोधी अर कपटी ।

२०. मनुष्य-जनम

चत्तारि परमंगाणि, दुल्लहाणीह जंतुणो ।
मणुस्तां सुई सद्वा, संजमामिम य वीरियं ॥

उत्ता० ३।१।

इण संसार में प्राणियां खातर चार अंग धणा दुरलभ है—
मिनखपणो, धरम-श्रवण, सरधा अर संयम में पुरुमारथ ।

चतुर्हिठाणोहि जीवा माणुसत्ताए कम्भा पगरेति—
पगइ भद्रयाए, पगइ विणीययाए,
साणुक्कोसयाए, अमच्छरियाए ।

स्था० ४।४।

चार भांत रा मानवीय करम करण सूँ आतमा मिनख जनम
प्राप्त करै—सहज सरलपणे सहज, विनम्रता, दयालुता अर अमत्स-
रता ।

२१. अप्रमाद

अलं कुसलस्स पमाएणं आचारांग १२१४।

प्रज्ञाशील साधक नै आपणी साधना में किंचित् भी प्रमाद नीं
करणो चाइजै ।

भारण्डपक्खी व चरप्पमत्तो । उत्ता० ४१६

भारण्ड पक्खी री भांत साधक अप्रमत्त (जागरूक) भाव सूँ
विचरण करै ।

सब्बओ पमत्तास्स भयं,

सब्बओ अपमत्तास नत्थ भयं ।

आचा० १३१४।

प्रमत्ता आतमा नै चारूकांनी सूँ भय रैवे । पण अप्रमत्त
आतमा नै किरणी भी ओर सूँ भय नी रैवै ।

धीरे मुहुत्तामवि णो पमायए आचा० १२१९

धीर साधक मुहूर्त भर रै खातर भी प्रमाद नी करै ।

असंख्यं जीविय मा पमायए ।

उत्ता० ४१

जीवन असंस्कृत (क्षणभंगुर) है । वोरो धागो टूट जाबा पर
दुबारा जोडियो नीं जा सकै । आ सोच'र जरा भी प्रमाद नीं करणो
चाइजै ।

उटिठए नो पमायए आचा० १५१२

जो साधक एक'र आपणी कर्तव्य मारण पर बढऱ्यो है, उणनै
फेर प्रमाद नीं करणो चाइजै ।



